



19875

Mag. St. Dr.

P

~~241st. 677.~~  
VII. 7. 4.

VI. h. 111.







Ioachimi Pastorii  
FLORVS POLONICVS  
Seu  
Polonicae Historiae  
Epitome Nova.

LVGD. BATAVOR.  
Apud Franciscum Hegerum. A.º 1641.

*Loci lapidationum  
Vratislavia.*



VIRTUTIS JUXTA ET STEMMATIS

*ornamenti Illustri*

PETRO de LACHOWCE SIENIVTÆ,

*Cobelini, Plessovia, Zdanorum*

*Exc. Sc. Domino S.*



On mihi sollicitè, ut arbitror, dicenda causa est, cur libellum hunc Tibi, Illustris Domine, dedicatum veniam. Historia gentis Polonæ est, cujus Te proceribus pridem & Natalium & fortunæ tuæ splendor inseruit. Concinnata est à me, dum olim adolescentiæ Tuæ studiis admotus, id præcipuè curæ habui, ut à quibus vitam hausisses, ab iisdem exempla vitæ virtutumque acciperes. Nimirum à Majoribus Tuis, quorum antiqua decora & res præclarè gestas Tibi coram memorare aliquando solitus, nunc publico in literati orbis theatro, compendio traditas exhibeo. Leges hinc subinde *Conarscios, Firlejos, Sborovios*, quorum omnium sanguis es. Et Paterni nominis plura haberes monumenta, si Russorum rebus dicendis idonea se ingenia applicuissent. Sed infeliciores hinc illi Polonis, quibus in Majorum regredientibus tempora, saltem aliquot seculorum ratio utcumque constat. Nam antiquiora itidem vetustas rapuit, à nullo indigenarum, ob communem Septentrioni o-

lim

\* \* \* 2



Im literarū incuriam, transmissa ad posteritatem. Nec exteris memorantur, nisi neglectim & serè tum tantum, cum inde suorum gloriæ luminis aliquid foenerari conantur. Sed & talia è monumentis illorum eruere non indecori laboris fuerit, & tentarunt quidam non penitendo successu: majora tamen præstituri, si vel libros vel subsidia alia habuissent, quæ nunc, auctâ literarum luce, nonnullis suppetunt. Nec ego ab his omnibus satis paratus mihi videor, & si essem, juxta tamen ad id negotium longo opus fuerit otio, quod nunc equidem aliis studiis vacanti nimis exiguum suppetit. Majoris tamen in posterum potiundi spe sustentor, quæ si non fallit, conquirendis deinceps cæteris, quæ nostræ ætati propiora ad complementum hujus operis desunt, diligentius incumbam, parique, si valetudo & judicia meliorum voto responderint, conatu prosequar. Tu interim, Illustris Domine, ista à me accipe, si minus genio suo severioribus aliis placere merentia, Tibi tamen, ut spero, placitura, vel ob Autotem, ejusq; pronissimum in gloriam Polonorum & Tuam affectū. Vale. Scribeb. Lugd. Batav. incunte anno mill. sexcent. quadrag. primo, quem cœptis Tuis auspiciatissimum precor

TIBI

*addictissimus*

JOACHIMUS PASTORIUS. M.D.

I N  
FLORUM POLONICUM,

*Eruditissimi & disertissimi Viri,*

IOACHIMI PASTORII, Med. Doct.

*S*Lavica dum primis, Pastori, ducis ab annis,

*Et Lechi cineres exuviasque tui;*

*Et Craci imperium, magni incunabula Regni,*

*Tanta sub Arctoi sidere nata poli;*

*Tot formidatos, Bellona fulmina, Reges,*

*Nomina tot, nostris non temeranda modis;*

*Externum nil Roma legit. Se spectat in illis,*

*Eloquiumque operis, materiemque sui,*

*Hactenus & solos tantum mirata Quirites,*

*Fassa sibi est populum se reperisse parem.*

*Et pariter teresq; stupet; dumq; omnia laudat,*

*Omnia Romana sunt, ait, ista manes.*

MARCUS ZUERIUS BOXHORIUS.

## PROOEMIUM.

**P**olonorum natio, vetustissimis seculis communi Sarmatarum sub nomine cognita, postquam ab immensa horum & non capiente se amplius turbā discessit, magis etiam, quam antea, fortitudine Martisque operibus enituit. Formidata semper vicinis remotisque populis, multis etiam sat diu dominata, à nullo, nec Romano quoque, qui Orbi quondam imperare gloriabatur, subacta. Quin & ipsi huic, ut expressis virtutum vestigiis, sic quādam inprimis Genii similitudine comparari merita. Quæ à primo ortu, ad bella, & res gerendas ita unice compositū habuit, ut, exemplo veteris Roma, literato etiam otio nonnisi serius assuescere potuerit. Unde factum, ut, quemadmodum triumphos alienos, & quæ hos comitari solebat, exter-nam scriptionem industriam, felicitis semper armis arcuit: ita ipsa artium diu negligens & expers, res Majorum & suas nonnisi memoria ac narratione familiari sciret traderetve: externis vero gentibus victoriis potius & irruptionibus, quam libris innotesceret. Equidem ante Iagellonem paucissimos hic literis eruditos novimus: certè unum tantum, qui facta suorum posteritati tradere aggressus sit, Vincentium Cadlubcum; Virum ob antiqui-

## PROOEMIUM.

tatem, laboremque à nullo ante tentatum, venerabilem, quanquam aliqui Romana facundia cultu, seculi sui virito, minus nirescentem. Sed post Iagellonem, institutamque ab hoc Cracovia disciplinarum officinam, subiit major animorum cultura, adeoque cum resurgentium passim literarum luce crevit, ut & superiori seculo hac terra tulerit, & nostro etiamnum ferat ingenia, eruditione, inprimis floridā illā, & vitarebusque agendis aptiore, ad miraculum usque culta. Nec paucos etiam, qui res patrias decoris laboribus componerent illustrarentve, atas hac posterior profudit. Præter ceteros, quos silentio hic veneror, Martinum Cromerum, Varmiensem Antistitem dedit, virum ut loco illustrem, ita nulli historicorum seculi sui secundum, sive peritiam rerum, sive elegantiam Romani sermonis spectes. Quam utramque clarè ostendunt annales ejus, magnā industriā elaboratum & perpetua laude dignissimum opus.

Enimverò quia & extat jam rarius, & diffusa orationis profuentia grandius est, quam ut ab omnibus parari vel legi possit, incescit & aliis ante me, & mihi post illos studium, contrahendi, quæ ille operosius induxit, in compendium, simulque eadem



PROOEMIUM.

brevitate, qua post illum in Polonia acta  
essent, atrexiendi. Eam ego operam ante  
quadriennium, cum forte à lectione me-  
lioris ævi scriptorum recentior essem, ag-  
gressus, ad exitum Sigismundi Augusti, qui  
ultimus Iagellonidum masculorum fuit,  
deduxi: magis tamen id, quicquid esset, pri-  
vato quorundam usui, quam luci publice  
destinans. Quam revereri ego, ut pareat,  
semper solitus sum, & ut sustinere queat  
hoc, quod jam verecundia custodiâ effrin-  
git, maxime metuo. Nimisne formidolosum  
me ingenium aut tenuitatis conscientia fa-  
ciat, nescio: sed multis profecto fore cen-  
sores, multa & hic jam nunc video censu-  
ris opportuna: nec temere forsan repertura  
venia: apud inhumaniores, & quibus aliena  
sugillare volupe est. Multis non placebit ip-  
sa, quâ maxime placere volui, brevitatis;  
quod desiderium alicubi legentis non exple-  
bit. Sed forsan idem, si fuisset prolixior,  
brevior me voluisset. Ita enim plerumque  
præsentia in fastidio: quæ desideramus,  
in laude sunt: nec facile quid mediocre, ut-  
ut sit, videtur omnibus. Plures, opinor,  
brevitatem non culpabunt, sed velent se-  
junctam à vitiis suis: obscuritate nempe, &  
inconditâ ex re una in aliam defultatione.  
Obscuritatis accusatoribus, quod opponam,

non

PROOEMIUM.

non habeo, præter difficultatem rei, maxi-  
mis etiam ingeniis agnitam. Rarissimis  
profecto datum, nullo perspicuitatis dam-  
no, paucis verbis multa complecti posse.  
Nec pictor facile parvâ in tabulâ homines  
sexcentos aequè expressos & cuiusvis oculo ob-  
vios dederit, quàm si singulis tabulis singu-  
los depingat. Et quis credat nuce inclusum  
Magni Homeri opus, aequè facile legi fuisse,  
quàm aliquot arborum corticibus descrip-  
tum? Iam compagem scripti, si alicubi so-  
lutiior videbitur, argumenti itidem ratio  
merito defendet. Si Flori aliorumque ex-  
emplo, per bella tantum vel seditiones do-  
mesticas voluisssem decurrere, rem unam  
uno capite tradidisset, fuissetque sine sale-  
bris oratio. Nunc quia Regum vitam fa-  
ctaque omnia, certè sciri digniora, memo-  
rare decreveram, in eadem sæpe paginâ de  
nuptiis & funeribus, de comitiis pugnisque  
agendum, trajiciendusque subinde à Vistu-  
lâ ad Tanaim, à Smolensco Cracoviam  
stylus fuit. Genus dicendi, quod secutus  
sum, non excusabo hic multis: frustra enim  
fecero, qui scio, suum cuique & esse & pla-  
cere; & prout quodque ex alienis ad suum  
accesserit, ita æstimari. Caspitatis quidem  
Romana, quantum potuit, ratio habita  
est. Sicubi asperiusculum quid, aut insolens  
occur-



PROOEMIUM.

occurreret, damnari non prius velim, quam  
 Florum, atque inprimis laudatissimum hi-  
 storicum Tacitum consulueris. Qui no-  
 viter tum mihi & cum curâ lectus, sua  
 subinde aliqua etiam non quærenti adper-  
 sit. Quod publicè hic profiteor, ne me aliena  
 pro meis venditare credas, aut procacius  
 aliqua carpus tanquã mea. Caterii Latinis  
 auribus ut tanto magis me attemperarem,  
 placuit etiam nomina quadam Polonica  
 nonnihil ad molliem Romanã deflectere.  
 Quod quia Cromero quoq; nõ raro factita-  
 tũ, exemplo huius laudari, saltem excusari  
 merebitur. Sed præter cætera, laceſcent hic,  
 nisi fallor, unguis censorios sententia, qui-  
 bus scriptum hoc alicubi intertextum cer-  
 nitur. Aliæ frigidiuscula, aliæ & loco alie-  
 niore insertæ videbuntur. Nec mihi sane  
 omnes placent, jugulassentque nonnullas,  
 nisi familiares, quibus minus displicuerant,  
 intercessissent. Qui iidem, ut meam in aliis  
 etiam severitatem reſtringerent, in anti-  
 quorum recentiorumque quibusdam, lau-  
 datis alioquin, scriptis, nonnulla reperiri a-  
 jebant, rigidioribus iudiciis minus satisfac-  
 tura, nisi prævalida eorum, qui scripsissent,  
 autoritas, censors timidos, & censendorum  
 vel vitia faceret honesta. Præterea in ma-  
 gnis plerorumque operibus commodior qui-  
 buscumque sententiis vel locus vel latebra

PROOEMIUM.

datur: cum potissimum sermones aliorum  
 identidem referant, qui gemmas ejusmodi  
 pronissimè recipiunt, isq; lucis & dant &  
 debent non parum. Nobis in arcto magis  
 labor fuit, & si qua ingenii imbecillitas com-  
 misit notari digna, ea in propatulo & ad  
 cuiusvis oculi ictum libelli exilitas exponit.  
 Concionem vix unam inserere permisi mi-  
 hi; nec alia, quæ cæteris contingere, habere  
 licuit adminicula, quibus se erigeret stylus.  
 Quid majori jure, mihi, qui laudem ex his  
 non affecto, veniam saltem deberi conſeo.  
 Parvum tu istud, quantumcunque est, libe-  
 re licet pronuncies. Tale enim etiam Au-  
 tori videtur. Nec diversum de hoc credere  
 te jubeat libelli frons, præclaro floridissimè  
 historicorum nomine superba. Nulla enim  
 æquanda gloria spes, sed solam ob brevitaris  
 similitudinem, quæ alios quoque ad idem  
 faciendum induxit, titulus hic præscriptus  
 est. De fide historia, quam alii autores in  
 frontispicii librorum præstruere sibi conan-  
 tur, minus mihi laborandum existimo: qui  
 & ingenio, ut sciunt omnes, qui me norunt,  
 vitæque instituto, à studiis partium alie-  
 nissimus sum: & hic cum religioso alio-  
 rum, quibus fides habetur, vestigia presse-  
 rim, illorum autoritate, adversus falsi su-  
 spicionem, tutus, opinor, ero, certè esse me-  
 reor. Vale.

**L**etra Vistulam, qui limes est Germania Orientē versus, latē jacent Sarmatia, Europaea prima, deinde Asiatica, ad Septentrionē porrecta, qua Tanai fluvio & Meotide palude discriminatur. In Europaea Poloniae regnū situm est, quod etiam citra Vistulam, versus occasum ad Oderā seu Viadrum usque protenditur. & Pomeraniam ac Prussiam, amplissimas Polonicae ditionis beneficiarias provincias (quanquā & easdem Imperium Germanicum sibi vindicat,) Poloniam deniq; propriē dictam, à qua toti regno nomē, inter Vistulam & Oderam amplectitur. Totum igitur regnum ab Oderā ad Vistulam & à Vistula ad Borysthenem, hodie Nieperum dictū, à Ponto Euxino ad mare Balticum, ab extremis Lithuanorum sinibus ad Moscorum & Suecorum usque limites extenditur.

In Europaea Sarmatia spatio maxima ac frequentissima regiones moribus ac lingua differentes, Polonia, Prussia, Masovia, Samogitia, Livonia, Lithuania, Volhinia, Podolia, in unum fortissimum regni corpus coalescunt. Polonia, cui à Pole nomen, quod vocabulum planitiem & venationem sonat, eo quod plana majori ex parte provinciae

vincia & venationibus exercendis opportuna sit, in Majorem & Minorem dividitur, & ab occasu Oderam habet, & trans Oderam, Germaniam omnium Europae provinciarum maximam: à meridie Pannonias: ab ortu Lithuaniam respicit. Regio ferax, oppidis ac vicis & castellis frequens, fluviiis crebris irrigua, & adhuc generosa nobilitate abundans; quae armorum curam ferè cum liceris conjungit. Itaque & regionum visendarum gratia, Nobiles ac primores Adolescentes crebrò Lares paternos deserunt, & magnam secum Doctrinae copiam & optimarum rerum usum non mediocrem, ex peregrinationibus collectum, domum referunt. Slavica Lingua utuntur, ut & in Germaniā Boemi, Silesii & Moravii, à Sclavis è Roxolaniā populis profecta, qui circa Attilā, Hunnorum Regis, tempora, vacuas Vandalorū sedes occupasse, & in interiorē Germaniam victricia arma intulisse memorantur. Ab iis, ut genus, sic lingua propagata, hodie quam latissime per Septentrionē & Orientē pater: eaq; ferè, prater eos, quos dixi, Vinde, Baltico mari vicina gentes, Pomerani, Lusatii, Roxolani, Mosci, quorum non solum in Europā, sed etiam in Asiā latissimum est Imperium, Circassii etiam Quinquemon-



PROOEMIUM.

quemontani ad Pontum habitantes, Ra-  
sciani, Mesii, Serviani, Bulgari, Bosnen-  
ses in Illyrico, Dalmatae, Istri, Carniolani  
ac denique Carinthii utuntur.

Sabellicus Ennead. 8. lib. 2.

Slavos, perhibent, à Cimmerico Bosphoro, è  
Sarmatiâ & Russiâ bipartitò egressos. Par-  
tè unam ad dextram deflexisse Septentrio-  
nem versus, scissamque in duos populos Bo-  
hemos & Polonos, cum hos Lechus, illos  
Cechus fratres ducerent. Alteram trans-  
misso Istro, secundum Savum amnem, ad  
Dalmatiam usque, sedes tenuisse, nihil mu-  
tato nomine. Occuparunt autem relictas à  
Vandalis sedes Hispaniam potentibus.

Prin-

Principum Regumque Polonorum  
series.

Lechus.	pag. 1	al. Crivousti.	49
Palatini XII.	3	Vladislaus II	
Cracus.	4	Ethnarcha.	59
Lechus II.	6	Boleslaus Cri-	
Venda Virgo.	7	spus.	63
XII. Palatini.	8	Miecislus Senex.	67
Premisus seu		Casimirus Ethnar-	
Lescus I.	9	cha, quem quidam	
Lescus II.	10	Iustum appellant.	
Lescus III.	12	68.	
Popielus Major.	13	Lescus Albus.	72
Popielus Junior.	14	Miecislus Senex	
Piafius.	17	iterum.	73. 74
Lescus IV.	21	Vladislaus Lafco-	
Ziemomilus.	22	nogus.	76
Miecislus primus		Lescus Albus ite-	
Christianus Prin-		rum.	76
ceps.	23	Boleslaus Pudi-	
Boleslaus Chrobri-		cus.	79
primus Rex.	26	Lescus Niger.	86
Miecislus II.	31	Premisus, qui pri-	
Casimirus I.	32	mus post Boles-	
Boleslaus Audax.	36	laum Audacem,	
Vladislaus Her-		(in quem vibrata	
mannus.	44	Pontificis R. ex-	
Boleslaus III.		communicatio	
		diu	



diu ad successores  
 etiam se expor-  
 rexit, ) Regium  
 nomen resump-  
 sit. 92  
 Vladislaus Locti-  
 cus. 94  
 Venceslaus. 96  
 Vladislaus Locti-  
 cus iterum. 98  
 Casimirus Ma-  
 gnus. 110  
 Ludovicus Unga-  
 rus, 116

Vladislaus Iagel-  
 lo. 124  
 Vladislaus III. 136  
 Casimirus III. 145  
 Joh. Albertus. 160  
 Alexander. 169  
 Sigismundus I. 175  
 Sigismundus Augu-  
 stus, ex masculis  
 Iagellonidis ulti-  
 mus, & hujus o-  
 pusculi coronis .  
 195.



## LIBER I.

### CAP. I.

## DE LECHO.

ANNO CHRISTI. IOL.

*Lechus primus Princeps. Quis status tum  
 principum. mores Polonæ gentis. Gnesna  
 condita. gentium Septentriona-  
 lium migrationes.*

**P**RIMUS Polonæ Reipubl: con-  
 ditor ac Princeps Lechus fuit.  
 Cujus ut patria ambigua,  
 (quippe quem indigenam alii, alii è  
 Sclyvoniâ Dalmatiâve advenam existi-  
 mant:) ita virtus non alio certiore argu-  
 mento innotuit, quàm quodd ductum  
 ejus sequi, audireque imperium invalori-  
 novæ terræ Populus voluit. Erat tum si-  
 ne lege Principis potestas, nisi quam ei  
 vel natura poneret, vel genius populi su-  
 perba imperia facillime aspernantis. Nec  
 propriis ex agris ille, sed annuo susten-

A.                      rabatur

tabatur proventu subditorum, securius quoque sic parentium Principi, qui sine ipsis vivere non posset. Nummus etiam hactenus in Poloniâ incognitus erat. Oppida rara. Lechus quæ repperit, munivit & ad nova struenda animum adjecit. Prima operum ejus Gnesna hodieque extat, regia quondam principis, nunc primi Antistitis sedes. Quam molienti animum vel dedit vel auxit nidus regnatricis avium Aquilæ, felix nascentis Imperii omen. A nido nomen adepta civitas est; avis insigne regni mansit. Bella quin aliqua gesserit Lechus, extra dubium est, aut certe perquam felicem fuisse oportuit, cui novæ terræ occupatio nullo sanguine constiterit. Quantum magnam ejus partem desolatam offendisse verisimile est, desertamque priscis cultoribus Vandalis. Incidit enim Lechi ætas in ea tempora quibus Vandali Galliam, Hispaniam, & Africam, Gothi Italiam inundaverunt; eunte tum Româ in præceps, danteque exitio suo variis Imperiis initia nascendi.

CAP.

## DE PALATINIS XII.

*Aristocratia instituta similis Decemvir.*

*Rom. Leges tum condita, non scriptæ.*

*Palatinorum ambitio & discordia.*

*Finitimorum machinationes.*

**N**ondum formam constantem aut certum veluti vultum duxerat Polonorum Respublica. Facilis mutationi fuit, cum vel Lechus nullam sobolem aut non capacem sceptri reliquisset, vel populus libertatis pertinax uni in omnes dare nollet imperium. Visum ergo est duodecim primarios viros deligere, munia Reipublicæ communi consilio exequuturos; qui tû vernaculo nomine Wojevoda, id est belli duces dicti, hodie Latine loquentibus Palatini vocantur. Ac hic magistratus & numero, & factis & sine denique haud multum ab similibus Decemviratui Romanorum est. Nam utrorumque & brevis potestas, & laudabilius initium, quam finis fuit. Præterea, ut illi Romanam, ita Polonam Rempubl. isti legibus certis devinxerunt. Quæ tum rudi adhuc seculo



simplices fuerunt, & quia literarum cultura aberat, non tabulis sed mentibus inscriptæ solis in moribus observantium legebantur. Plurimum his institutis ornaverant Rempubicam Palatini; sed hanc iidem mox gravissimè affixere. Correpti enim ambitione discordes agere ac raptare inter se Imperium ceperunt. Quod idem sic domi agrum non omiserunt mox infestare finitimæ gentes, jam pridem, ut fit,urgentem in viciniam novam potentiam malè ferentes.

## CAP. III.

## DE CRACO.

AD ANN. CHRISTI. DCC.

*Cracus invitus suscipit Principatum. susceptum pacat. Cracoviam condit. Draconem tollit. Sepulchrum illius.*

**L**aborante ita externis civilibusque bellis Poloniâ, publicæ rei intererat ab uno rursus omnia regi. Aprissimus ad id Cracus videbatur, vir opulentus, Vistulæ fluminis accola. sed is ægrè persuaderi potuit, ut susciperet onus, quod per

per se arduum mala tum publica aggravaverant. Vicit tamen recusantis modestiam pertinacia deferentium. Ille turbatum imperium pacare aggressus hostes partim fœderibus, partum vi mitigavit. Domi ambitionem & si quæ alia supererant discordiarum civilium semina sustulit, ac ut porro compositius cuncta agerentur, passim per provinciam discēptatores privatarum litium constituit. Inde novam ad Vistulæ ripam excitat urbem, quam de suo dictam nomine Cracoviam, relictâ Gnesnâ, regni caput dedicat. Arcem imponit monti Vavelo, qui hinc Vistulæ præterfluenti, inde subiectæ urbi imminet. Ad ejus radices suspensum rupibus antrum hodieque conspicitur, quod Draco immanem monstrum, & magna circumjectorum locorum calamitas dicitur habitasse. Quem Cracus obiectâ corporum pice ac sulphure effertorum escâ confecit. Moriens in Lassotino monte ultra Vistulam è conspectu Civitatis suo sepeliri voluit, sublato in collis speciem tumulo, qui hodie etiamnum extans, urbi nobilissimæ memoriam conditoris sui renovat conservatque.



## DE LECHO II.

*Parricidium Lechi ejusdemq; poena exiliū.*

**C**RACUS duos filios reliquerat. Quorum minor natu Lechus imperium, quod Craco fratri jure ætatis primò debebatur, rapere maluit, quam expectare. Valuitque in tantum ambitio, ut regnandi causâ nec parricidii scelus admittere dubitaret. Eductum enim in sylvas specie venandi fratrem obruncavit. Mox ut à se suspicionem cædis amoliretur, eundem quasi casu vel fato mortuum multo luctu & accuratissimo exequiarum honore prosequutus est. Sed nempe vindex scelerum Deus non permittit diu latere flagitia, aut fructu eorum gaudere authores. Enortuit Lechi facinus, ac missus in exilium est parricida. Sat grande supplicium ferre videbatur, si eo careret, ob quod parricidii reus esse non timuisset.

CAP.

## DE VENDA VIRGINE.

AD ANN. CHRISTI. DCCCL.

*Venda Princeps electa. matrimonium respuit. Ritigeri proci conatus. mors.*

*Venda vitrix se Diis Manibus devovet.*

**E**X sobole Craci Venda supererat ingens animi virgo & supra sexum suum prudens. Inde post infaustos fratrum casus digna Polonis visa est, cui sceptrum paternum daretur. Et hac veluti dote destinabatur conjugio, per quod Poloni principem & ex eo prolem acciperent, ne porro successor in dubio foret. Sed Venda princeps esse, quam principis uxor maluit. Ambiebat eam Ritigerus è vicinâ Germaniâ Princeps, & spretus à pulcherrima virgine conjugium, quod precibus imperare non poterat, manu capere decrevit. Progressus ad fines Polonorum cum exercitu hostilia minabatur, sic tamen, ut in hoste amantis animum retineret. Processit obviam cum expeditis suorum copiis Virgo, om-

A 4

go, omnia mutua ostentans præter amorem. Dum legationibus morantur bellum, pudor incescit Ritigeri comitibus pugnare contra castissimam Virginem pro Principis sui libidine. Ergo arbitum moliantur. Dux ipse amore Virginis, simul irriti conatibus pudore vecors, infelicem sibi manum infert. Vendentriumphans Cracoviam ingreditur, nec contenta victimas alias obtulisse, se ipsam Diis Manibus devotam in Vistulam præcipitat, nobili contemptu vitæ, si tam digniori causæ impensa esset, quam cæco impetu erroreque superstitioso videtur projecta.

## CAP. VI.

DE XII. PALATINIS,  
& PREMISLO.

*Palatini iterum regnant. Premisli fabrica.  
Ejusdem electio in Principem.*

VAndæ castitas Polonis gloriosior quam utilior fuit. Tota enim cum illa stirps regnatricis, de quâ sola jam supererat, intercidit: Revolutaque est Imperii moles in Palatinos. Sed favit fortuna

tuna Polonis, ut cognitus recenti periculo Magistratus, ante quam tempore corrumperetur, desineret. Infestabant tum Poloniam Pannonæ & Moravi, diu impunè, donec à Premislo aurifabro inusitatâ rudi illi seculo arte multarentur. Fabrefactas ex corticibus arborum, & felle vel lithargyro illitas galeas ad oram sylvæ in arbutis truncisque, castra hostium contrâ, clam noctu suspenderat. Sole oriente splendor galearum, exercitûs specie oculis eminus spectantium illudens, excivit quosdam hostium, qui prioribus successibus feroces tanquam ad expositam prædam accurrerunt. Venientes cum galeas non repperissent (cas enim Poloni interim amoverant) fugâ elapsam credunt hostem & ad persequendum se parant. Sequutos in interiora sylvæ derepente ex insidiis circumveniunt Poloni cæduntque: mox armis eorum indutis castra quoque hostium invadunt. Machinatorum tam felici doli Premislium admirati Poloni Principem fecere. Regere debere visus est Rempublicam, quam servaverat.



## DE LESCO II.

AB ANNO DCCCLX. AD ANNUM  
DCCCIV.

*Certamen equestre de Principatu. Dolus  
Lesci. infelix auctori. alterius Lesci  
electio. & mores.*

**S**ed Premissus seu Lescus iste orbus  
decessit. Inde nova de Principatu  
contentio orta est. In quâ cum cætera  
discordarent, eò consensere voces om-  
nium, ut fortunæ permitteretur electio.  
Selectis equis versicoloribus procurre-  
retur ad metam, qui primus pervenisset,  
Princeps foret. Sed repertus est ex com-  
petitoribus, qui fortunæ arbitrio do-  
lum interponeret. Is campi, in quo cer-  
tandum erat, arenas tribulis ferreis clâ-  
noctu impedit, relicto sibi tramite inte-  
gro, equoque etiam in casum soleis fer-  
reis munito. Effusis in cursum omnibus  
lapsantes cæteri vel tardati facilè victo-  
riam impostori reliquere. Iamque ad-  
strepî coeprum erat ut victori, ut Princi-  
pi, cum paulò post fraudis compertus  
pro principatu supplicium subiit. Forte  
autem

autem cum cæteri equites decurrerent,  
vir quidam tenuissimæ fortis idem sta-  
dium pedes, non sine risu astantium in-  
gressus fuerat, metamque etiam post ip-  
sum doli structorem tetigerat primus.  
quòd scilicet antequàm aliî adessent, cum  
sodale ludicro cursu certamini velut  
præludens, quâ currendum esset non si-  
ne pedû vulnere didicisset. Illum postea  
fato sibi ostensum rati Poloni, quanquàm  
pauperem & nec unius equi Dominum  
principatu donarunt. Quem ille, dubites  
majorene felicitate acceperit, an indu-  
striâ administrarit. Stimulabat animum  
ipsa ignobilitas, ut quod stirpi deerat,  
virtute suppleret. Animum fortem in  
hostes, in suos beneficium ostendit, ha-  
bitum vero privati & modestiam mutatâ  
etiam fortunâ retinuit, ac ne exueret,  
pannos, quibus ante Principatum usus  
erat, subinde contemplabatur, sobriæ  
insuper vitæ inprimis studiosus, ebrie-  
tatilque osor acerrimus. Quasi sciret,  
magnis honoribus tentare fortunam  
mortalium mores, cautè egit, ne impar  
inveniretur.

## DE LESCO III.

AB ANNO MDCCCIV. AD ANNUM  
MDCCCX.

*Lesci bella cum finitimis. pax cum Carolo  
Magno. filius ejus Provincia distributa.*

**G**loriosam Lesci vitam similis mors  
sequuta est. Fertur enim in prælio  
contra Carolum Magnum Sclavis Hun-  
nisque opem ferens occubuisse. Sed mox  
in successore filio virtus mortui patris  
resplenduit. Aspernatæ novitatem ejus  
finitimæ gentes assiduis bellis exerce-  
bant arma fortissimi juvenis, incitabant-  
que ostendere, parum interesse virtu-  
tis, quos numeret majores. Atque  
istos quidem hostes felicissimè ultus est.  
provinciis etiam quibusdam patrio reg-  
no adjectis. Cum Carolo M. missis mu-  
neribus pacem pepigit. Satis speciosum  
fuit Lescio, à magno illo Occidentis do-  
mitore non victum esse. Filios habuit  
complures, quorum unus è legitimâ  
conjugè Popielus in spem regni educa-  
tus: reliquis impari Venere natis, Mar-  
chia, Pomerania, Cassubia usque confi-

MCS.

nes Provinciæ distributæ sunt, hoc au-  
toramento, ut Popielo hæreditatem  
suam integram relinquerent. Felix ob-  
iisset Lescus, si tam bonum hunc genuis-  
set, quam bonus genuerat.

## DE POPIELO MAIORE.

AB ANNO MDCCCX. AD ANN:  
MDCCCXV.

*Popielus degener. mutat sedem regiam.  
cito moritur.*

**P**opielus nihil à Patre præter Princi-  
patûs fortunam accepit. Animus  
dissimillimus erat, ignavus, & ultra ab-  
dominis curas vix assurgens. Nec patria  
sedes Cracovia diu degeneri placuit. Si-  
tus urbis montibus cinctæ & Russorum  
Pannonumque assultibus opportuna  
persuasit homini, ut campestria Poloniæ  
planaque habitare mallet. Et quò simul  
fratribus propior esset Pomeraniæ do-  
minis, Crusphicia delecta est, Cujaviæ,  
ut hodiè dicitur, oppidum. Sed frustra  
vitæ vel securitatem, vel voluptatem hæc  
mutatione sedis quæsit. Aliquanto e-  
nim



14 FLORI POLONICI  
nim post repentino fato abreptus est,  
non bonus sine dubio princeps, nisi peior  
filius patrem etiam desiderabilē fecisset.

C A P. X.  
DE POPIELO IVNIOR.

AB ANNO MDCCCXV. AD AN:  
MDCCCXXX.

*Popielus deterior Patre. deformis. uxor ejus  
pessima. ipsi imperans. patruos veneno  
necant. à muribus devorantur.*

**P**Opieli filii adolescentia aliquandiu  
patruorum Procerumque consiliis  
cohibita est. Mox non tutorum tantum,  
sed omnia honestatis fræna excussit. Ju-  
venis in foedâs voluptates totus pro-  
fluens, regere ab ingenio ineptus, & ex  
dominandi fortunâ nonnisi licentiam  
usurpans. Iuncta erat animi ignavia cor-  
poris deformitas raro in capite & facie  
pilo perabsurda. Inde irrisum vocola-  
que subditorum incurrit, ut vulgari con-  
vicio Chostek appellaretur. Spes adhuc  
tamen corrigendi juvenis in matrimo-  
nio supererat. Verum & hæc sefellit.  
Ducta enim è vicinâ Germaniâ uxor ad  
Prin-

LIBER I. 15  
Principis solutissimos mores propria in-  
super vitia avaritiam & crudelitatem at-  
tulit. Postremo quoque scæmina impo-  
tens vecordiam Popieli ita subegit, ut  
hic inania nominis, ipsa vim teneret im-  
perii. Nec satis illi erat vivo marito im-  
perare, nisi imposterum etiam sibi & fi-  
liis, quos duos ex Popielo pepererat, re-  
gnum firmaret. Diffidebat autem favori  
Polonorum, præsentem dominationem  
abominantium: sed inprimis Patruorum  
mariti gratiam in vulgus atque autori-  
tatem suspectabat. Hos dum amoliri  
laborat, erupit in scelus, in quo fides  
annalium laboret, nisi tot seculorum  
consensu niteretur. Persuadet mulier  
nefanda marito, ut molesto æmulum  
metu se suosque liberos exsoluturus,  
dolo, quem commenta erat, operam  
commodaret. Ille, jubente ita uxore,  
morbum simulat, patruisque advocatis.  
quasi morti proximum conjugem ac li-  
beros commendat. Ipsâ interim ut fi-  
dem morbi periculosi faceret, nulla non  
adhibente doloris imitamenta. Flexo in  
vesperam die, Popielus manum quasi tes-  
seram affectûs sui ultimam secessuris  
porrigit, & simul infelix poculum, quo  
paratum à muliere venenum contineba-  
tur.

tur. Illi conceptâ intra viscera morte abeunt, mox acti in rabiem post ingentia tormenta exanimantur. Clamat mulier divinâ aliquâ vi tactos esse, ac recidisse in autores insidias, quas marito suo struxissent. Mox corpora abjici jubet, odio ipso quasi & sævitâ in nocentes innocentiam suam probatura. Et fefellerat fermè homines, sed minimè Deum, qui si fides annalibus veterum, prodigioso planè & inaudito supplicii genere, qui patnaverant, reos peregit. Nati quippe & cadaveribus projectorum mures portentosæ molis invadunt impium parricidam, uxorem & liberos. Non aqua, non flamma, non claustrorum latebræ, non auxilia ministrorum arcere hos vindictæ Divinæ satellites potuere. Ita tandem liberi Principis Lechus & Popielus, mox conjux, postremo ipse pabulum murium facti, documentum dedere posteris, non posse à mortalibus tam horrenda committi flagitia, quin horribiliores pœnas iratum Numen inveniat.

C A P.

## C A P. XI.

## DE PIASTO.

A B ANNO IDCCCXXX.

A D ANN. IDCCCLXI.

*Comitia sine effectu. turba in Polonia. Pias-  
tus pascit miraculosè plurimos. princeps  
creatur. bene diuque imperat.*

**C**alamitates Poloniæ sub Popieleo toleratas auxere post ejusdem exitium orta de successore dissidia. Indicta Crusviçiæ comitia sine effectu disfluunt. Et poscentes regnum filii Patruorum, quos Popielus sustulerat, adversos habebant Polonos. Interim omnia rapinis & latrociniiis infesta erant, & mox per interna mala machinationibus finitimorum, nudum Reip: latus objectabatur. Coacti iterum Proceres, cum diu se variis contentionibus fatigassent, tandem eum eligunt Principem, quem nemo unquam speraverat. Is erat Piaslus Crusviçiæ oppidanus, modici agelli dominus, sed inter fortunæ angustias vitæ innocens, & inprimis in egentes promptus. Hunc narrant scriptores extremis Comitibus, cum magna annonæ caritate labo-



laboraretur, refecisse omnem eorum, qui ad comitia convenerant, multitudinem: nihil minuentibus inter tot avidas fruentium manus dapibus: eâdemque penûs fecunditate olim ab eo exceptum Principem cum universo aulicorum comitatu. quo prodigio attonitos Polonos Piasium nequicquam reluctantem salutasse principem. An à credulâ antiquitate hæc falso in miraculum corrupta sint, non habeo dicere: certe non sine fato potitum esse Principatu Piasium, principatus ipse ostendit, gestus ab illo felicissime, & ad seram posteritatem ordine non interrupto deductus. Quos enim post illum Duces vel Reges Polonorum ad Ludovicum Ungarum numeramus, illius soboles sunt, & ad eundem hodie Duces Lignicenses ac Bregenses, generis sui primordia referunt. Bella sub Piasio nulla fuerunt. Incurssiones hostium ad initia statim ejus acquieverunt. Latrocinia, dissidiaque interna, autoritate magis quam severitate Piasii compressa sunt: comitante eum divini favoris opinione, quâ nullum instrumentum ad regendam multitudinem potentius Principes habent. Crusyciam scelere humano divinæque ultionis piaculo

culo infamem locum Gnesnâ mutavit, vetustissimâ Principum sede. Hic obiit annum agens vicessimum supra centessimum, ætate sanè principibus viris inusitatâ. Sed hic quondam Agricola, frugalitatem prioris fortunæ etiam postea servaverat, gulæ & libidinum abstinentis, per quas plerique vitam præcipitant.

## CAP. XII.

## DE ZIEMOVITO. I.

AB ANNO MDCCCLXI. AD ANN.

MDCCXCII.

*Ziemovitus à Patre consors imperii assumitur. disciplinam militarem condit. bella ejus. cum Vngaris. Germanis. Pomeranis.*

**P**iasio Repicha digna marito conjux dignum Patre filium Ziemovitum pepererat. Qui à Patre grandævo in consortium curarum jampridem assumptus, illo mortuo magnis omnium studiis summum regimen accepit. Vir erectæ indolis, inedia, vigiliæ, alboris patientissimus; penitusque ad rem militarem compositus. Quanquam nec in pace obso-

obsolevit, munificus in largiendo, in pœnis lenitati propior. Simulac Patri successerat, gentis suæ fortitudinem ratione temperaturus disciplinam militarem condidit, creato militiæ magistro & ordinum ductoribus. Paulò post in Ungaros & Moravos, tandem & Germanos movit, repetiturus provincias, quas illi Popieli nuper ignaviâ & interregni tumultibus usi, Polonice eripuerant. Atque hi tum, Ludovico Balbo imperante, discordiis internis attinebantur. Quò facilius Ziemovitus non sua tantum recuperavit, sed latius subinde evagante belli contagione vicina aliquot loca traxit. Pari felicitate, quæ Prussi occupaverant, recepit. Inde in Pomeranorum, Cassubiorumque duces vertit, priscum Polonorum ex Lescò III. Sanguinem. Sed hæc aliquantum victoriarum ejus cursus substitit, recusante velut fortunâ adesse cognatos suos oppugnanti. Hi ergo locorum inprimis præsidii tuti, diu bellum sustinuerunt, fatigatisque etiam tandem Ziemoviti post insequuta mors, ac successoris filii impar ætas respirandi copiam dedit.

C A P.

C A P. XIII.

## DE LESCO IV.

AB ANNO MDCCCXCII. AD AN.  
MDCCCXCIII.

*Lesci impuber ætas. Curatores. pacis  
studium.*

**M**Oriens Ziemovitus, cum XXXII. regnasset annos, filium impuberem Lescum reliquit, cui grati in parentis merita Poloni principatum deferunt, datis puero rectoribus, qui Republicæ interim negotia tractarent. Hi seu incuriâ, seu contemptu gloriæ sub alienis auspiciis merenda, neglexere cepto à patre Lesci contra Pomeranos bello insistere. Lescò postea adulto occasio effluerat. Et erat mitis ingenio Princeps, quique pacem quam bellum mallet, patrium tueri principatum contentus. Ne lenitatem hanc ignaviam interpretemur, pacis artibus effecit, in quibus & ipsi habent ubi se exerant bona ingenia.

C A P.



## CAP. XIV.

## DE ZIEMOMISLO.

AB ANN<sup>o</sup>. 10000CXIII. AD ANN.  
10000CLXIV.

*Hic quoque pacis amans. serò filium & ca-  
cum suscipit. cui restituta prodigio se  
lux maiorem Polonia lucem  
portendit.*

Quasi Polonorum animos Christia-  
na mansuetudini sensum tempora-  
re vellent fatum; pacis amanti Lesco simi-  
lis filius Ziemomislus successit. Quippe  
& hic leni silentio vitam transegit, nullâ  
re nobilior, quam filio. Quem sero par-  
tu mater ediderat, & quasi ne sic qui-  
dem satis elaborasset natura, cæcum.  
Dubitabat penè pater talemne prolem  
orbitati præverteret, nescius quantâ per  
eam Polonia beanda esset felicitate. At-  
tigerat annum septimum puer, usitatum  
gentili ritu tondendæ comæ, & no-  
minis imponendi tempus. Infruit Pater  
convivium, cui præcipui ex proceribus  
intererant, omnes ambiguo inter gau-  
dium tristitiamque vultu. sed mox du-  
rantibus adhuc epulis donata puero re-  
pente

pente oculorum lux novâ lætitiâ omnes  
perfudit. Novo ilicò apparatu adorna-  
tur epulum: inditurque puero Miecislai  
nomen, quod nutricum postea blandi-  
ciâ in Miesconem detorsere. Interrogati  
super hâc re Arioli, responderunt, lumen  
Poloniæ portendi. Quod augurium se-  
cuta Christi religio asseruit, sed ut simul  
aliis omnibus auguriis silentium impe-  
raret.

## CAP. XV.

## DE MIECISLAO I.

PRINCIPE CHRISTIANO.

AB ANNO 10000CLXIV. AD AN.  
10000CXIX.

*Miecislao plures uxores. nulla proles. Chri-  
stianam uxorem accipit. simul & fidem.  
Bella ejus pauca & infelicia.*

Miecislai initia non illaudata equi-  
dem penitus, infra tamen expecta-  
tionem stetere suorum, quos tam inso-  
liti eventûs augurumque vaticinia in  
spes non mediocres crexerant. Immodi-  
cus libidinum & ignavæ penè quietis ju-  
venis septem simul habebat uxores, ta-  
men

men sine prole agebat. Ea occasio primum religioni Christianæ aditum in Poloniam aperuit. sparsi enim tum fortè per regnum ex vicinis ditionibus Christiani, Principi arreperunt, prolem & felices successus pollicentes, si sacra hæcenus usurpata melioribus mutaret. Haud mora. illectus ille tantarum rerum spe, an potius à numine tactus uxores barbaras repudiat, & Boleslai Bohemorum Ducis filiam jam Christianam ducit. Sed antequam in manum convenirent, publicè sponsus sacrâ lymphâ Christianismo initiatur. Mox officii sui ducens acceptam purioris religionis faciem subditis etiam suis præferre, Archiepiscopos duos Gnesnensem & Cracoviensem: Episcopos hinc inde aliquot, passim vero sacerdotes templis conditis instituit. Juvit pios hos conatus Iohannes XIII. eo vocabulo Pontifex: à quò missus Agidius Cardinalis, Episcopus Tufenlanus, conquestis ex Italiâ, Galliâ, & Germaniâ sacerdotibus omnia ad Romanæ Ecclesiæ ritum ac leges composuit. Interim nascitur Miecislao filius, cui Pater Avi materni Boleslai nomen imponit, & adulto deinde Ungarorum principis Geisæ, filiam Iuditham jungit: cum

cum prius Geisæ, mortuâ Iudithæ matre, sororem suam Adleidam locasset, ejus curâ prima quoque per Ungariam Evangelii vox insonuit. Bella Miecislauis vix ulla gessit, quasi satis gloriæ haberet, qui tot monstra superstitionum debellasset. Cum Ulodimiro Russorum duce parùm feliciter congressus, Premisliam, Cervenum, aliaque aliquot oppida amisit. Miserat porro Miecislauis Romam Lambertum Antistitem Cracoviensem, ut à Pontifice pro Poloniæ Principibus regii nominis decus atque insigne impetraret. Sed nondum tum postulato huic annuere Pontifex voluit, desiderans nescio quid in Polonis. Amorem certè susceptæ religionis non potuit, qui vel splendentibus illis gladiis, quos sub Evangelici, ut vocant, textûs prælectionem stringere consuevère, satis effulsit.





## LIBER II.

CAP. I.

DE BOLES�AO  
CHROBRI.AB AN. 10000XCIX. AD AN.  
C10XXV.

*Boleslaus ab Othone III. Imperatore regium nomen accipit. Bellum in Bohemos. in Russos. in Germaniam. iterum in Russos. pacis artes.*

**S**uscepta à Polonis Christiana Religio magnis mox præmiis remunerata est suscipientium fervorem. Ne alia jam memorem, principes eorum ad Regiam dignitatem evehit. Quæ res ut gesta sit, pretiû videtur altius repetere. Clarebat tum apud Bohemos Wôiciehus, seu ut ab externis vocatur, Adalbertus, Pragensis præsul, vir qui vitæ sanctitate supra seculi sui mores se extulerat. Hic cum lentiores ad Christianæ Religionis obsequium Bohemos experiretur, ad Ungaros profectus,

fectus, ut surgentem ibidem divini cultûs lucem foveret, inde tandem ad Polonos venit. ubi cum aliquandiu munere Archiepiscopali functus esset, propagandæ religionis ergo ad Prutenos abiit. Aded nescit in talibus viris quiescere divini amoris flamma, pluribusque ut luceat, Solis instar se perpetuò circumagit. Sed Adalberti novissimum hoc curriculum fuit, præclarum inprimis gloriosâ martyrii coronide. Hanc enim dum gentem Christianâ imbueret pietate nititur, barbarâ immanitate confossus perit. Ejus postea corpus Boleslaus Poloniæ princeps Miecislai filius auro contrâ appensus à barbaris redemit. Quod Gnesnæ conditum & miraculorum famâ nobile plurimos exterorum in sui cultû ipsumque etiam Imperatorem Germanorum Ottonem III. excivit. Hic verò in Poloniâ quæstissimis honoribus cultus, ut gratum se ostenderet, diadema Regium Boleslao imposuit, remittens insuper, quicquid unquam juris in Polonos prætendissent Imperatores. Adjunxit & affinitatis vinculum, desponsata Boleslao filio Miecislao tum adhuc impuberi Rixâ, quam Ehrenfrido Rheni Palatino. soror O-

thonis pepererat. Magnas apparat in Boleslao virtutes deprehendit Imperator, quas tantis benevolentia pignori-  
bus coluit.

II. Sed idem, ut ante semper egregius, sic Rex factus dignos fortunâ gessit animos. Primum ejus impetum Bohemi sensere, qui fines Polonorum deprædant, primæ tamen vindictam culpæ pace oblatâ effugerant, ut repetitâ injuriâ acriorem mox experirentur. Boleslaus enim secundum jam irritatus, Bohemiam cum exercitu ingreditur, & oppidorum aliis impetu correptis, aliis expugnatis, Moraviam insuper sibi tributariam facit. Ducem ipsum execat, ut ad novas machinationes redderet ineptum. Inde reversus cum victore exercitu, in Russos movet, recuperaturus Patri Miecislao erepta, & Stopolci miseratus, qui à fratre Iaroslao ditione exutus ad Polonos confugerat. Dium multumque Russiæ aperta populatus, occurrentem denique ad Bugum flumen Iaroslaum fundit, Kioviamque florentissimam tum urbem, occupatam Stopolco restituit. Abeuntem jam tanquam re confectâ Regem vertit iterum in se Iaroslaus, opprimere sperans itineri  
magis

magis quàm prælio accinctos. sed victus denud ægrè ipse fugâ salutem repperit; exercitus ejus magnam partem cæsus est.

III. His actis, ne otio torpesceret suorum virtus, sed exercitio perpetuo velut cote acueretur, Saxonas Boleslaus aggreditur Lesci III. nepotibus, Pomeraniæ Dominis infestos gravesque. Sed hi subitâ belli procellâ percussî, fugam magis quàm arma circumspexere. Unde terram eorum impunè ingressus hostis latè omnia ferro flammisque vastat, progressusque ad Salam usque toto itinere victorem se ostendit, positus in ipso flumine columnis, quæ Polonicæ virtutis Germanos admonerent. Rediens inde Prutenos corripit, Adalberti interfectores, qui bello impares pacem supplices petierunt. Igitur tributum ipsis imponitur, mittunturque, à quibus fidem Christianam discerent. Sed hi nihil tum usque profecere, hætenus domitis barbaris, ut meliora docentes ferre, nondum, ut sequi vellent. Intento his Boleslao resumpserat interim animos virefque Iaroslaus, parabatque invadere Polonos. Rex procedit obviam, veneratque in conspectum uterque exercitus apud



Bugum flumen. Hic Lixæ dum fortè equos adquant, prælio præludunt, quod incremente mox ad famam tumultus utrinque militum numero, acerrimum commissum est. Profligatis ibi victisque Russis, itidem, ut Prutenis nuper, tributum imperatur.

IV. Bellicas Boleslai laudes minimè pacis tempora detrivère. Iam primum quia adiutoribus opus est Principi, partè curarum capessituris, duodecim è Proceribus Poloniæ consiliarios sibi adscivit, viros annis & sapientiâ graves. Magna præterea ei sacrorum cura, magna justitiæ erat Pauperes si periculum esset, ne per lites in longum prolatas vel advocatorum penuriâ potentioribus obnoxii fierent, opibus suis juvabat. Arces, præfecturas & regni etiam longinqua sedulus obibat. Audita ejus vox: Reipub. negotiis invigilantem gallinâ se vefci, quam deliciis omnibus circumfluum cujusque ex suis adversa incuriâ transmittere male. Hisce moribus meruit Boleslaus, ut qui partæ Polonis Regiæ dignitatis autor fuerat, ejusdem benè administratæ absolutum æternumque habeatur exemplar.

## DE MIECISLAO. II. REGE.

AB AN. CIOXXV. AD ANN.

CIOXXXIV.

*Hic Patri dissimilis. Tributa Bohemorum  
& Moraviam amittit. Pomeranos  
vincit. postea deterior in dies.*

**B**oleslao mortuo in filium ejus Micislaum regnum devolutum est. segni indole virum, imparemque tuendis, quæ pater acquisierat. Primus ejus ac potissimus labor fuit, quo Russos compescuit, audita Boleslai morte rebellantes. Sed hoc quicquid erat gloriæ à Bohemis mox destructum est. Qui excussis tributis Polonorum, Moraviam insuper Polonis tum parentem sibi asseruere. Eam post quidem ingressus est Miecislaus, sed quasi in id tantum, ut illum jam non suam esse palam faceret. ad eò immaniter ea, quæ patebant, vastavit. & mox nulla serio oppugnata urbe militem reduxit. Felicius paulò post cum Pomeranis pugnatum est, Belæ in primis virtute stirpe,

Regiâ Ungari. Quem proinde generum Rex assumpsit, datâ ei in dotem Pomeraniâ, cujus dux in prælio occiderat, et si provixisset, provinciâ tamen privari rebellando meruerat. Post hæc Miecislaus ad solita voluptatum malumque otium reversus, nihil dignum viro agitavit. Extremò denique amentîâ correptus, nec jam suo, sed uxoris, impotentis fæminæ ingenio utens, odia & contemptum omnium incurrit. Planè in hoc quoque post tot omnium seculorum exempla fides facta est: Naturam postquam magnos viros produxit, veluti lassam in posteris deficere.

## CAP. III.

## DE CASIMIRO. I.

AB AN. CIOXXXIV. AD AN.  
CIXLI.

*Rixa regni administratrix aufugit. Casimirus Monachus factus. revocatur.  
Masovios & Prussos domat.*

**M**Oriens Miecislaus unicum reliquit filium Casimirum, sub cujus ortum Polonia magno terræ motu inhorruit.  
Quod

Quod raru in illi terræ mira fortunæ ludibria nascenti, Polonis ingentia mala portendisse, postea expli cantibus se satis eventus ostendit. Decedente Patre tener admodum erat Casimirus. Dum ergo is adolesceret, Regia potestas penes matrem Rixam relinquebatur. Quâ abusa mulier in Germanos prona, hocque ipso Polonis gravis, cum invisam se sentiret, in Germaniam tandem, expilato fisco Regio & diademaribus ablatis fugit. Casimirus ad Ungaros, inde ad matrem tendit, à quâ animi excolendi causâ Lutetiam missus, paulò post vitæ Monasticæ se addixit. In Poloniâ interim mira rerum perturbatio. Omnia atrociniis cædibusque mutuis ardebant. Eaque occasione usus Maslaus Regi nuper à poculis, provinciam regno abstraxit, quæ postea ab eo Masoviæ nomen accepit. Nec ab externis hostibus quies erat. Russis Bohemisque abolendæ priorum cladum infamiæ intentis. Tantis malis pressi Poloni ad Casimirum tandem respexere, Monachum jam, & Cluniaci in Galliâ agentem. Sed vix multis legationibus & precibus ab ipso, ut veller liberari voto, à Pontifice, ut posset, impetratum est. Ex eâ causâ imposita Polo-



nis annua pensio est, quæ sancti Petri nummus dicta fuit. aliaque quædam diu postea in Papalis beneficii memoriam observata.

II. Exceptus magno suorum plausu Casimirus & Gnesæ rex salutaris fessis mox Poloniæ rebus manum applicuit. Dissidia inter Proceres oblivione mutuâ seu amnestiâ sepulta fuere. Manifesti cædium ac latrociniorum puniti. In cæteros haud anxie quæsitum, quos *prudenter invenisse bonos, quam fecisse* videri malarat. Sic illi nec contemptum impunitas scelerum, nec invidiam pariebat cupiditas puniendi. Exin Iarossauum Russorum Ducem fœdere & mox ad finitatem sibi jungit Casimirus, ductâ illius sorore Mariâ, quam pater Ulodimirus ex Annâ Basilii & Constantini Imperatorum Constantinopolitanorum sorore suscepit. Postea Dobrogneva dicta est. Firmatis ita domi rebus in Masovios movet, eunte obviam Maslao. Committitur acre prælium, addente pugnantibus animos hinc irâ in perduelles, isthinc conscientia sceleris, quo venia spem absuperant. Favet Fortuna causæ meliori, victusque tum Maslaus aufugit, sed utat clade post major rediret.

III. Ha-

III. Habitabant tum Prussiam, quæ Lituanie jungitur, Iaziges ferocissimus Populus. Ad hos confugiens Maslaus in suo discrimine ipsorum securitatem periclitari facundè demonstrat. Moti illi hominem Masovie suæ restitunt. Casimirus propere copias contrâ adducit, mox visâ multitudine hostium trepidare pene cœperat. Sed animum labantem somnium erexit: & quasi timiditatis notam deleterus Rex fortissime postea pugnat: ita ut suos hortando, hostem feriendo defatigatus ac pene semianimis in castra referretur à gregario, cui postea nobilitatis insignia contulit. Maslaum iterum victum Prussi ipsi, ut eade perduellis clementie victoris litarent, in crucem agunt, insultantes, ad Alta nisum, ad alta pervenisse. Victoriâ hanc Prussorum deditio & optatissima toto regno quies secuta est. quæ afflictas ante Casimirum Poloniæ vires & per bella nondum penitus recreatas blandissimè focillavit. Gravior erat Polonis tanta felicitas, quia magno constabat, quippe cujus autorem Regem multis calamitatibus, precibus & laboribus repugnanti velut Numini extorssissent.

C A P.

C A P. IV.  
DE BOLES LAO  
AVDACE.

AB AN. CIO LIX. A D ANN.  
CIO LXXXII.

*Bellum Bohemicum. Prussicum. Vngari-  
cum. Russicum. Vngaricum alterum.*

*Russicum alterum. Kiovia luxu-*

*riant Poloni. Boleslaus dege-*

*nerat. Stanislau occidit.*

*in exilio suâ manu  
perit.*

EX tribus Casimiri filijs, qui Patri superstitēs manserant, maximum natu Boleslaum Regem Poloni assumunt. Iuvenulus is adhuc erat, sed magnâ industriæ indole, & parem arduis conatibus ipsum fatum iudicavit, cum imperium capeissent tot ostendendâ virtutis occasiones aperuit. Undique malè habiti à suis Principes ad Boleslaum confluxere, opem rogaturi, id quoque providente fortunâ, ut fortissimi juvenis auspicijs speciosam misericordiæ famam circumdaret, Primum Boleslai impetum Bohe-

Bohemorum princeps Premislaus exci- vit, qui fratrem suum Iaromirum à Polonis receptum dolens, vastatâ immaniter Silesiâ ad Polonorum fines pervaserat. Sed eundē mox velut emissio aculeo fugientem secutus Boleslaus, illatas Polonis injurias in Moravis acerrimè vindicat, magnâ inde prædâ abductâ. Atrociora metuens Bohemus ad pacis consilia vertit, fratremque Iaromirum dato Pragensi & mox Olomucensi Episcopatu, Boleslaum ductâ ejus sorore Suentoch- nâ mitigat. Qui clemens ingenio non invitus bella ignoscendo transigebat, & tum aliud ad bellum avocabatur.

II. Etenim, dum his intentus agit Boleslaus, Pruteni rebellantes Pomeraniam & Poloniæ oram vastaverant, occupato Grodeco, quod prædam post ventantibus suffugium dabat. Rex cum suis advolans, cum hostem intra dictam arcem sylvarumque porrò ac paludum invia latentem elicere non posset, dolo aggreditur. Simulat fugam, moxque e- rumptentibus velut ad prædam Prutenis improvisò supervenit, cæditque palantes ac securos: hoc majori suorum virtute ac gloriâ, quod Ossam flumen tranaturi tegumenta corporis abiecerant.

Victo-



Victorem inde Prutenorum Bela exul, cui amita Boleslai nupra erat, & ex Ungaris multi in Belam proni, in Ungariam traxère. Cui Rex Ungarorum Andreas præter suorum copias, robora Germanorum Bohemorumque opposuit. Concurritur ad Tibiscum flumen, ambiguo aliquandiu Marte, donec Ungari ad Belam & Boleslaum transeuntes animos abstulère relictis. Plurimi tum ex his cæsi. Princeps Bohemorum Ura-  
tislaus captus. Andreas Rex è fuga reprehensus & malè ab Ungaris exceptus periit. In cuius solium cum Belam Boleslaus reposuisset, donatum præmiis exercitum ipse gloriâ contentus reduxit. Magna sanè illius hoc bello & planè ut sibi pugnantis fortitudo eluxit, cum alii victurus esset.

III. Reversus ab Ungariâ Boleslaus matrimonium init, ductâ domum Visseslava Russorum cuiusdam principis filiâ. At non diu hæsit inter curas nuptiales; easque ipsas si non bellum, belli tamen apparatus interfestrepuère. Russi illi in animo, nec patiebatur excidere Izaslaum Kioviensium Princeps, qui tum eiectionis à suis cum Boleslao erat. Cæterum inchoato bello Russi, & qui præcipuè pe-

teba-

tebatur Visseslaus haud sustinuerunt ad pugnam consistere. Kiovienses quoque conscientia trepidi magis de venia, quâ tuenda urbe laborabant, venientemque Izaslaum etiam ambigua spe impunitatis recipiunt. Ex iis septuaginta, duces nuper seditionis vitâ vel oculis multati. Boleslaus dimisso in Hiberna exercitu ipse Kioviâ abiit, ut assiduos belli labores brevi quiete interjungeret. Hymæ exactâ eundem nescio quæ causa in Premisliensibus concitavit. Cui venienti minora in eo tractu oppida facile parvè-  
re, Premislia obsidenda fuit, urbs hinc fluvio Sano freta, inde vallis & hominum, qui eò ex agris confugerant, numero. Etiam cum occupata tandem esset, tamen refugii in arcem obsessi, vix longâ demum fame, & quæ hanc comitantur, malis edomiti deditère se, vitam prius pacti, & quod quisque uno onere secum efferre posset.

IV. In Ungariâ interim Belam, quem paulo ante ad regnum evexerat Boleslaus, illabentis fortè camerâ ruina graviter affligerat. Unde secuta mors æmulos ad spem regni erexit. Filii Belæ ad Boleslaum confugiunt, opem & ut beneficium patri datum in filiis tueretur, rogan-

rogantes. Ille quanquam capitis in Russia bellis agere abstraheretur; cessit tamen obstinatis precibus supplicum. Veniens in Ungariam Boleslaus terruit mox Solomonem, Regis nomen usurpantem, ut Budæ se non credens Mosonum arcem ingrederetur. Interim Episcopi medios se interponunt, armorum incerta utrique parti. Belæ filius insuper belli patriæ illati infamiam demonstrans. Initur pax his conditionibus, ut Belæ filii ducum titulo & territiâ regni parte contenti, summum nomen Salomoni relinquerent.

V. Pacem Ungaris dederat Boleslaus, sed nondum sibi. Russi iterum vocabant, & Izaslaus, quem fratres denuo Kioviâ ejecerant. Venientis impetum primum Volhinia excepit, & in eâ Lutzkum, quod Rex post sex mensum obsidionem demum expugnavit. Duci illius Igoro seu Gregorio venia data. Inde ad Kiovienses conversus Rex Vussevolodum eum exercitu obvium habuit. Cum ad pugnam venissent, laborare primo coitu dextrum Polonorum cornu cæperat, sed mox misso à Rege subsidio, restitutum est. Unde mutata aciei fortunâ pelluntur in fugam Russi, penè jam victores.

Profligato

Profligato hoc exercitu, Rex ad Kioviâ promovet castra, obsessamque aliquandiu expugnat. Cui quanquam iram victoris merenti parçitum tum tamen est, infelici planè clementiâ, & quasi ad id, ut esset, unde corrumpi Regis felicitas posset.

VI. Verè quod Capua olim Annibali, id Boleslao per hyemem habitata Kiovia fuit. Hic ille tot gentibus formidabilis, ille victor exercitus elanguit, otio scilicet hyberno ad malas libidines abusus. Nec stetit intra viros malum. Delata enim velut aurâ pestiferâ in Poloniam harum libidinum fama uxores quoque corrupti, diu jam maritorum absentiam malè ferentes. Placuit feminis nefandum vindictæ genus, ut libidinem libidine ulciscerentur. Grassabaturque tum passim juvenum licentia, ut difficilis esset etiam pudentioribus castitatis suæ custodia. Unde Margarethæ ejusdam, quæ Nicolai Zembocii uxor fuit, virtus laudatur; quæ cum duabus sororibus in Turri Zemboviensis templi multo tempore latuit, familiâ illis per funem alimenta suppeditante. Cæterum auditis uxorum suarum flagitiis viri indignatione accensi, missionem petebant:



tebant : hâc non impetratâ, clam, Rege nequicquam prohibente domum dilabuntur. Rex desolatus à suis, metuensque ne cum tam paucis inter infensos agens, contemptum, ac mox periculum provocaret, sequi ceteros necesse habuit. Reversus fugæ auctores capitali supplicio, ceteros publicatione bonorum, aut carcere diuturno multat. Nec à feminis temperavit. Uberibus adulterarum, si quibus indulgentia maritalis pepercerat, horrendo vindictæ genere abstrahi sobolem, catulosque admoveri iussit. His rudimentis Boleslaus sævitix initiatus non destitit postea in innocentēs juxtâ ac noxios grassari : documentum omnino præbens, Exui inter crebra supplicia sanguinis humani reverentiam, invisæque pridem crudelitatis usum tandem venire amorem. Mox & exactiōibus insolitis onerare subditos cœpit. Palam denique adulter, Christinâ nobili faminâ marito Miecislao abductâ ad fœdas voluptates abutebatur. Quid multa? in Tyrannum jam degenerabat, ille nuper optimus Princeps Boleslaus.

VII. Sed ut morbi, ita vitia nondum planè adulta sanari possunt, si manum admittant, præbeantque patientiam remediis.

mediis. Boleslaus hic ferre penitus non poterat vitæ suæ censores : & Stanislaum Sczepanovium Episcopum Cracoviensem virum non minus sanctitate, quàm gente nobilem, ulcera ipsius liberius tangentem pessimè oderat : quærebatque labem aliquam famæ viri adaspergere : quo auctoritatem arguentis excusatiùs contemneret. Comperto tandem, cum diu rimatus nihil aliud repperisset, emptum à Stanislao agrum quandam, emptorem male acquisitæ possessionis per hæredes (nam venditor paulò post acceptum pretium obiërat) jubet anquiri. Ut innocentiam suam probaret Episcopus, mortuum, cujus ager fuerat, Petricum (ut cum Cromero plerique alii tradunt auctores) suscitât, decantatissimo per Poloniam miraculo. Boleslaus nihilominus ad scelera contumaciam addente, pertinax quoque Episcopus fuit in monendo, & fortioribus tandem remediis agendum ratus, Regem à communione sacrorum prohibet. Ille magis etiam iratus, Episcopum sacris tum operantem interficit, inflicto capiti illius tam validè gladio, ut exiliens cerebrum templi parietes adaspergeret. Percussus mox majori ab ipso Pontifice Romano fulmi-

44. FLORI POLONICI  
fulmine, annum circiter post eadem e-  
regerat, cum exosum se omnibus sen-  
tiens, & conspiratione etiam impetitus  
in Ungariam cum filio profugit, ubi  
cū aliquandiu vixisset, conscientię  
torminibus impar & amentia correptus  
finem supplicii manu fertur quævisse.  
Alii alium Boleslai exitum memorant.  
Sed quisquis fuit, meretur lachrymas  
degener illius ex optima adolescentia  
posterior ætas: admonetque mortales  
fragilitatis suæ, cui aded ipsa etiam, quā  
cuncti expetimus, felicitas periculosa est.

C A P. V.

DE VLADISLAO  
HERMANNO.

AB ANNO CIO LXXXII. AD ANN.  
CIOCIII.

*Fratri vices principis nomine suscipit. bella  
ejus cum Pomeranis. cum Imperatore  
Henrico. domestici tumultus.*

*Filii ipsius expeditiones  
quadam.*

E Xacto Boleslao Audace, destitutum  
capite Regnum, & Russorum tum  
insu-

LIBER II.

45

insuper incurſionibus vexatum, frater  
Audacis Vladislaus, nomine principis in  
se suscepit. Regis titulum refugiebat, seu  
spe fratris redituri ( nam mors ejus se-  
rius demum vel sequuta est, vel inno-  
tuit ) seu metu Pontificis, qui Polonia,  
ut sacris, ita Regis creandi potestate in-  
terdixerat. Prima ergo illi cura fuit Pon-  
tificis interdicta tollere, misitque in id  
legatum; qui tamen nihil amplius quam  
libertatem sacrorum impetrare tum po-  
tuit. Post hæc Vladislaus Miesconem  
fratris exacti filium egregiā indole ju-  
venem ex Ungariā revocat, miseratione,  
vel metu, ne Ungarorum ope ad Pater-  
num regnum niteretur. Sed hunc sexto  
à reditu anno seu mors fato propera,  
seu artes patris inimicorum, ultorem fi-  
lium timentium abstulērunt. Vladislaus  
duo erant filii, alter Sbigneus ex matre  
impare natus, alter Boleslaus à detortis  
labris Crivonsti appellatus, quem Iudi-  
tha mater diu sterilis, nuncupatis ingen-  
tibus votis à Deo impetravit.

II. Cæterum Vladislai istius tempora  
Pomeranorum Prutenorumq; maximè  
incurſiones insigniērunt. qui post multas  
demum expeditiones eò redacti, ut qui-  
escerent. Primum in illos bellum sine  
sanguini-



sanguine stetit, cum territi fidem & obsequium pollicerentur. Alterâ expeditione res ad prælium devenit: quod tamen æquis manibus patrarum videri poterat, nisi nocte, quæ pugnam diremit, fugisset hostis. Tertijs impetus circa Naclum consumptus est, quæ arx Pomeranorum post actam prædam fugentium receptaculum erat, nec potuit tum à Polonis expugnari. Postremo denique certamine lassata hostis contumacia, redditis quæ abstulerat, clementiam Vladislai invocavit.

III. Dum hæc in Pomeraniâ geruntur, conflaverat nescio quod fulmen in Polonos Imperator Henricus IV. Vratislao enim Bohemorum Principi dum Regiam dignitatem conferret, jus quoque in Poloniam, quod nullum habebat, dederat. Hujus ergo filius Prædislaus, quasi sua sibi vindicaretur Poloniæ fines invasit, vastavitque. Quem missus à Vladislao Seciechus Cracoviensis Polatinus, impiger militiâ vir, repulit fortiter, & actis per Moraviam prædis gravissimè ultus est. Ivir tum impetratâ à Patre veniâ Seciecho comes principis filius Boleslaus, novem ferè annorum puer, sed qui annos ingenio præcurrebat.

bat. Magnâ industriâ is omnia, quæ in castris gerebantur perlustrans, in futurum post usum seponebat. Idem paulò post latrones, qui ex Pomeraniâ egressi Miedzericum occupaverant, rectore Seciecho represit. Talibus curis ac facinoribus Boleslaus futuræ magnitudini præludebat.

IV. Hostibus domitis jam pace florere Polonia poterat, nisi domestica seditiones turbassent. Seciechus ille, cujus facinora egregia modo narrabamus, meritis in Rempublicam & gratia principis tumens, potentiam suam, ut ferè fit, oppressione inferiorum ostentare cœperat. Inde non invidiâ tantum sed odio quoque civium flagrabat. Multi illo struente eversti, multi proscripti, vel proscriptos sequuti in Bohemiam erant. Qui, opem pollicente Bohemorum rege, adscitoque in ducem Sbigneo Vladislai notho, quem Pater monasterio incluserat, denique pertracto in societatem Vratislaviensium præfecto Magno comite, arma parant in Seciechum. Vladislaus se per latus ministri peti ratus, exercitum conjuratorum, quibus Pomerani quoque jam recens accefferant, circa Cruspiciam adortur, strageque insigni

insigni afficit, Sbigneo ipso, qui caput omnium erat, capto. Cui non difficulter tamen mox ignovit Vladislaus, mansitque pater erga hostem etiam filium.

V. Sed paulo post resuscitatum est hoc belli civilis incendium, & Boleslaum quoque alterum filium, intactum antea, traxit in partes eorum, qui in Sececho conspiraverant. Egredere adhuc à Sececho divellebatur Vladislaus Pater, incertum an ob virtutem viri, an ex more principum, qui Amicitias proprio fastidio facile omittunt, si excutere coneris, cedendi pudore ambiciosius plerumque retinent. Noster tamen hic publica quietis studio, in exilium clientis, quo illa redimiposse videbatur, consensit. Compositâ seditione domesticâ Boleslaus filius arma à Patriæ visceribus in Pomeranos, & mox Russos convertit, reprefisque fortiter utrisque, regnum patri securum, sibi per beneficia obnoxium devinctumque magis reddidit.

CAP.

## CAPUT VI.

DE BOLESLAO. III.  
COGNOMINE CRIVOUSTO.

AB ANNO CIOCIII. AD ANN:  
CIOXXXIX.

*Crivousti in Bohemos expeditio. in Pomeranos. mox iterum in Bohemos. iterum in Pomeranos. bellum cum Henrico Imperatore. bellum in Pomeranos duplex. Fratris Sbignei cades. Palatini Cracoviensis dejectionio. Expeditio in Russos. in Ungaros. in Russos diversa expeditiones. extrema infelix.*

Vladislaus mortuo filius successit Boleslaus, jure naturali hæres, sed quo digniorem, etiam si suffragiis agendum fuerat, nulla electio invenisset. Magna juvenis specimina virtutis ediderat, sed majora mox principatum adeptus exsevit. Bellis sanè exercitatorē virum non habuit Polonia, possitque illa hunc Martis pullum numero conflictuū Marcellis Julisq; Romanorum ferè opponere. Sed mihi nunc pugnas illius omnes memorare per propositam animo brevitate non licet; præcipuas, nec has nisi strictim

C

enu-



enumerabo. Initia Boleslai invidia Sbignei fratris maximè exercuit. qui supra assignatæ à patre hæreditatis sortem aspirans, varios subinde in Principem hostes concitavit. Primùm quidem Borivojum Bohemorum ducem. Sed is cum ad fines Polonorum pervenisset, pudore injustæ causæ à suis desertus, re nullâ effectâ domum rediit. Conatum tamen ejus ulciscendum putavit Boleslaus, misitque copias, quæ, duce Zelislao, uno è Proceribus Polonis omnem Moraviam hostiliter pervagatæ sunt. Mox eodem Sbigneo machinatore Pomerani insurrexere. Hos lentius quidem, nec sine discrimine, compescuit tamen ad tempus Boleslaus, Bialogrodo, Colbergâ, Cosmino, Veleno, præcipuis tum Pomeranorum oppidis expugnatis.

II. Sed paulo post cum utraque hac gente reperenda fuit bellorum tela. In Bohemos incitavit Boleslaum fœdus & affinitas Colomanni Ungarorû regis, quem oppugnans Henricus V. Imperator, Bohemos, ut tributarios tum imperii secum traxerat. Ingresso Bohemiam Boleslao opposuere se Vasco & Mutina, delecti à principe suo, qui in Ungariam secutus Imperatorem erat, Duces. Sed

hi fusi,

hi fusi, Pragamque profugi, quicquid apertum aut imbecillum in Bohemiâ fuit, prædæ hostis reliquere. Interim absentia Boleslai audaciores Pomeranos fecerat; & seu impetu seu proditione arcè Usce occuparant. Huc ergo festinato itinere regressus Boleslaus Velenum obsidet, quod & ipsum ad hostes defece- rat. Aderat tum Boleslao Sbigneus, iniquus adhuc fratri, & occultè cum hoste socians consilia. Nocte quadam irrum- pere Pomeranos in castra Principis juss- erat, omnia prompta pollicitus. Illis advenientibus commodum erat in excubiis, id quod solenne habebat, Boles- laus, & in re subitâ, cum vires non pos- set, dolum opposuit. Ruentem enim in castra hostem solus cum paucis excubi- toribus à tergo adoritur, voce, terrendo hosti, suisque, qui in castris erant, exci- tandis, altum sublatâ. Pomerani cir- cumventos se rati, concidunt animis, & mox accurrentibus Polonis plurimis profligantur. Tantum valet Principis in castris præsentia, & vel dormientes ex- ercitûs unius vigilia potest defendere. Cæterum depulsis ita Pomeranis, Sbig- nei etiam perfidia non diu latuit. Cujus publicè convictus, cum omnium senten-

tiis ad capitis supplicium addiceretur, exilio multatus est, moderante sic pœnam fratre, ut nec flagitium inultum, & reus clementiæ exemplum foret.

III. Bellum Bohemicum parvum mole ipsum, sed magni alterius causâ exitit. Henricus enim Imperator, adiutos à Boleslao Ungaros indignatus, Marchiam & Silesiam ditiones tum Polonorum invasit, omniaque isthic velut torrente corripuit. Sola Glogovia in obfidii tolerantiam obstinata, victori cæterorum moram obiecit: animante ad constantiam oppidanos Boleslao, obsessoresque assiduus incurfibus laceffente. Missis fortè post pacis causâ à Boleslao legatis, leges iniquiores proposuit Imperator, thesaurumque suum ostendens, hunc Polonos perdomitutum, dixerat. Ad quod Scarbicus, princeps legationis, ut arrogantiam Cæsaris perstringeret, demptum digito annulum thesauro injiciens, aurum, inquit, adjiciatur auro: subindicans haut dubiè, frustra auro terreti viros, quibus ferro manus, animus virtute armatus sit. Intellexit quoque scomma Imperator, idque elusus, *hab danck*, inquit: quæ gratias agendi apud Germanos formula est; *no-*  
*men-*

menque Habbanciorum familiæ dedit, quæ hodieque inter clarissimas Poloniæ habetur. Cæterum cum reversi ad suos legati datas à Cæsare condiciones retulissent, vehementer animi Polonorum accensi commoti; sunt. Ita ut qui hucusque subitariis tantum assultationibus Cæsarianos vexassent, tandem prælii tentare aleam decernerent. Locus erat prope Vratislaviam, longâ porrectus planitie, & ob id Polonorum aciei commodior. Eò cum ventum utrinque esset, initur prælium, in quo ingens in primis Boleslai fortitudo emicuit. Quippe & ipse strenuè ciebat pugnam, & cum initio Germani graves esse cœpissent Polonis, cedentes hos occursando animandoque subinde reducebat in hostem; donec vi equitarum legiones Germanorum perrumperentur, inclinarerque ad Polonos victoria. Magna eo prælio utrinque strages edita est: ad eò ut in sepulcorum cadaveribus illecti canes difficilem iter facientibus transitum darent. Unde Capi Canini nomen hodiè etiamnum agro, in quo commissâ pugna est, manet. Post prælium cum Henricum in Italiam vocarent negotia, & is pacem expeteret magis, quam palam offerre  
C 3      veller,



vellet, profectus ad eum est Boleslaus Pabenbergam Franconiae oppidum. Ubi honorifice acceptus non pacem tantum cum Caesare, sed & affinitatem iniuit; accepta in conjugem sorore illius, desponsaque porro Vladislao filio suo impuberi adhuc filiolâ Caesaris itidem parvâ, Christinâ, cujus paulò post saepius fiet mentio.

IV. Pace hac factâ data est Boleslao, sed brevis armorum quies. Nam paulò post & in Pomeranos resumendum bellum fuit, quod tamen intra unius oppidi Nacli expugnationem stetit; & in Bohemos illum miseratio Sobieslai impulit, qui à fratre suo Bohemorum Rege ob eadem consilarii cuiusdam, carceri inclusus, & mox inde elapsus in exilio agebat. Quo restituto bellum quoque conquievit. At fortuna Sobieslai hujus, Sbigneo, quem itidem à fratre Boleslao in exilium eiectionem diximus, spem veniam nanciscendi attulit. Reversus receptusque in gratiam est, sed ut citius periret. Offendit enim mox fastu suo fratrem, aderantque etiam illicò proceres quidam, qui privato in Sbigneum odio omnia illius seu bona seu mala in deterius torquentes, stimulabant occultè Princi-

Principem, ut æmulum, quem nulla beneficia emendarent, amoliretur. Ita missi à Boleslao sunt, qui hominem obtruncarunt, prius eundem conviciis adorti, ut per iurgium privata ira occisus videretur. Sed cessit mox ea cædes Boleslao in assiduam vitæ tormentum: Perpetuo hoc conscientiae ingenio, ut fecditatem criminum suorum, cum peracta sunt, rectius demùm introspiciat, mirâque tum exaggeret facundia. Pauco interjecto tempore Scarbimirus quoque Palatinus Cracoviensis periit; vir acer ingenio, spectatusque militiâ, sed sua jactantius extollens, idemque palam criminatorem in Principem. Toleratus aliquandiu, tandem cum potentiae suae fiducia, apertè seditiones moliri videretur, Senatu motus, excæcatusque in carcere vitam finiit. Atque ut ignominiae ejus, aliquod ultra mortem quoque superesset monumentum, constitutum est, ut posthac Castellanus Cracoviensis Palatinum loco ac dignitate antea teiret. Dum hæc in Poloniâ geruntur, ceperat iterum Pomeranos quietis suae tedium. Denuò Boleslaum lacessunt Suentopelco duce, quem paulò ante victis Naclensibus imposuerat Boleslaus.

Obsessum ergo rursus à Boleslao Naculum est, expugnatumque. Cæteri quoque Pomeranorum ante expugnationem hanc prælio victi, post debellati, cum imperio Polonorum, religionem simul Christianam, quam bis ante acceptam, bis reiecerant, bonâ jam fide receperunt.

V. Hinc jam tandem Boleslao in eâdem ferè hæctenus arenâ luctanti novum campum Russia aperuit. Fugerat ad Polonos Patruî Vlodimiri insidias vitans Iaroslaus, affinis Boleslai. Eum reducere Russi quidam Ungarorum & Boleslai ope laborabant. Sed Iaroslaus inter pugnandum confosso equo excussus, & ægrè à suis protectus, postquam in tentorium relatus esset, ex vulnere obiit. Cum causâ belli, bellum quoque ipsum intercidit. Postea Boleslaus Volodorem Przemisliensium Ducem, arma in Polonos cientem compescuit. Quo facto, ire in Ungariam parabat, cognatos suos, Stephani regis exule filios cum matre in regnum repositurus. Iamque ad Scepusium progressus, expertusque etiam prælio cum Alberto Austrio fuerat, cum cœpto abstrahitur per Russos nova iterum molientes. Hos verò ante-

quam

quam vi tentaret Boleslaus, dolo adoriendos suadebant proceres. Unum esse inter ipsos Iaropelcum videbant, à quo cæteri penderent. Ducem hunc tolli, ingens fore belli compendium. Ei conficiendæ rei Petrus Vlostovicus Comes Xiansensis se obtulit. Hic consentiente Senatu, proficiscitur ad Iaropelcum, læsumque se à Principe suo ac profugum non sine multis conviciis queritur. Credidit homini Iaropelcus, sed paulò post ab eodem, dum forte ruri cum paucissimis ageret, comprehensus ad Boleslaum adducitur. A quo in carcere per annum detentus, post magno ære redemptus ad suos rediit; cum prius amicitia fidem Boleslao dedisset. Sed is fidem postea, quàm vindictam amittere maluit. Fraudem fraude ulturus, mittit in aulam Boleslai Ungarum quendam, qui captatâ occasione Principem occideret, vel quocunque modo proderet. Hic quâ erat ingenii ac morum versutia, Principis amicitia se insinuat, ac tandem post longæ familiaritatis usum, præfecturam Visliciensem impetrat. Quam cum aliquandiu tenuisset, advocato postea Iaropelco tradit. Ab hoc vero cum pacta fortè præmia postularet,



linguâ oculisque privatus dicitur, solito proditorum fato, ut etiam quibus profuere, invisi sint.

VI. At habent plerumque hoc fraudes, ut cautos reddant, quos deceiverint; raroque iidem eosdem fefellerunt. Boleslaum tamen recens à Russis fraudatum, graviore mox dolo iidem circumvenere. Iaroslauum Haliciensium ducem, principatu à suis dejectum & ad Polonos profugum revocabant quasi poenitentia mutati Halicienses. Interim tacite reliqui Russorum militem cogunt, Vngaris quibusdam adscitis. Boleslaus exulem ad respiscentes reducturus, minori, quam in perfidos & hostilia molientes opus erat, exercitu advenit. Cui ad Halicium Vngarorum turmæ specie gratulandi occurrentes, Polonorum novissimo agmini se jungunt. Idem faciunt Halicienses. omnes amicitiam vultu præferentes; mox circumdatos Polonos invasuri. Suboluit fraus Boleslao, sed cū jam nonnisi præsentis periculo vel dedecore effugi poterat. Consultanti ergo quid facto opus esset, occupare parantes se pugna Russos visum est. Mox iruens orditur prælium. Secutis pari virtute cæteris, non infelicitè cedere res cepe-

cœperat, cum aliâ parte fugam orsus Palatinus quidam, plurimis idem facienda pudorem abstulit. Pauci cum Boleslao saucii fessique restabant Russis vincentibus; jamque equus sub Principe defecerat, instabantque extrema omnia, cū gregarius alium illi equum suppeditans, persuadet, ut maturatâ fugâ meliori se fortunæ reservaret. Magnus postea militi honos habitus est. Palatinum missa à Principe pellis leporina, colus, & fusus, pudore ad laqueum adegere. Ipse Princeps adeo impatiens ignominia fuit, ut conspectum hominum vitans assiduo se domi luctu maceraret: non inusitatâ humanis animis in se & fortunam iniquitate; unius ut calamitatis sollicitudine, prosperorum omnium memoriam obliterent.

## CAP. VII.

## DE VLADISLAO. II.

AB ANNO CIOCXI. AD ANNUM

CIOCXVI.

*Bellum Bohemicum. Petri Duminii casus.  
Bellum inter fratres.*

**M**ortuo Boleslao paternarum possessionum hereditatem, ita ut pa-

ter

ter iusserat, quatuor filii crevere. Sum-  
 mum rerum regimen primus natu Vla-  
 dislaus accepit. Sed ut ditiones, ita vir-  
 tus paterna divisa minorque filiis: hujus  
 verò etiam minimus Vladislao contigit  
 proximo patris successori. Bellum is ex-  
 tra fines Patriæ nullum gessit, præter  
 Bohemicum, quod tamen ultra popu-  
 lationes Silesiæ non processit, ac morte  
 mox Ducis Bohemorum Sobieslai fini-  
 tum est. Inde inturbidum externis reg-  
 num, sed ut eò gravius interna mox ar-  
 descerent. Non diu enim fratres inter se  
 concordēs egere; culpâ maxime Vladis-  
 lai, cujus ambitionem imminuta prin-  
 cipatus sors acriter urebat. Accedebat  
 stimulus domesticus, Christina uxor,  
 quæ Cæsare patre avoque orta, indig-  
 nabatur nupta esse marito, qui tam an-  
 gustè imperaret. Nec puduit Vladislaum  
 à Proceribus postulare, ut unum se pa-  
 triarum ditionum vellent heredem. Sed  
 adversos omnes expertus, & acrius mox  
 instigante conjuge, tributa fratribus im-  
 perat, postremo quoque conquesto ex-  
 terno milite, quædam eorum oppida  
 invadit. Illi Principis veneratione, seu  
 virium diffidentia ad preces confugiunt,  
 fractis fidem Procerumque intercessio-  
 nem

nem implorantes. Et ex his quidem non  
 paucos illis causæ æquitas & miseri-  
 cordia conciliavit. Inprimis non tege-  
 bant affectum Vulfeborius Palatinus  
 Sendomiriæ, ac Petrus Duninus Scrin-  
 nensis Comes: quorum ille vim mina-  
 batur, alter monendo Principem ad æ-  
 qua flectere laborabat; uterque ob id  
 aula exosus.

II. Sed in Duninum vehementius Chri-  
 stina efferbuit, pridem illi aliâ ob cau-  
 sam infesta. Processerat enim is ali-  
 quando cum Principe venatum: cum-  
 que nox in sylvis errantes oppressisset,  
 post refectum ferinâ, & aquâ corpus,  
 dormituri in stratas humi penulas pro-  
 cubuerant. Tum Vladislaus jocans ad  
 Petrum: mollius nunc tua, inquit, uxor  
 cum Abbate Scrinensis cubat. nil mo-  
 ratus alter; fortasse & tua, inquit, cum  
 Dobesso. vocabatur autem ita Juvenis  
 quidam Nobilis, formâ elegans, Chri-  
 stiænâ in deliciis. Altè admisit ad ani-  
 mum Vladislaus jocum Dunini, nec ab-  
 stinuit, quin Christiænâ aperiret. Hinc  
 flagrantior jam in hunc offensâ. Nec  
 multo post ille nuptiis filiæ, quam Iaxæ  
 Serborum Duci elocabat, occupatus à  
 Sobello per insidias capitur, linguâque  
 &



& oculis privatus vivere poenæ suæ superstes jubetur: clarissimo documento: Cautè jocandum esse cum dominantibus: quod hi & facillimè offenduntur; & imprudentius jocantium argutiis gladii sæpè promptius, quàm ingenii acumen opponunt. Caterum commissâ hac cæde magis metûs atque odia proceram in Principem, simul crudelitas Principis in fratres gliscebant. Quippe accitis in auxilium Russorum Ducibus Henricum fratrem Sendomiriâ; Boleslaum Plosco omniq; Masovia exiit: fugientesque ad Miecislaum, qui solus fraternæ potentiæ restitabat, persequitur. Stitit venientem Posnanîæ obsidio, tandemque evertit. Forte enim securius aliquando obsessor exercitus agebat, poculis ludisque indulgens, raris nec sobriis excubantibus vigiliis. Vñ occasione fratres, qui haut procul aberant & ipsi exercitu instructi, solutos ac languidos circumveniunt, & erumpentibus simul ad datum signum oppidanis fugant cæduntque. Vladislaus Cracoviam primum, mox & illinc, pravalente fratrum factione expulsus in Germaniâ ad Conradum Imp. Christinæ sobrinum confugit. Quò cum mox uxor cum liberis

sequuta

sequuta est. Ibi vivere ex alieno necesse fuit, quibus nuper sua non sufficiebant.

## CAP. VIII.

DE BOLES LAO  
CRISPO.

AB ANNO. CIOCLVI. AD ANN.  
CIOCLXXIV.

*Bello fraterno Conradus se interponit. Et  
post eum Fridericus Barbarossa.  
Silesia à Polonia avulsa.*

**F**Ratre exacto proximus ætate Boleslaus principatum adsequitur, virtute ante Vladislaum imperare meritus. Hic in cæteros fratres benignus ac liberalis, cum exule subinde adhuc luctari habuit de Principatu. Quippe is omnia pro sceptro recuperando tentans, varios in Polonos concitabat hostes. Primus causam illius suscepit Conradus Imperator, legatosque misit, negotium Vladislai acturos. Facile se Boleslaus purgavit Imperatori, cognitâ exulis culpâ æquiori & aliis tum molitionibus intento. Parabat enim bellum in Asiam, in quam tendens cum ob viâ compendium, securi-

curitatemve per Poloniam iret, honorificè à Boleslao acceptus ad Pontum Euxinum deducitur, fratris causâ in redditum rejectâ. Reversus deinde ille ab Asiâ, cum finem orandi non facerent Vladislaus & Christina, bellum tandem in Polonos decernit. Ingens erat Cæsaris exercitus. Sed hunc, congregi licet apertè non ausus Boleslaus, ex inditiis assultando, pabulationes infestando intercipiendoque, & quæ alia celeritate Poloni facere consuevère, mirè fatigabat. Ut cum postea Conradum subiti Germaniæ tumultûs alio vocarent, facile ad pacem inclinaret. Mitigavit etiam hostis animum Boleslaus in castra ad ipsum profectus & innocentiae suæ probationi, muneribus varie per Aulicos distributis, momenta addens. Quiescente Conrado non quiescebat tamen Vladislaus: cumque ab Imperatore aliquas, quibus exilium toleraret, possessiones nec non copias accepisset, lacessebat fines Polonorum, sed eventum semper irritum. Mortuo Conrado suscepit Fridericus Barbarossa imperium, & simul causam Vladislai. Cum missis ad Polonos legatis nihil profecisset, bello eisdem aggreditur. Qui milite

lite impares, ad artes confugiunt, quibus ante Conradum lassaverant: ingentemque illum exercitum, ad famem, & quæ hanc comitantur mala, redigunt. Fit iterum pax, eâ lege, ut Imperatori Mediolanense tum bellum molienti, trecentos equites hastatos submitterant Poloni, Vladislao daretur Sisia. Quæ à Poloniæ regno tum avulsa, & à posteris mox Vladislai in varios Principatus divisa, tandem tota Bohemorum regno accessit.

I I. Ita belli fraterni procella detonuerat, cum Boleslaum Prussi, Polonorum imperia post Crivousti patris mortem aspernati, in se traxère. A quo victi, & ad Christianæ religionis sacramentum adacti sunt. Sed, ut Nunquam benè respondet coacta Religio, redeunt mox ad ingenium suum Prussi, fræna excutiant, & sacerdotibus ejectis, se potius extrema subituros minantur, quam animorum servitutem. Ita cum ad cætera obsequium pollicerentur, patria illis sacra relicta. Ast ii quia prima impune cesserant, audaciam mox ad maiora sumpsère. Ejiciunt Polonorum præsidia, prædas agunt per Masoviæ agros, mox advenientibus Polonis in paludum



Iudum uligines sylvasque se abdunt datâ opportunitate erumpentes. Merebant ex ea gente quatuor transfugæ sub Polonis, & longâ fide locorumque peritiâ Boleslao se commendaverant. Hi conspiratione cum Prutenis clam initâ, Polonos offensâ spe ingentis prædæ deduxere in locum avium & Prussis infessum. Quibus erumpentibus circumventi Poloni & lubrico paludum lapsantes magnâ strage cæduntur, periitq; illic Henricus Boleslai frater, & omne penè robur militiæ Polonæ. Henrico cæso, Palatinatus Sandomiriensis, qui illi ex sorte paternâ obtigerat in Casimirum natu minimum devolvitur. Filii Vladislai, Duces jam Silesiæ partem illius hereditatis sibi vindicantes, latâ repulsâ, & memoriam veteris injuriæ accendente novâ, arma minabantur: multisque demum persuasionibus à Boleslao, & proceribus mitigati conquieverunt. Sed tū fermè iterum internis se moribus concussit Respublica. In tractu enim Cracoviensis equestris ordo Sventoslao & Iaxâ autoribus in Boleslaum insurrexit. Casimiro fratri deferens imperium, odio seu Boleslai ob cladem Prussicam, seu Micislai alterius fratris, cui ætatis

mubui

jure

jure successuro viam ad principatum, alio maturè electo cupiebant præclusam. Sed Casimirus quantò in vulgus gravior, tanto impensius pro fratre nitebatur, eoque, quo in Principem petebatur, favore ad comprimendam seditionem usus est.

## CAP. IX.

## DE MIECISLAO SENE.

AB ANNO CIOCLXXIV. AD ANN.

CIOCLXXVIII.

*Miecislavus in juventute probus. postea degener. regnum accipit, & mox amittit.*

**F**Ratre mortuo ibant in Casimirum minoris Poloniæ suffragia. sed hæc tamen Miecislavus majoris Poloniæ sententiis evaluit. Huic gravis & prudens juvenus Senis nomen conciliaverat, verum decora juventutis dissimiles sequentium annorum detrivere mores. Principatum ejus imposita nobilibus ac plebe iis tributa, & inexpertaante Polonis fisci avaritia, honorum deniq; nundinationes invisum brevi reddiderunt. Auxere odium ministri ac Præfecti, quidum

dum emunctionibus Populi non Micislaum tantum, sed suam quoque aviditatem satiant, unius tamen Principis invidiâ omnes peccabant. Studuit Micislaum in viam reducere Gedeon Cracoviensis Antistes, & instructâ viduâ, cujus gregem nutriti à filio canes lacerassent, fabulâ, velut in imagine principem sibi ostenderat. Sed hunc nullâ admonitiones emendabant. Inde idem Gedeon cum Stephano Cracoviensi Palatino ad abrogandum Micislaum, deferendumque fratri ejus Casimiro imperium cæteris prævit.

## CAP. X.

## DE CASIMIRO.

AB ANNO CIOCLXXVIII. AD AN.  
CIOXCXV.

*Conarii cujusdam petulantia à Casimiro  
patienter tolerata. cum fratre Micislaum  
bellum, qui à quibusdam in regnum  
frustrâ restituitur. cum Prussis  
bellum.*

Casimiro cum aliâ virtutes, tum unum maximè moderati animi specimen

cimen studia Polonorum conciliavit. Quidam ex Aulæ ejus affeculis Johan. Conarius, ab ipso ad aleæ ludum invitatus, victusq; extremo jactu, cui tota fors producti in serum noctis ludi committebatur, ita efferbuerat, ut vincenti Casimiro colaphû duceret. Comprehensum cum omnium sententiæ capitis reum pronunciarent, Casimirus etiam à culpâ absolvit; illum, inquires, impatientiâ jacturæ abreptum esse, se verò prostitutiæ dignitatis suæ justam pœnam luisse. Sed vota procerum accendebat porro etiam ipsa Casimiri sceptrum fratri præripere abnuentis modestia. Videbatur enim, ut est reverâ, bene imperaturi, imperium recusare. Cedeni tandem precibus Polonorum regnumque capessenti, prima cura fuit impressa Reip. vulnera sanare, vitiaque corrigere, quæ Micislaum expulerant. Hunc autem ipsum paternæ hereditati restituit, supplicem quidem nunc, sed occultas tamen recuperandi imperii spes alentem, intentumque occasionibus. Erupit paulò post cupiditas, cû Masoviam & Cujaviam, quas Casimirus, tutor Lesco Boleslai Crispi filio datus, administrabat, per fraudem occupavit. Unde tamen brevi post excussus



cussus est. Bellum Casimirus primum in Halicienses gessit, quibus domitis, fororis suæ filium Miecislaum, ab illis expulsum restituit. Eo paulo post veneno à suis necato Ungarorum regis filius Andreas Haliciam occupaverat, Vlodimiro, qui ad opem Ungaricam Casimirum fugiens se receperat, per fraudem carceri incluso. E quo ille elapsus, hostis nuper sui Casimiri imploratâ clementiâ, impetratoque auxilio Haliciam Ungaris eripit. Inde irritatus rex Ungarorum, fines Polonorum invadit, vicissimque à Polonis incessitur. Sed id bellum, quia nec Ungaris nec Polonis volentibus erat, maturatis primò induciis suspensum, mox firma pace compositum est.

II. Hæc agente Casimiro, circumegit se favor Polonorum quorundam, & à Casimiro in Miecislaum reflexit. Jamque Cracoviam urbem favorum suorum ope occupaverat Miecislaus; arce tamen à Fulcone Episcopo, & Nicolao Palatino prohibebatur. Profectus mox idem colligendi militis causâ in Poloniam Majorem, interim in filio, quem Cracoviæ reliquerat, à Casimiro ope Russorum maximè debellatur, Casimirus

rus filium fratris ejusque milites non modo incolumes, sed & muneribus ornatos dimisit. Quâ pietate Miecislaum ceterosque ita permovit, ut vivo ipso nihil hostile moliri sustinerent. Adeò nonnunquam hostem, quem fortitudinis non coercuit, metus admiratio clementiæ subigit. Post hæc cladis Boleslao fratri inflicte memoria, manesq; Henrici nuper occisi in Prussos Casimirum elicere. In hos nequicquam reluctatos igne ferroque ita grassatur, ut in armis facile ira vindictæ appareret. Nulla sexus, nulla ætatis ratio habita est. Donec fessi tot calamitatibus Prussi pristinae tributorum Polonicorum tolerantia se submiserunt. Hoc ultimum bellorum Casimiri fuit. Nec multo post ad pacis artes & religiones versus, dum S. Floriani à Pontifice impetratas reliquias ac memoriam festis epulis celebrat, hausto fortè poculo repente concidit, & brevi post intervallo exstinguitur. Suspicio quorundâ fuit, medicamento aliquo infectum fuisse poculum à sceminâ, quam deperibat Casimirus, mulieris for paulò, ceterà optimus Princeps.

## CAP. XI.

DE LESCO ALBO.  
ET MIECISLAO.AB ANNO CIOXCXV. AD ANNUM  
CIOCCIII.*Lesci cum patruo Miecislao concertationes,  
qui ter ad regnum emergit, ter  
dejicitur.*

Casimiro mortuo post multas Procerum concertationes ad filium tandem Lescū defertur principatus. Sed quia is per ætatem nondum par tantis gubernaculis erat, adjunguntur puero Helena mater, & Antistes Palatinusque Cracoviensis. Interim patrum Miecislau ambitio & contemptus sui dolor vecordem agebant per Polonium Majorem & Silesiam. Collecto mox isthic exercitu Cracoviam properat: Cui Palatinus Cracoviensis, advocatis in auxilium Russis, occurrit. Venit res ad prælium, non acre minus quam impium, cum scissam partes Poloniâ, fratres afinesque adversis è castris pugnarent. Russi ibi cæduntur. Romanus illorum dux

dux saucius ac semianimis penè prælio excedit. Vulneratus etiam tum Miecislauus est, & filius ejus paulo ante hastâ trajectus oculos penè paternos cruore resperserat. Interim Silesii duo duces in auxilium Miecislao superveniunt. Quibus se Govoricus Palatinus Sendomiriensis, qui priori prælio in subfessis fuerat, opponit. Inclinantes tum capto Govorico Polonos nox adversæ pugne exemit. Silesii seu Miecislauum, qui saucius domum vēhebatur, sequuti, seu partæ gloriæ nolentes denuo facere periculum, erectis trophæis domum quoque abeunt. Ita tum quidem irritus fuit Miecislai conatus. Aliquot annis post instaurare idem animum in novæ spem fortunæ cœpit. Cujaviam Casimiri liberorum patrimonium occupat. Idque ei impune fuit per ætatem possessorum, & Palatini Cracoviensis & Sendomiriensis dissidia. Cum sic primus conatus provenisset, ad majora mox fraude in auxilium assumptâ progredi statuit. Helena Lesci matri per legatos arripit, demonstrat mulieri jus suum, idque persequendi vires, contra Lesci ætatem teneram, curatorum ejus dissidia, denique petit, patruo potius quam aliis tute-



iam permetteret Lesci, quem adoptare, destinare successorem, restitutâ cæteris fratribus Cujaviâ pollicetur. Impar fuit Mieislai versutiæ Helena, & minis vim ostentantis mota est, ut promissis crederet. Reliqui etiam proceres, quanquam aliquandiu reluctati, consentiunt tandem in Mieislai restitutionem, eâ tamen lege, ut promissa ille sua jurejurando sanciret. Ita secundum principatu potitur Mieisclaus, sed in id, ut amittat iterum.

II. Is enim, quantum paulò ante verbis prolixus, tantum postea re ipsa atq; operâ defecit, sermone innuens subinde; fidem servare eorum tantum esse principum, quibus frangere aut non integrum, aut non necessarium esset. Sed Helena quoque, ut ante credula nimis, ita promissorû acris nunc exaëtrix fuit. Elusa aliquandiu, tandem ad vim proclamaavit. Invenit facile fautores simplicitate lapsa mulier, contra Mieislai imprimis, qui ut clientes suos ornaret, alios quosdam possessionibus suis dejecerat. Ad quas isti novis rebus, mutatoque principatu redituros se sperabant. Conjurat Palatinatus Cracoviensis duce ipso Palatino, occupatur urbs absente

absente tum forte Mieisciao, recipiturque Helena cum Lesco filio. Ita vides denuo exortem principatus Mieisciaum. Sed excedit penè fidem, vel fortuna viri hujus, vel Helenæ plusquam muliebris credulitas. Ecce enim hæc iterum mox decipitur, ille iterum regnat. Nescio quas remoras fidei ante non exolutæ causatus, sanctè jam pollicetur omnia, quæ promississet, præstiturum. Adductæ iterum eo mulieri, ut cederet principatum, persuadet jam porro, ut Palatinum Cracoviensem Nicolaum amoveat, quasi ducem seditionum, & sub specie egregii publici, privatæ utilitati studentem. Ut minus reluctaretur femina, juvant alii, Nicolai illius fastigium pridem ægrè ferentes. Ille purgare se Helenæ meritorum suorum ac fidei ostentatione diu nixus, obstinatâ muliere, ad Mieisciaum confugit, quantò ante hostem, tantò ambitiosius nunc amicum. Nicolai autoritas traxit plerisque alios. Mieisciaus tertium jam princeps frustra promissorum ab Helena admonitus, Vislicienſe porro territorium illi adimit. Eâ constantia fuit. Sed paulò post receptum imperium finem histroniæ suæ & vitæ simul fecit, vir inter

ornamenta ac dedecora alternâ vice  
versatus, & eam plerumque fortunâ si-  
dem expertus, qualem aliis præstabat.

## C A P. XII.

DE VLADISLAO LASCO-  
NOGO. ET LESCO ALBO.

AB ANN. CI<sup>o</sup>CCIII. AD AN.

CI<sup>o</sup>CCXXVII.

*Duo eliguntur. quorum alter alteri cedit.*

*Cometes. Tartarorum prima in Rus-  
siam incursiones. Pomerania Suen-  
topelcus præficitur. qui desiciens*

*Lescum interimit. Cruciferi  
in Prussiam vocantur.*

**U**Ti vivo Micislao, ita mortuo ad-  
huc inter ambiguos dominos va-  
cillavit Polonia. Reliquerat ille filium  
Vladislaum, qui à fragilitate pedum La-  
sconogus dictus (nam alter filius Otho,  
paulo post patrem obierat, relicto filio  
Vladislao sputatore:) & Lescus quoque  
Helenæ filius toties à Micislao deje-  
ctus supererat. In hunc primum senten-  
tiæ procerum consensere, uno Nicolao  
Palatino Cracoviensi, ejusque fratre  
Episcopo repugnantibus. Et hi tan-  
dem

dem patiebantur principatum Lescò de-  
ferri, hoc stipulantes, ut Govoricium  
Palatinum Sendomiriensem æmulum  
ipsum in exilium amandaret. Verum  
Lescò displicuit principatus, quem ami-  
ci injuriâ emendum haberet. Itaque an-  
nitente Nicolao, cui hæc tanta Lesci  
benevolentia in Govoricium tanto for-  
midabilior erat, princeps creatur La-  
sconogus, vir eo maxime nomine dig-  
nus principatu, quod eo postea dignio-  
ri Lescò libens cessit. Nam cum impe-  
rante jam Lasconogo, Lescus feliciter in  
Romanum Haliciensium ducem Lubli-  
nensis provinciæ vastatorem, & jam  
trajecto Vistulâ Sendomiriæ imminen-  
tem pugnasset, sequutus est fortunam  
favor Polonorum, & Lasconogo non  
repugnanti, surrogatus Lescus: mortuis  
jam maximis hujus adversatoribus, Pa-  
latino Episcopoque Cracoviensi, quo-  
rum huic Vincentius Cadlubecus succe-  
ssit, vir pro seculi sui genio eruditus, pri-  
musque historiæ Polonicæ conditor. Le-  
scus, quod prælio meruit, pace tenuit  
imperium, lenis ingenio, ut alios non  
impeteret, felix, ut non impeteretur.  
Sub ejus initia Cometes apparuit, mi-  
nax plerumque imperiis prodigium, tum



vero haut dubiè Tartaricæ procellæ nuncius, quam eo tempore à mari Caspio & monte Imao Asia in Chersonesum Tauricam primùm, mox in Podoliæ Russiæque fines effudit, magnam & sequuturis etiam postea seculis ineluctabilem Poloniæ calamitatem. Gens enim iusti belli ignara, ferarumque instar pauperiem tantum vicinis inferre nata, ipsa inopiâ & fugacitate suâ invicta est.

II. Caterum Lesco huic frater erat Conradus, cui Masoviam & Cujaviam concessit. Pomeraniæ Suentopelcū præfecit, eâ lege, ut jus quidem diceret provincie, ea tamen Polonis maneret vetigalis, juraretque in verba principum Poloniæ. Sed utrumque hoc Lesci beneficium malo omine datum est, & alterum Lesco ipsi interitus, alterum toti Poloniæ magnorum malorum causa extitit. Nam Suentopelcus paulo post fortunâ suâ corruptus fræna momordit, Lescumque bellum illi meditantem, & forte aliquando inter Comititia in balneo lavantem oppressit interemitque. Aderat tum Lesco Henricus barbatus Dux Vratislaviensis; sed hic prostratus ab emissariis, quia pro mortuo habebatur, vivus evasit. Ex eo tempore Suentopel-

topelcus Ducis sibi Pomeraniæ nomen adscivit. At frater Lesci Conradus, defendendâ à Prutenorum incurfibus terræ sue impar, fratres Theutonicos (quos Cruciferos vocant) è Syriâ tum à Sarracenis ejectos, in auxilium contra Pruthenos, datâ ad tempus terrâ Culmensi, vocavit; stipulatus vicissim, ut quicquid illi in Prussiâ occupassent, ex æquo secum partirentur. Ea res magnorum postea ac difficilium bellorum tempestates Poloniæ concivit, usitato ferè imperiorum fato, magis uti illis formidabiles fiant, qui vocati in auxilium sunt, quàm fuerant, contra quos vocabantur.

## CAP. XIII.

## DE BOLES LAO PVDICO.

AB ANN. CIOCCXXVI. AD ANN.  
CIOCCCLXXVIII.

*Pudici pueritia, & sub tutoribus miseria.  
Ejus castitas. Tartarorum prædationes per Poloniam, & Silesiam.  
Bella intestina. Iazyges. Lituanorum incurfiones. Turba inter Silesiæ duces.*

**C**um Lescus filium Boleslaum sed adhuc tenerum reliquisset, Henricum Barbatum, & Conradum de tutelâ hæredis aliquot annis certantes spectavit sensitq; Polonia. Ipse puer inter agnatorum studia variè raptatus, & Conradi etiam carceres expertus, vix tandem post multas difficultates ad regnum eluctatus est. Atque id jam pater ei minutius reliquerat, cum provinciarum aliæ Miecislai Senioris filiis, aliæ Conrado cessissent. Ut ad Boleslaum quidem tum nihil præter Cracoviens. & Sendomir. Palatinatus perveniret. Princeps factus Cunegundin Belæ Ungarorum Regis filiam uxorem duxit. Sed cum primis nuptiarum diebus intactam reliquisset, consensum utrinque est postea in perpetuæ virginitatis sacramentum. Unde Boleslao Pudici nomen. Hoc principe Tartarorum rabies primo, sed eo multiplici impetu per Poloniam defævit. Per vagati enim Lublinsensem oram, & trajecto Vistulâ Zarichostum usque progressi graves in Russiam prædas deportarunt. mox inde post deposita onera revertentibus corporum suorum objectu viam præcludere tentabant Cracovienses & Sendomirienses. Sed hi ad Schidloviam

loviâ oppidū prostrigati sunt, immaniufque hinc & velut perruptis obicibus ferocius se crudelitas sevissimæ gētis diffudit. Non satis in prædam grassanti fuit Polonia, in Silesiâ quoq; superato Viadro tranavit. Illic circa Ligniciam Ratisbonæ & Opoliæ Duces, junctis cū Cruciferorum & Majoris Poloniæ exercitu copiis, sumplerant animos eundi in barbaros. Sed pariter infelix fuit quanquam acerrimè pugnantium fortitudo. Cæsi ibi Henricus Pius Uratislaviensium post Henricum patrem dux, Boleslaus Moravorum Ducis filius, Pompo Cruciferorum Magister, aliiq; spectati viri. Jam cæterorum militum tanta multitudo occidit, ut à Tartaris præcisæ cælorum singulis singulæ aures novem capacissimos saccos ferantur implèsse. Ut exciter penè nobis hæc tempestas cladis Romanæ apud Cannas memoriam, cum Annibal equitum Romanorum annulos, insignia nobilitatis, Carthaginifuræ modis admensus est. Sed porro ut illic vento, pulvere, sole adverso pugnârunt Romani, ita se hîc externa aliqua, & humanâ major vis prælio creditur miscuisse. Tradunt enim authores concussum inter pugnandum ex signis Tartarorum



unum fumi ac nebulae tanta sparsisse volumina, ut prospectum omnem adversae aciei eriperet. Quod mirum, non difficile tamen creditu videbitur ei, qui sciverit, Tartarorum gentem veneficiorum minime rudem esse.

II. Percussa tantâ clade Polonia magis etiam misera erat, quod principe carebat. Nam Boleslaus, ubi alterius Tartaricæ calamitatis rumor increpuit, in Ungariam cum suis transfugerat. Nec diu postea comparuit. Inde Boleslao Calvo Henrici Pii filio Principatus decernitur. Quod agere ferens Conradus Masovius, vix bene datum Calvo sceptrum sibi vindicavit. Sed hujus quoque impotens dominatus odia mox incurrit, movitque Polonos, ut Pudicum requirerent. Qui reversus recipit imperium, cum Conrado duplici praelio configit, uno victor, altero victus, usque tamen per fidem procerum quorundam potestatis supremæ retinens. Mortuo paulo post Conrado, quæ sub Pudico erat, Polonia fuisset, nisi quæ in Majore Poloniâ inter Miecislai senioris Conradique posteros arseret, & maxime Silesiorum Ducum gravissima inter se certamina, aliquam quoque barbarum

uuu

conta-

contagē vicinæ afflassent. Inprimis vero in Silesiâ Boleslaus Calvus, à quo sui defecerant, in tractu Cujaviensi Casimirus Conradi Masovii filius quietem publicam turbabant.

III. Districtis ita circa domestica mala Polonis Silesiisque novus iterum mox turbo ab Oriente insonuit. Tartarorum enim ingens vis Lublinensem terram vastabat, notisque jam & nupero cruore velut signatis viis progressa, Zavichostum, Sendomiriam, Cracoviam & quæ ultra hanc, populabatur. Erant in castris Tartarorum duo Russorum duces Leo & Romanus, scelerique fœderum gentilium ducatum ac potentiâ in Christianos Christiani ipsi præbebant. Sed reversis quoque ad sua Tartaris, hi quasi tardius satiarentur, repetitis subinde incursionibus Poloniæ partes, Masoviam inprimis, infestare, Lithuanis jam quoque succincti & Iazygibus, populis eâ tum parte positis, quæ hodie Podlattia appellatur. Sed postremi hi quasi in satum suum lacerassent Polonos, internecione penè tum à Boleslao excisi sunt. Lithuani domū reversi & ob necē Ducis Mindaci mutuis se cædibus lacerantes internis discordiis relinquebantur.

bantur. In Russos sumptum bellum est, Boleslai tamen magis auspiciis quam ductu. Nam Petro Palatino Cracoviensi summum belli regimen commissum fuit. Qui in hosticū progressus, Russos Suarone duce contra venientes, quibus & Tartarorum ingens manus accesserat, commisso eminus cominus prælio, insigni victoriâ ultus est.

IV. Post hæc major Polonia Duce Boleslao Calissiensium Dynastâ cum Brandeburgicis Marchionib. bellum exorsa est: minor intestinis dissidiis laborare capit. Erat tum Craeviensium Antistes Paulus Polucosius, vir avaritiâ, libidinibus, venandi prurigne munerisuo dedecorus. Hunc operâ duorum juvenum ex Topororum gente captum Lescus Niger carceri incluserat, jussu vel saltem permissu Pudici. Post annitente Gnesiensi Archiepiscopo dimissus vindictam parat, collectisque qui fortunæ inopes, moribus turbidi licentiam scelerum bello civili sperabant, in principem conspirat. Inficit ea labes bonos etiam quosdam vel pridem aliis quibus Pudici moribus offensos, vel offensos aliis credulos. Iuvitq; seditioforū consilia Boleslai absentia, qui tum cum Bohemo

Bohemo in Silesiâ de restituendâ Polonis Opaviâ, agebat. Nec mora. Dese-runt Conjurati principatum ad Vladislaum Opoliensium ducem; illoque postulante, ut quotquot se principem vel-  
lent, ad se Opoliam venirent; iter in-grediuntur. Euntes & securitate vagos adoritur in vicino tum agens Pudicus nullo iusto milite, sed solo procerum aulicorū quorundam comitatu. Et suf-fecit ad comprimendos rebelles illa for-tunæ regiæ moles. Inde in Vladislaum receptorem seditioforum itum est, & di-reptæ ejus ditiones. Cruduissentque in justum bellum odia inter cognatos, nisi Boleslai Calissiensis prudenti operâ so-pita maturê forent. Tandem restitutâ minori Poloniæ quiete, Masovia, Cujavia, & his adfines provinciæ Lithuanorum & Pruthenorum incursione con-cussæ sunt. Feruntur tum quadraginta hominum millia abducta. In Silesiâ ve-ro, si unquam, nunc maximè Duces co-gnati ferrum parricidiale inter se strin-gere. Autor turbarum præcipuus Boleslaus Calvus fuit, qui cum Henricum Vratislaviæ Ducem dolo cepisset, quosdam Silesiæ Principum, & Pudicum etiam aliosque Poloniæ Duces in se con-citavit.



citavit. Tandem quoque in illum Vratislavienſes Bohemorum regem Ottocarium vocarunt datâ regi ad tempus ditione Glacenſi. Ejus autoritate liſ inter duces utcunq; compoſita eſt, & præter Henticum Premisluſ quoque Poſnanienſium Dux, quem in prælio nuper ceperat Calvuſ, dimiſſuſ. Sub id tempuſ movit denuo in Brandeburgicum Boleſlauſ Caliſſienſiſ, fuſoque Othone Longo Marchione, latè Marchiâ populatur. Sed paulo poſt reverſuſ inde febrî extinguitur. Quem eodem quoque anno Pudicuſ conſequutuſ eſt, princepſ ingenio mitiſ, vitâ integer, cæterâ infeliciſ, & calamitatibuſ ſerè quam rebus geſtiſ nobilior.

## CAP. XIV.

## DE LESCO NIGRO.

AB ANNO CIOCCCLXXIX. AD AN.  
CIOCCCLXXXIX.

*Cum Ruſſiſ bellum. cum Henrico Vratiſlavienſium Duce. cum Lithuanis. Iazygum internecio. Sendomirienuſ ſeditio in Nigrum. biſ iterata. Cracovienuſ fidelitaſ.*

Bozeſ-

**B**oleſlauſ Pudicuſ cum ob virginitatib; votum nullum genuiſſet, fecit ſibi judicio ſucceſſorem. Iſ erat Leſcuſ Niger ex fratre ipſiuſ patruſ ortuſ. Poloni alii libenteſ acquieſcebant adoptione Boleſlai, alii reſectati nonnihil, tandem pertinaciam temporibuſ reipublicæ ſubmiſſere. Ruſſi enim tum omnium animoſ in ſe adverterant, qui Tartarorum Lithvanorumque viribuſ ſuccincti, Duce Leone immaniter Poloniam vaſtabant. Hoſ Varſiuſ Caſtellanuſ Cracovienuſ cum ſuo & Sendomirienuſ Palatino temere aggreſſuſ feliciter tamen ad Goſlicium pagum fudit. Eoſdem collecto majore exercitu perſequitur Leſcuſ, & ad Leopolin, quæ ab hoc Leone nomen habere videtur, progreſſuſ, viciffim ſe quoque ultione & ſanguine explet. Inde in Henricum Vratiſlavienſium ducem cognomento Probum, ſed tum nomini malè reſpondentem movet. Cauſſa belli erat Henrici in patruſ ſuoſ, cognatoſ Leſci, impia frauſ, quoſ per ſpeciem colloqui evocatoſ Bariciam, vincliſ oneraverat. Leſcuſ cum multam agriſ Vratiſlavienſibuſ vaſtitationem attuliſſet, captoſ tamen haut liberare potuit: ipſi ſe paulò poſt conceſſiſ, quæ

quæ Henricus postulabat, quamquam iniquis, exemere. Eo tempore infudit se denuo in Poloniam gens Lithvanorum, & quicquid adhuc Iazygum supererat. Quos contra cum veniret Lescus, recedentes repperit, tardo tamen ob prædam agmine. Dubius an hostem persequeretur, somnio animatur, mox eadem fiducia incensos suos vestigia barbarorum legere jubet. Hi fulgentibus ex propinquo Lesci signis, quamquam in re subitâ attoniti, parant se tamen pugnæ. Mox incurrentium Polonorum impetum fortiter excipiunt, cum subito eos captivi à tergo adoriuntur; viri arreptis, quæ sors dederat, telis, femina truci ululatu. Ferrur & canum, quos secum abduxerat, moribus impetitus hostis; pulcherrimo spectaculo, cum Polono numero hominum impari bestia militarent. Percussos undique & in fugam effusus persequitur cæditque Lescus, donec sylva & oborta nox finem poneret. Acrius cæteris tum Iazyges pugnaverant, unde occisione omnes periëre. ut hodie nonnisi nomen eorum superfit.

II. Sed pulcherrimæ victoriæ decus civiles coorti metus penè temeraverunt.

sup

Sen-

Sendomirienses enim jam olim Lescio iniqui, autoribus Iohanne Palatino & Crispino Castellano, cum quibus & Paulus Cracoviensis Episcopus trahere se dicebatur, spero Lescio, Conrado Masovia duci se submisere. Verum hunc venientis subito Lesci fama in Masoviam repulit, minace tamen belli & majoris apparatus fugâ. Lescus procerum primis prudentiâ & comitate reconciliatis, reliquos ut gratiam principis sponte quaerent, coëgit. Interim Lithvani vires recollegerant, & Poloniam ingressi ad Sendomiriensem usque terram latè omnia vastabant. Hos iterum fortiter adortus Lescus feliciter repulit, convincens veluti ingrati animi suos, & antea ipsum principem aspernatos, & mox aspernatos. Surrexit enim denuo male obrutum seditionis incendium, & majore flammâ è dolosis velut cineribus erupit. Accivisse barbaros principis odio credebatur Paulus Episcopus Cracoviensis, unde iterum captus & iterum dimissus magnisque immunitatibus donatus est à Lescio. Sed ut plerumque homines injuriâ quam beneficio malum vicem exolvere, adeo non mitigatus est muneribus Lesci Antistes, ut tanto etiam



iam acrius omnium animos, quâ posset, in principem acueret. Atque ejus nefaria consilia, quod mireris, secuta est pleaque, quæ sub Lescio erat, Polonia. Iterum accitit Conradus, venientique Cracoviensium ac Sendomiriensium proceres obviam procedunt. sola urbs Cracovia ab illo rebellionis contagio intacta mansit, & quamvis magna præmia polliceretur Conradus, dira quoque minaretur contumacibus, neutro tamen modo in desertionē fidei corrūpi potuit. Obsessā à rebellibus urbe, & mox incensā, cives in arcem se recipiunt spe Lesci se sustentantes, qui sub initium statim motus, ad Ladislaum Ungarum quærendæ opi confugerat. Nec multo post adest cum exercitu, cui opponit longe majorem Conradus. Sed voluit bellorum arbiter Deus, ut unde jus, inde victoria staret. Lescus debellatis & veniam orantibus subditis magna facilitate ignovit. Cracoviensium constantiæ gratiæ ingentes habitæ, inprimis Germanorum, quorum fide arcis custodia potissimum steterat. His urbis regimen tradidit Lescus, habitu quoque eorum assumpto favorem suum testatus.

III. Felix erat Lescus si ut subditis suis,

suis, ita Conrado benignum se præstisset. Sed huic implacabilis irascens recondiderat odium, quod captatâ mox occasione prompsit. Dobrinum tum Lithuani incurrerant fratris sui Ziemoviti oppidum. Huic quasi opitulaturus in Masoviam descescit, igneque ac ferro late grassatur. Redeuntes cum prædâ milites plurimos in trajectu fluminis aquæ hauserunt. Sed mox major calamitas sequuta est. Tartari enim iterum magna & miserabili diluvie Poloniam inundarunt. Tot tum homines abducti feruntur, ut cum reversi Barbari in Russiam circa Vlodimiriam recognoscerent prædâ, ultra viginti millia innuptarum virginum numerata sint. Nec Russis impune fuit toties immanissimam gentem juvisse. Ferunt enim à transeuntibus Tartaris immixtis humanis cordibus, quæ veneno imbuerant, infectas aquas nova morborum genera peperisse, quorum ut causa diu fefellit medicos, ita soboles hodieq; in inexplicabili tricarû contagio, quam Plicam vocant, creditur vulgo superesse. Cæterum Lesci animum nondum publica mala ita mitigaverant, quin vindictæ privatæ indulgeret. Iterum Conradum lacescit, misso in Masoviam

viam Palatino Siradiense. Sed hunc ex Masoviâ cum prædâ regredientem secutus Conradus incautum opprimit necatque. Miles vero prædator prædâ mox Masoviis fuit. Lescus ipse paulo post ex mœrore animi periit, princeps inter laudatos censerî meritis, felices etiam, nisi finis inclinasset, cujus maximè semper meminimus.

## C A P. XV.

DE INTERREGNO. ET  
PREMISLO REGE.

AB AN. CIOCCCLXXXIX. AD AN.  
CIOCCXCVI.

*Polonia varie discerpta. Premislus emergit. & Regium nomen recipit.  
mox clam interficitur.*

**L**escus absque liberis decesserat. Inde regnatarum ab eo ditionum imperium variè prius, quam certis iterum velut humeris sederet, agitarum est. Siradiensem Palatinatum Vladislaus Locticus frater Lesci obtinuit. Cracovienses & Sendomirienses Boleslaum Ducem Ploccensem Conradi Masovii fratrem

trem ad Principatum vocaverunt. Sed hunc mox Henricus Vratislaviensium Dux deiecit, dejectus ipse quoque ad tempus à Loctico, paulo post verò restitutus, morte instante, hæredem harum Provinciarum scripsit Premislum Majoris Poloniae Ducem, cui recens Pomerania quoque testamento morientis Miesciugi accesserat. At huic Henrici quidem hæreditatem ambiguam faciebat Gryphina Lesci Nigri uxor, quæ in duos illos Palatinatus sibi à marito donatum, ut ferebat, jus Venceslao Bohemorum Principi sororis suæ filio transcripserat. Cessitque Cracovia Bohemo. Sendomiriam Locticus sibi armis vindicabat. Penes Premislum tamen majoris Poloniae & Pomeraniae Dominum, inter tot æmulos, summi Principis autoritas mansit, cui mox & regia dignitas accessit. Omissa ea in Polonia fuerat ducentis & ultra annis. A temporibus scilicet Boleslai Audacis, ob quem Pontifex Regnum quoque ipsum execrationibus devinxerat. Post & hoc relicta subinde à dominantibus numerosâ sobole, in tot principes divisum fuit, vix ut horum quisquam regio nominari esset sustinendo. In Premislum hunc



hunc quia plures provinciæ felici successione coiverant, dignum sui iudicarent, qui diadema Regium gestaret. Quod ei Gnesnæ solenni ritu Iacobus Swinka Archiepiscopus imposuit. Rex factus Premislus cœperat curas eo nomine dignas agitare. Sed eas nimium præcox & quasi Poloniæ invidens fatum subitâ morte abruptit. Septimo enim post susceptum regnum mense, dum Bachanalium diebus apud Rogosnum Marchiæ vicinum locum securius agit, à manu emissariorum, quam Brandeburgici Marchiones sorore Premisli geniti subornasse dicuntur, oppressus perit.

## CAP. XVI.

DE VLADISLAO  
LOCTICO.

AB AN. CIOCCXCVI. AD AN.  
CIOCCC.

*Loctici in Silesiam expeditio. quæ discordiis  
artebatur. Locticus degenerat.  
& regno dejicitur.*

Occiso

Occiso Premislo omnium electus suffragiis Vladislaus Locticus, non tamen solenni ritu inauguratus est. nec Regis, sed hæredis Poloniæ nomen assumpsit. Incertum quâ de causa, an factis rem ita velut ad gubernantibus, ut facilius eripi indignius se gesturo nondum plenè datum imperium posset. Prima ejus expeditio in Silesios fuit, favore in Bohemum regni æmulum ipsi adversos. Quorum terram cum exercitu ingressus, longè latèrque populatur. Id eo proclivius Loctico fuit, quod principes Silesiæ domesticis turbis distracti, in cōmune non consultabant. Boleslaus enim Suidnicensium Dux in Conradum Glogoviensem bellum parabat, Henrici Vratislaviensis causâ, quem Conradus fraude captum teterrimi carceris squalore primò ad iniquissimas condiciones, tandem ad mortem adegerat. Reversus ex Silesia Vladislaus otii ac voluptatum saginæ se dedit. Milites quoque rapinis assuetas manus ne à suis quidem abstinabant, principe non ad hæc tantum connivente, sed ob libidines privatas omnis jam publicæ rei incurioso. Tandem ita gravis Polonis esse cepit, ut imperium tribus annis administratum ei abro-

abrogarent. Felicem hanc calamitatem Loethico fuisse eventus docuit: quippe quâ velut stimulo admoto animus, qui inertia penè elanguerat, virtutis suæ admonitus est.

## CAP. XVII.

## DE VENCESLAO REGE.

AB ANNO CIOCCC. AD ANN.  
CIOCCCV.

*Venceslaus à Bohemiâ accitus Rex inauguratur. Loethicum persequitur. Qui rediit moriente Venceslao restituitur.*

**A**Moto Loethico accitus in Poloniam Venceslaus Bohemorum Rex, cinctusque Regio diademate munimentum suæ ut exoticæ dominationi petit à conjugio, ductâ in uxorem Rixâ Premisli Regis filiâ. Inde Loethicum persequitur, adhuc, tum in Polonia sed occultè & incertis latebris vagum, mox in Ungariam atque inde Romam profugum. Remoto amulo ipse in Bohemiam abit, constitutis, penes quos rerum summa esset, præfectis. Venceslao absente Sendomiri-

miriensibus & Cracoviensibus animus incessit Russos toties Poloniam depulatos & recenti quoque injuriâ exolos ulciscendi. Pugnantibus quamquam sine Rege auspiciis fortunæ non defuit. Fulsis enim prælio Russis, quibus Tartari quoque auxilio venerant, Lublinum, quo quinquaginta annis Poloni caruere, creptum est.

Dum hæc in Poloniâ aguntur, Loethicus in Ungariâ apud Amedeum Palatinum agens, imminebat adhuc occasionibus regni recuperandi. Compertoque dominationem Bohemorum gravem esse Polonis, & Venceslaum filium causâ in Ungaros moliri bellum, collectâ manu Ungarorum & Amedei hospitis ope adiutus, in Poloniam venit, Pelicam mox Visliciamque & quæ circumjecta loca sunt, occupat. Sed luctanti ita inter initiorum veluti rimas magnum post ostium aperuit secuta sub id tempus mors Venceslai. Nam fato Regis Bohemis quoque, qui passim civitates Poloniæ præsidio tenebant, cecidit animus: & capita urbium Cracovia ac Sendomiria Loethico facile cessere. Ibat tamen manu asertum patrium regnum Venceslaus junior à Bohemiâ non exiguum manum



ducens ac si imperium detrectetur, bello certaturus. Sed ille dum Oloinucii forte sub meridiem somno indulget, occiditur. Autor cædis in ambiguo est, quam fuere qui Alberti Imperatoris scelus suspectabant. Ex hoc tempore Bohemis externi Reges imperitarunt.

## CAP. XVIII.

DE VLADISLAO  
LOCTICO.

AB ANNO CLOCCCV. AD AN.

CLOCCXXXIII.

*Loctico redditur regnum. Pomerania Marchionibus proditur. contra hos Cruciferi vocantur in auxilium. qui ex sociis mox hostes. Cracoviensium seditio. Silesia Bohemia innexa.*

*De Cruciferis victoria.*

*Autor Gentis Zamosciana.*

**M**orte utriusque Venceslai Loctico armorum pro recuperatione imperii necessitas remissa est; & diffugientibus passim Bohemorum præfidiis, sponte se illi subdidere Poloni. Soli Polesiani

nanienfes & Calisienfes memores vi-  
riorum ejus, forteque etiam vindictam  
metuentes regnum dare ignominia ac-  
censo renuebant. Itaque Henricum  
Glogoviensium Ducem sibi adfiscunt.  
hoc pejus merentes de Loctico, quod  
sine illis coronari non posset. Quippe  
Gnesæ ditionis ipsorum urbe Regia  
diademata asservabantur; & in illis par-  
tibus erat Archiepiscopus. Locticus levi  
incurfione correptis adversariorum a-  
gris, ad Pomeranos tendit, acceptoque  
ab omnibus sacramento, Gedanensibus  
Bogussam judicem, cæteris Premislum  
& Casimirum duces, Ziemomisli fratris  
filios præficit. Postquam inde abiisset,  
cepit prodendæ Marchionibus Brande-  
burgicis Pomeraniæ consilium Petrus  
Cancellarius Pomeraniæ, Palatini Ge-  
danensis filius, homo factiosus & tum  
Loctico nescio ob quam repulsam in-  
fensor. Idem tum captus inter prima  
molimina, mox tamen deprecatione  
fratrum dimissus, beneficii immemor  
ignominiam ulcisci statuit. Ejus ergo  
fratrumque ope accitis paulo post Mar-  
chionibus pleræque civitates Pomerani-  
æ traduntur, Gedanum quoque ipsum,  
solâ arce relictâ, quam Bogussa tutaba-

tur. Hic urgente obsidium hoste ad Loticum magna celeritate contendit, & de statu rerum edocto suadet Cruciferos vocare in auxilium. Annuente Principe, Boguslâ reversus Cruciferos in arcis dimidiâ regimen recipit, hac lege, ut unius anni defensionem suis impensis tolerarent, hoc elapso, quicquid porro infunderetur, Regi ferrent expensum. Junctâ ita cum Cruciferis manu non arx tantum Gedanensis defensa, sed urbs quoque recuperata est. Sed repulso hoste, insurgere paulatim Cruciferi, arcis universum regimen in se trahere cæperunt: frustra repugnante Boguslâ, aut cæteris, quorum ut quisque potentior aut obstinatioer erat, carcere multabatur. Moniti à Vladislao & præsentis in conventu apud Cujaviam habito injuriarum postulati, ingentem atque iniquam pecuniâ summam poscebant: quâ abnuente Vladislao ad vim bellumque apertum erupere. Distinebatur tum Vladislaus bello civili contra Henricum Glogoviensem: quod spem dabat Cruciferis occupandâ totius Pomeraniæ. Primo impetu adoriri oppidum Gedanense placuit, quod aliquandiu à Pomeranis defensum, tandem civium quorun-

rundam Theutonici generis operâ proditum est. Inde Derlavia, cui Castimirus Loſtici cognatus præsidebat, capta, & Suecium ingenio sitûs & arte munitissimum Castellum longâ obsidione expugnatum. Quod pleraque alia oppida secuta sunt.

II. Dum hæc apud Borussos aguntur, Polonia major pertæsa dominationis Henrici & perpetuarum belli calamitatum metuens, Vladislao se dedit, missusque, id ut impediret, ab Henrico Bibersteinius à Samotulio Palatinide Posnaniense profligatus est. Sed rara sine mali mixtura felicitas: plerumque lancis instar, unâ parte attollitur, ut alterâ desidat. Sic Vladislao cum pars Poloniæ fasces submisisset, altera cœpit rebellare. Cracovienses enim cives Alberto advocato autore, Boleslao duci Opoliensium urbem suam subdiderant, arcemque in societatem flagitii trahere certabant. Sed Boleslaus missis à Lotico legatis, & mox vi ingruente percussus propere urbem deseruit, comitantibus eum plerisque qui seditioni classicum cecinerant. Victor antequam adventaret, Loſticius, cum venit, sentire urbem voluit, quid peccasset. Profugo-



rum bona in fiscum redacta sunt; cassi, qui è ducibus rebellionis remanserant, universæ civitati jura imminuta.

III. Cruciferorum interea ut potentia, ita potentiae cupido gliscebatur. Pomeraniam omnem tenebant, & ut jure tenere viderentur, primò Loctico; hoc abnuente, Marchionibus pecuniam offerunt. Qui ut vendere jure non poterant, quod per injuriam nuper occuparent, ita pretium libentes accepere pro eo, quod jam ipsis vi erat extortum. Poloni verò irritati tot injuriis, antequam armis se vindicarent, suasu Episcoporum, quibus ablata Pomerania non modici proventus interciderant, Pontificis Romani judicium implorant. A quo toto quadriennii labore vix tandem impetratum est, ut deligerentur, quorum arbitrio disceptaretur causa tam gravis. Ab iis secundum Polonos data lis est, jussique Cruciferi satisfacere, cum non parerent, sacro fulmine percussi sunt.

IV. Eâ tempestate Duces Silesiorum hactenus liberos fœderatosque Polonorum vitia sua & Iohannis Lucemburgici Bohemiae Regis artes alieno subegere regno. Cum enim ex Ducibus alii  
prodi-

prodigerent sua, alii armis se invicem incesserent, singulis suos casses aptans Iohannes, illos dato pretio, ditionibus suis exuebat, hos occultis stimulis in mutuam armabat perniciem. Dum tandem omnes luxu vel discordiis attritos sub Bohemorum imperium adegit. Idem Iohannes nescio quod sibi jus ob antecessorem Venceslaum in Polonos vendicans, vocatusque à Cruciferis in auxilium contra Locticum, serio tandem Pomeraniam recuperare molientem, Masoviam ingreditur. Ab eodem Cruciferi, ut jus suum in Pomeraniam magisteriam stabilirent, prece & pretio impetrant, ut illam provinciam ipsis donaret, jure scilicet in Polonorum ditiones Regio, quod Johanni homines ridiculi, ut accipere possent, dabant.

V. Nec vero diu se intra Pomeraniam continuit Cruciferorum avaritia. Poloniae ipsius primum oras, mox viscera assiduus incursionibus tentabant. Certè altero eorum impetu vix ullum Majoris Poloniae oppidum intactum mansit. Aderat cum exercitu Vladislaus, sed impar tanto hosti, & congregi apertè non ausus, casuum tantum opportuna speculabatur. Brevisque potius

tus est voto. Militabat tum in castris hostium Szamotulius, profugus è patriâ, ob simulates cum Rege, atque imprimis ob prælatum sibi in præfecturâ Majoris Poloniæ Casimirum filium Regis. Hic pœnitentiâ & patriæ amore mollitus, captato tēpore, specie exploratoris, in castra Polonorum transgressus deprecatur Regem, simul hortans, prælii ut tentaret fortunam, suamque ad id operam promittens. Redux trepidatione Polonorum falsò memoratâ persuadet Cruciferianis, ut securè & sine metu agerent. Illi prædæ suæ incubantes, & quasi victo hoste læti, reditum parare ad deponenda spolia, partiri que exercitum cœperant. Interim admovet Locticus exercitum, nebulae beneficio usus, ut improvisor hostibus veniret, famamque sui anteiret. Illis tamen strepitu propinquantium admonitis, subitoque arma corripientibus, cum ad Radoviam venisset, sistit nonnihil suos, & ad hunc modum affatur: *Si quantam ore habituque præferunt hostes, tantam moribus ac factis ostenderent numinis curam: bellum, milites, aut nullum cum illis, aut omnino iniustum gereremus. Nec enim intra sacra militiâ consistentes munia, violentam*

*lentam in nostra injicerent manum: & sua servantes improbè à nobis oppugnarentur. Sed nimirum male respondent illi insituti sui legibus, turpiterque ex propugnatoribus Christiana religionis, in magistros avaritia & immanitatis, in Cruces turbatoresque vicinorum principum degenerarunt. Alia eorum facinora ne memorem, in nos patriamque nostram quæ illos insana impiaque habendi cupiditas armavit? Profugos olim & sedibus suis exutos cognati principes nostri in partem belli quidem, sed & terræ simul suæ vocarunt. Hic afflictæ prioris fortune allevationem, hic novæ hæc, quæ videtis, incrementa cepère. Expectanda nobis erat gratia; illi vim inferunt, illi focos, in quibus nefarii scilicet aspides recalvère, diripiunt, atque etiam, si liceat, ereptum nobis eunt. Pomeraniam jamdudum est, quod sibi usurpant, magna etiam Cuijavia parti incubant: Et his tamen aded non satiatur illorum avaritia, ut velut irritata magis, in intima patria nostra viscera ungues promittant. Verum modum his, quem sibi ponere nesciunt, ponet hodie, spero, numinis vindicta, & vestra, commilitones, virtus. Quam jam pridem ablatarum provinciarum injuria, male habiti ab illis agri subditique nostri, pro-*  

E 5 Janata



fanata à sacris nempe militibus templa, ita acriter stimulant; ut vix difficilius jam fore videatur vincere hostem, quam fuit hactenus, in pralium vos ruentes tenere. Nec ullo sanè degeneri metu ardorem vestrum inhibui, sed quia malis bonisque rebus meis edoctus scio, quantum possint in bello momenta temporum atque occasio- num. Has profectò qui prudenti patientiâ speculari novit, securius vincit, vel, si for- tuna omnino rectè etiam consultis repug- net, vincitur saltem serius atque excusa- tius. Sapè parvis copiis magni exercitus iniquo vel loco vel tempore deprehensi de- bellantur. Sed nobis, milites, hodiernus dies tot offerens benè gerenda rei opportu- nitates, grande morarum omnium, quas tulistis hactenus, pretium ostendat. Huc usque numero adeò prævaluit hostis, ut & superare illum arduum foret, & su- peratis nobis temeritatis insuper expe- ctanda esset nota. Nunc flos exercitus illo- rum ad subigenda Cujavia ulteriora missus est. Sic universos ante cum discrimine ag- gressuri, divisos jam absq; negotio proteremus. Sed ut multitudine etiam nū pares vel supe- riores sint, animis tamen nos non aquant: quos exigua mercede autoratos, caterva undique collecta & pradandi quam pra- bulandi gnarior pares profectò asserre non

potest nostris, quos pro patriâ dimicantes, præter nobilitatem ingentiam, summa belli non aequas tantum, sed necessitas acuit. Ac clamor illorum dissonus, quo omnia jam istic perstrepunt, nonne pavorem & festi- natione se suâ implicantem trepidationem arguit? scilicet cautionem nostram igna- viam forsan hactenus interpretati, quia non provocavimus, nunquam provocatu- ros credere: aut facilem, puto, expecta- runt, qui ad pralium paratos esse juberet. Discant agè nunc exitio suo, non esse tum pugnandum, cum cupit hostis; & peruisse rerum agendarum occasiones, cum utrin- que sciuntur. Caterum quos percussos ita anxiosque audimus; major mox, milites, occupabit dejicietque consternatio; cum Samotulium, nostratē olim Palatinum, illorum hactenus castra pravo consilio se- quantum, mutato animo in illos pro nobis arma stringere videbunt. Id quidem fra- cturum se recepit, nec, nisi penitus Polo- nus esse desit, commissurum arbitror, quin iras civiles in exitium hostibus versas, cri- menque perfidia egregio decore expiatum nobis patriæque probet. Sed & vos, commilitones, certus sum, ita acturos, ut & civis respicientis studium viso vestro pro patriâ pugnandi ardore crescat; & opera ejus

*ejus à nobis ad communicandam victoriam gloriam admissa, minimè requisita ad obtinendam videatur.*

Hæc fato Duce, discussâq; etiâ interim nebulâ, initur prælium. Agunt rem fortiter Poloni, certantibus velut inter se quoque Loëtico & militibus, illo, ne exemplum, vel vocis incentivum suis deesset, his, ut utrumque superfluum esset. Nec Cruciferianis virtus deerat, donec Szamotulius terga eorum incessere cœpit. Tum respectantes & re subitâ attoniti remissere animos. Subvenientes quoque iis, quæ Brestiam pridie præmissæ erant, copiæ in id tantum venire, ut victoriam Polonorum augerent. Nam & acrius isti tanquam pro parto decore pugnabant, & illi pavore fugientium suorum auferebantur. Viginti millia tum Cruciferianorum feruntur periisse, ex Polonis quingenti tantum. Post prælium inter saucios vir quidam equestris ordinis Florianus Szari jacebat, effluentia abdomine ilia manu cohibens. Ejus cruciatum Rex fortè præteriens cum comitibus miserabatur. Cum ille: acrior, ô Rex, inquit, dolor ejus est, qui in eodem pago malum vicinum habet, qualem ego expertus sum.

Mira-

Miratus est Rex hominis inter mortis discrimen ejusmodi cogitationibus vacantis responsum; sublatoq; & arte chirurgorum curato pagum dedit, quem solus & absque vicino possideret. Stemma ejus, quod trium hastarum erat, inde Ielitorum, i. e. ilium nomen accepit, estque insigne Zamoscianæ familiæ, è quâ magnum illud non Poloniæ tantum, sed seculi decus Johannes Zamoscius effulsit. Cæterum ut Vladislao Regi victoria hæc gloriosa fuit: ita fructum ejus Bohemi fermè & Silesii intervertère; bello majori Poloniæ intentato necessitatem Regi Cruciferos omittendi, his respirandi moram facientes. Qui & dum in novum hostem movent Poloni, Brestiam & Gnievvcoviam impunè abstulerunt. Paulo post pactus cum Cruciferis inducias Vladislaus, munitiones aliquot Bohemorum Silesiorumque cepit aut incendit. Inde reversus post brevissimi temporis morbum moritur, princeps corpore exiguus, magnus animo, comitate in suos, fortitudine in hostes egregius, à secundâ fortunâ penè deceptus, adversæ pulchrè tolerans semper, plerumque victor.

C A P.



DE CASIMIRO  
MAGNO.AB ANNO CIOCCCXXXVIII. AD AN:  
CIOCCCLXX.

*Casimirus pacem init cum Cruciferis. successorem designat Carolum. Russos Polonia subdit. Leges instituit. Ius Magdeburgicum introducit. Ludovicum Ungarum post Carolum successorem nominat. Pater Plebeiorum dictus. Valachi dolo Polonos vincunt. pestis & fames per Poloniam. Casimirus cognatam Carolo IV. Imperatori locat. Hospites Regios consul Cracoviensis splendide excipit. Casimiri ex equo lapsus & mors.*

**V**Ladislao Lothico filius Casimirus succedit. Qui mitis ingenio, & quietis quam armorum appetentior pacem cum Cruciferis init, parum decoram nomini Polonico. Eam aspernati Proceres, & simul tamen bellorum pertæsi, Pontificem iterum in arbitrium malè compositæ litis sollicitant. Ab hoc missi arbitri infessam à Crucigeris Pomerelliam,

liã, Cujaviã, Dobrinũ, & reliqua Poloniæ propiora Polonis adjudicant. Cruciferis insuper prægrádè multã irrogantes. Sed hi nec decreta Pontificia, nec executiones morati, occupata retinêre.

Cæterum Casimirus ut vagus libidinum, ita prole orbus erat. Unde maturè successorem circumspicere cœpit. Placuitque eligenti Carolus Ungariæ rex sorore illius genitus, spretis cum indigenis principibus, rum Silesis alieno jam imperio additis. Exin in Russiam expeditio suscipitur, sæpè jam olim victam à Polonis, nunquam ad constantem obsequii fidem subactam. Casimiri felicitati cessit, & tum primum in Provinciam redacta, & quo inde jure cum Polonis gaudet. Paulo post tentavit Poloniam Iohannes Bohemiæ Rex, qui abstractã Silesiã ferocior atque avidior factus, unicum senectutis atque etiam mortis solatium habiturum se dixerat, si manu muros Cracoviæ attigisset. Sed is à Polonis fortiter repulsus aliquanto post in Galliã interiit. Post hæc Casimirus quanquam in luxuriam solutior, & segni in Crucigeros indulgentiã nonnihil invisus, domi tamen conditis legibus, constitutis judiciis, & arcibus stru-

ctis

Etis Reipublicæ multum profuit. Ab eo  
jus Teutonicū in Poloniam inductum,  
quod Magdeburgicum vocant. Condi-  
ta item Cracovianæ urbis ea pars, quæ  
hodieque Casimiræ accepto à condito-  
re vocabulo appellatur.

II. Dum hæc in Poloniâ geruntur,  
interim in Ungariâ Carolus haud pri-  
dem Casimiro successor nuncupatus, de-  
cedit. Ejus igitur in locum Ludovicus  
filius adoptatur. A quo Poloniæ ordi-  
nes immunitatem tributorum atque o-  
nerum, quæ hætenus principibus de-  
pendi consueverant, paciscuntur: præ-  
cipuo hoc plerumque, quod ex regna-  
triciū familiarum interitu sperari po-  
test, commodo: quod successores, ut  
regnum accipiant, leges prius accipere  
cogantur. Eodem anno lætæ multæ res  
Casimiro contingere. Primum enim Rus-  
siam perpacavit: pulsas, qui turbas isthic  
dare ceperant, Lithuanis, Duceque eo-  
rum Lubarto capto. Paulo post Maso-  
via corpori Reipublicæ Polonæ accessit,  
submittente se Regi ejusque posteris  
Ziemomislo, iis legibus, quibus Vasa-  
li, quos vocant, solent obstringi. Exciti  
tum denique Regis clementiâ Germani  
quamplurimi migravere in Poloniam,  
quo-

quorū posteritas etiam-num subjectos  
Carpatho monti colles (quos Podgorze  
vulgò vocamus) colit. Atque ab istâ in  
Germanos aliosque vilioris sortis ho-  
mines benignitate Casimirus patris Ple-  
bejorum vel rusticorum nomen accepit.  
Dignum sane quod alii Principes am-  
biant similiter, iis præcipue majestatis  
sue præsidium commodando, quos pau-  
pertas, potentiorum injuriis facit op-  
portunos.

III. Post hæc felicitatis Casimirianæ  
cursus improspéro cum Valachis prælio  
aliquantum interpellatus est. Mortuo  
istorum Palatino Stephano, cum certan-  
tium de principatu filiorum uni auxi-  
liarentur Poloni, miro ab adversâ parte  
stratagemate circumventi sunt. Incide-  
rant scilicet Valachi in Sylvâ, per quam  
eundum erat, ultra medium arborum  
plurimas. Hinc cum, subeuntibus Po-  
lonis, quæ in orâ essent positæ, à doli  
structoribus impelleretur, aliæ mox post  
alias ruinâ proximarū provolute magnâ  
partem exercitus obriverunt. Reliqui  
seu saucii seu attoniti inopinâ clade ca-  
piebantur; paucissimi effugere. Ne sola  
hæc esset calamitas, immanis mox pesti-  
lencia per Poloniâ sequuta est. Accessit-

que



que etiam annonæ sævitia. Quam tamen utcunque solatus est Casimirus, apertis horreis, quæ priorum annorum ubertas quasi in futuros usus locupletissimè instruxerat. Frumentum petentibus, si ære destituerentur, opera munientis arcibus injungebatur. Ditionum pecuniæ thesaurum regium augebant. Cujus opibus Casimirus anno sequenti, nuptias cognatæ suæ splendidissimas instruxit. quam Boguslao Pomeraniæ duce genitam Carolus. IV. Imperator, paratio pontifice, in matrimonium accipiebat. Adfuere nuptiarum solennibus Ludovicus Ungarorum, Sigismundus Danorum, item Petrus Cypriorum Rex, cum principibus aliis non paucis. Nihil ibi ad magnificentiam vel luxum omissum. Sed regiâ opulentia diu non sine admiratione excepti hospites magis mox ad privati hominis divitias stupuerunt. Gerebat Cracoviæ Consulatam Veringus quidam, gente Germanus, caritate apud Principem præcipuus. Is cum precibus & gratiâ apud hospites regios exambisset, ut domi ipsius epulari vellent, parentes illos non curatissimis tantum dapibus excipit, sed muneribus etiam ingenti-

bus

bus prosequitur: gestiente Casmiro, cujus gloriæ militabat subditi sui opulentia, pace Domini in tantum aucta. Casimirus vero tantis jam amicitiiis firmatus, majore indies & ambitu prensabatur à vicinis, & terrore suspiciebatur ab hostibus. Nam & Belzensi dux ante infestus semper Polonorum Principibus, supplex huic fieri sustinuit, quo dignitatem & ditionem retineret: & in Borussiam venienti Crucigeri cuncta venerantium officia exhibuere. Sed illum paulo post inter fortunæ obsequia luxuriantem repentina nec ea simplex mors abstulit. Inter venandum enim dum incautiùs cervum insectatur, equo forte prolapsa, solo affligitur casu ob corporis obesitatem lethali, cum æger præsertim gulæ plus, quam medicorum præceptis daret. Antequam extingueretur, condito testamento largiter multa Ecclesiis donavit: Princeps, si libidines excipias, in quas fuit effusior, domi magnus, foris fortunâ quam virtute melior.

CAP.

## LUDOVICVS VNGARVS.

AB ANNO CIOCCCLXX. AD ANN.  
CIOCCCLXXXII.

*Piaſti poſteris deficientibus Ludovicus Vngarus ſuccedit. non equo Polonorum affectu. Majores Poloni deficient. Mater regia Polonia adminiſtrationem deſerit, recipitque. Lithvani vincuntur; & Ruſſi rebelles.*

**I**N Caſimiro deſecit tandem illa Piaſti progenies, quæ, tot ſeculis, ordine vix unquam interrupto Polonia clavam rexit. Inde Regnum ad Ludovicum Ungarum devenit, quem ſore genitum Caſimirus pridem ſucceſſorem ſibi deſtinaverat. Erat in Ungariâ Ludovicus, cum nuncium de morte avunculi acceperet: cunctabaturque etiam venire ad Polonos, dubius de horum erga ſe animis, nec ignarus difficultatum, quibus duplicis illa regni adminiſtratio foret obnoxia. Venit tamen tandem, ab Ungaris præcipue ſuis perſuaſus. Cum regni ſolennia accepiſſet, prima illi curarum fuit avunculo juſta perſolvere.

vere. In quibus cum penitiùs voluntates Procerum introſpexiſſet, cognovit, deſeri deſunctum ob id vehementius, quod ſine maſculâ prole obiſſet. Quod ille in diminutionem ſui accipiens, ſimul veritus, ne aliqua filiarum Caſimiri, ſtudio populari accincta occaſionem novis rebus præbeter, projectas in Hungariam illas, nothas adcoque incapaces hæreditatis paternæ proclamari juſſit. Paulo poſt ipſe in Ungariam redit, relictâ penes matrem Elizabetham Polonia adminiſtratione. Prole & ipſe maſculâ carebat, filias habebat duas. Alteram Sigismundus Cæſaris filius duxerat. alteram ſceptro Polonico deſtinabat. Quam ad rem ut conſenſum Nobilitatis impetraret, libertates ante conſeſſas novo ſacramento ſancire atque etiam augere neceſſe habuit.

**II.** Composuiſſe ita ſibi utrumque res ſuas videbatur Ludovicus, cum Majoris Polonia proceres quidam, externum dedignati Regem, Vladislaum Ducem Cujavienſem ex Vladislaſi Loſtici fratre oriundum, principem ſibi conſtituunt. Is mente imbecillior, hiſ perditis ſuis præſeſſe impotens, hiſ perditis Divione in Burgundiâ, vitæ Monafterium ſe de.



se dedicaverat. Inde reductus in Poloniam, cum nihil non tentasset pro dominatu, tandem nequicquam omnia experiuntibus fautoribus ejus, à Subinio aliisque Proceribus, qui pro Ludovico nitebantur, vincitur, missusque ad Regem ab illo Abbatia donatur. Quâ spretâ cum Divionem priscam otii sui sedem reverti vellet, in itinere morte præcoci intercipitur.

III. Mater interim Ludovici mortuum Polonicorum, quibus par non erat, pertasa, in Ungariam, ætatem illic transigendi animo secesserat. Sed illa (ut facile redit humano animo etiam fastiditæ potentia cupido, agrèque sunt minores, qui magni esse assuevère) mutato paulo post consilio ad relictam stationem remeavit. Reverfam verò ut Proceres Poloni, ita varii mox hostiles motus excepèrunt. Lithuani enim Duces quidam cum prædatore exercitu irruère, & intima Poloniae scrutati depeculatiq; magnam vim prædæ & hominum abduxerant. Inter Ungaros quoque & Polonos intestinae glisciebant offensiones, subinde etiam in apertos tumultus exardescentes. Sed hi tamen utcunque autoritate regiâ repressi

pressi sunt. In Lithuanos & qui se his contra Polonos junxerant, Belzenfes, bellum decretum est. Venitque ipse ob eam rem ex Ungariâ Ludovicus forti Ungarorum manu instructus. Quibus cum Polonicis exercitibus accessissent, fracti animo Lithuani pacem implorant. Nec Russi rebelles diu potentiam Regis sustinuerè. Chelma cum aliis vicinis oppidis intra octavum diem se deditit. Quam post & Belzum sequutum est.

IV. Cæterum peragranti victoriis Russiam Ludovico arripit terræ illius genus, & feracissima frugum ubertas. Unde Ungariæ eam adlicere agitans, Ungaros ei præfectos imponit, & ut omnia isthic sibi obnoxia haberet, Archiepiscopatum Haliciæ (quam olim tenebant Ungari) instituit. Qui postea Leopolin translatus penes eam urbem hodièque manet. Non effugit tum Ludovicus suspicax Populi silentium, & voces quorundam liberiores; quas asperavit Vladislaus Opoliensium Princeps, qui creatus à Rege Russiæ gubernator, Ducis Russorum titulum sumpserat. Eidem & Poloniae administrationem detulit postea Ludovicus, cum matre in Ungariam tandem serio reversâ, licentia passim nullis

nullis coercita legibus valesceret, & ordines Ludovicum subinde ad se vocarent. Verum missum, quem diximus, vicarium Proceres respuerunt: indictisque postea Budæ Comitibus, cura Reipublicæ tribus Senatoribus commissa est. Hierant Zavisla Cracoviensis Antistes, Dobeslaus Castellanus Cracoviensis Zavisla frater, Sendivojus Szubinius Calisienfis Palatinus. Ipse Ludovicus, cum languidum se arate & morbis insuper fatigari sentiret, Comitibus in Scepusio habitis, generum suum Sigismundum Marchionem Brandeburgicum sibi successorem adsciscit. Nec multo post extinguitur. Vir benigni satis ingenii, atque in eruditos perliberalis, in primis astrologos. Inter cætera morum hoc quoque habuit, quod identidem dissimulato habitu vicos & oppida perlustrabat, inquirens in magistratum vitam, simul & suam, quod, si quid reprehenderent judicare periti, corrigeret; sin placuisset, famâ sui frueretur.

CAP.

## CAP. XIII.

AB ANNO CIOCCCLXXXII. AD AN.  
CIOCCCLXXXVI.

*Sigismundus Marchio successione regni exclusus. Ziemovitus Masovius electus à Regina repudiatur. Iagello Lithuanus & Vilielmus Austriacus de sponsâ certant.*

**D**Estitutum iterum rectore regnum multorum mox Principum vota ac studia in se arxit. Proximus ei videbatur Sigismundus Marchio, vivo etiamnum Ludovico successor destinatus. Sed is negato per factum Polonis ad epulas suas aditu, & quod Demaratum majoris Poloniæ præfectum nobilitati invisum impensius foveret, odia plurimorum incurrerat. Hinc cœptum à Polonis deliberari, an darent imperium, quod habere jam ille sibi videbatur. Comitibus Radomsci indictis concluditur, ut Ludovici quidem filia haberetur ratio, sed ejus maritus nulli alio regno implicitus, solis Polonis imperaturus esset. qua sententiâ non obscure excludebatur Sigismundus.

F



gismundus Ungarico quoque sceptro  
inhians. Illo deinde nescio qua ex cau-  
sâ in Ungariam profecto, voluntates  
procerum quorundam in Ziemovitum  
Masoviae Ducem vertere, hâc lege, ut  
Hedvigin alteram Ludovici filiam duceret.  
Nec cunctatus ille ad tam optabilem  
conditionem pro Rege se venditare  
cœptabat. Sed aspernata generum hunc  
Elizabetha Hedwigis mater, filiam mit-  
tere negabat in conjugii talis conditio-  
nem: quin pro filiâ manum ingentem  
mittit in Poloniam, qui conatus Zie-  
moviti retunderent. Victo illo cuncta-  
batur tamen etiamnum Elizabetha mit-  
tere Hedvigin unicè expetitam Polonis,  
varios jam illi maritos circumspicienti-  
bus. Tandem hæc Sendivoi Szubini in-  
dustria facundiâque à matre exorata in  
Poloniam venit, comitata Demetrio  
Cardinali & Antistite Strigoniense aliis-  
que Ungarorum Primoribus, & paulo  
post à Bozentâ Archiepiscopo Gnesnen-  
se diademate Regio evincitur. Multum  
delectabantur Poloni Reginae decentis-  
simis moribus, quibus species quoque cor-  
poris multû gratiâ addedit. Quo inten-  
tius vestigare cœperunt dignû tali puel-  
læ conjugem. Et pridem illi oculos adje-  
cerat

cerat Vilielmus Austriacus, simul olim  
cum ipsâ & quodammodo in spem talis  
conjugii, in aula Ludovici (qui puellæ  
pater) educatus. Sed ille diu amiciores  
virginem, quàm Polonos expertus est. Et  
denique spem ipsius, qua adhuc se  
sustentaverat, Jagello Lithuaniae Princeps  
omnem intervertit. Petebat hic Hedvi-  
gin in matrimonium, se & Lithvaniam  
ad Christianâ sacra, & hanc simul ad  
societatem Reipublicæ Polonicæ offe-  
rens. Nec displicebat Polonis tali cum  
fortunâ regni sui procus. Sed expecta-  
batur adhuc matris Reginae consensus.  
Quem cum impetrassent, expugnabant  
suasionibus Hedwigis quoque animum,  
pertinacius Austriaco hærentem. Qui  
amore vecors & puellaris benevolentiae  
fiduciâ Cracoviam venerat. Sed arce  
prohibitus, cum adversos Polonorum a-  
nimos cognovisset, quibus & Hedwigis  
tandem affectum suum gratificatura vi-  
debatur, salutatâ in cœnobio Franciscan-  
no puellâ, voti irritus abiit. Aded scilicet  
quicquid etiam contra niterentur  
humana destinata, impediri non pote-  
rat divini voluntas consilii, quod in his  
Hedvigis nuptiis aliud novum Lithua-  
niæ cû Poloniâ conjugium moliebatur.



## LIBER III.

## CAP. I.

## VLADISLAVS IAGELLO.

AB AN. CIOCCCLXXXVI. AD ANNUM  
CIOCCCXXXIV.

*Iagello Baptismum & coronam suscipit. Lithuanos ad Christianismum convertit. Ejus cum conjuge dissidium. cum Vitoldo & Skirgellone fratribus. Academia Cracoviensis instituitur. Bellum cum Crúisiferis. de iis victoria insignis. Borussiae urbium mutata subinde dominatio. Bohemicum regnum Iagello repudiat. Vitoldo ferme Polonicū cedit, & Suidrigelloni Lithuaniam facilitata haud cordatā. pacatis Crúisiferis Rex moritur.*



**V**ENIENS in Poloniam Iagello primò omnium Gentilissimum ejurat, & cum novā religione novum Vladislai nomen suscipit. Inde celebratis cum Hedwige nuptia-

nuptiarum solennibus, regio diademate à Bozenta Antistite consecratur. Mox compositis rebus per Poloniam, majorem inprimis, quæ procerum quorundam culpâ tum discors agebat, in Lithuaniam proficiscitur: ibique sacerdotis magis quam Principis munere functus Lithuanos suos gentili adhuc impietate imbutos ad sacra meliora manu ducit, ipse (cum adducti è Poloniâ Episcopi linguæ rudes essent) prima fidei rudimenta illis præiens. Sic per annum repurgata ab Ethnicâ superstitione illaregio est. Si quæ supererant emendanda Episcoporum ibi manentium industriae relinquebantur. Abiens inde fratrem Skirgellonem summæ rerum in Lithuania præficit. quæ res Vitoldum patruelem gravi emulatione accendit, quarentemque ubi odium suum tutius atque efficacius effunderet, primum in Masoviam ad cognatos, mox in Prussiam ad Crúisiferos egit. Eo intellecto rex Nicolaum Moscorovium Regni Pro-cancellarium cum manu militari in Lithuaniam mittit, componendæ, si posset, cognatorum discordiæ, sin minus, pro securitate saltem Reipublicæ excubiturum. Interim Regi ipsi domesticum



cum conjuge suâ natum dissidium est, illudque tam acre, ut in divortium penè eruperit. Ei fomitem dedere quidam pudiciæ Reginæ obrectatores, probrosam illi cum Vilhelmo Austriaco, proco olim suo consuetudinem obiectantes. Sed innocentiam Reginæ ipsa juramento primum, mox delator publicâ ac solenni mendacii professione vindicavit. Quod pœnæ genus apud Polonos hodieque inter probrosissima habetur.

II. His domi compositis Rex in Vitoldum vertit, Cruciferorum fiduciâ apertè jam hostilia molientem. Is Grodni obsessus clam aliquà effugerat, & variis subinde cladibus ope Teutonicâ Lithuanos afficiebat. Donec illum Rex reconciliaret sibi, & Lithuanis denique præfectum imponeret. Motus loco Skirgello, non mitius amissâ dignitate, quam nuper Vitoldus non impetratâ infremuit. Ejusque itidem odiis Cruciferi ad Lithuanicæ perniciem usi, hanc infestâ denudò manu invadunt. Deliberantem de sumendâ in illos vindictâ Regem multa attingere. Inprimis Poloni ipsi haud temerè lacestendam rati gentem, magnam Germaniæ partem secum in arma tra-

cturam.

cturam. Rex quoque ipse cum Duce Opoliensium prius experiendum sibi arbitrabatur, pridem multarum in Polonos injurarum reo. Sed cum hoc, oppidis quibusdam captis, in gratiam mox rediit. Secuta paulo post Reginæ mors domestico eoq; gravissimo vulnere Regem perculit. Præclara fuit hæc virtute fœmina, dum viveret, sed moriens quoque auxit gloriam. Multa in pauperum usus legavit, plurima in Academiam, quam à Casimiro inchoatam absolvi inter ultima vota habuit. Rei dignitas & conjugis morientis desiderium moverunt regem, ne omitteret piissimam curam aut differret. Duas ergo in Musarum sedem domos Cracoviæ extruit, & Pragâ varios evocat Doctores, qui juventutem bonis artibus erudirent.

Togatis autem his curis intento non desinebant alibi ferrû ostentare Cruciferi. Quos tamen Rex insistâ lenitate adhuc etiam tulit, sæpeque ab illis ad colloquium invitatus falsâ sibi specie pacis illudi passus est. Tandem cum Samogitiam olim ereptam Lithuanis & vix demum per Vitoldum recuperatam contumacius repeterent, ac legatis Regis superbe appellatis, Dobrinensem vicinasque

nasque terras lacefferent, bellum in illos decernitur. Nequicquam ad amicam compositionem offerente se Bohemorum Rege, aut ad eam invitato Ungaro: quorum ille stolidus iudicio, & affectu palam iniquus in Polonos: hic acceptâ à Cruciferis pecuniâ Vladislai amicum se simulans, per occulta & magis fida inclinabat in corruptores.

III. Nullum in bellum hæcenus consideratius aut mole majori descenderant Poloni. Primum missi in omnes partes regis literis (quæ quod resti obligatæ circumferrentur, restium nomen etiamnum retinent) velut communi classico cuncta nobilitas convocabatur. Domi curam rerum Antistiti Gnesnensi Rex committebat, belli regimen cum Zindramo Mascovicio Ensfiero Cracoviensi partiebatur. Ingresso dein castra Vladislao primo omnium disciplina militaris instauratio curæ fuit. Merito sane, & ad maximorum Imperatorum exemplum. qui nunquam felicem bellorum speravere exitum, nisi inde fecissent initium. Scilicet quod in corpore anima, in navi clavus, id in militiâ disciplina est: vinculum quo & intra obsequi fines continetur militum ferocia, & magnâ

exerc-

exercituum moles ad subita necessitatum dexterrimè circumaguntur. Sed tunc, dum in prædatores ultor gladius stringeretur, comprehensi inter alios duo Lithuani sunt, qui sacramenti, ut vocant, ædiculam abstulerant. Illi patrio ritu crucem sibi erigere iussi & suis se manibus suspendere, parvè alacres, & quasi sævius aliquid à Principe expectarent, & mors talis beneficium esset, moras suas mutuo castigantes. Ante prælium Rex humi stratus in preces se effudit, quibus & innocentiam suam testabatur, & peryiciam hostium, pacis omnes conditiones aspernantem. Exin dato Lithuanis, qui Vitoldo parebant, dextro cornu, Polonis sinistro, canere signa cœpere. Concurritur utrinque magna vi, ambiguâ ferè per horam fortunâ, donec dextrum Polonicæ aciei cornu laborare cœpit, in quo Lithuani cum Russis Tartarisque erant. Hi primò cedentes, telis tamen subinde fatigabant insequutos, mox penitus effusi in fugam, magnam hostium partem abstrahunt à reliquo exercitu. Soli Smolenscii dextro cornu se adungebant, quod Poloni fortunâ sociorum nihil terrii strenuè tuebantur. Venerat au-

F 5

tem



tem forte in hostium manus signum, quod Martinus Vrocimovicius Aquilifer Cracoviensis gestabat. Id ut recuperarent connisi Poloni omnem aciei fortunam convertunt. Inclinare hostes cœpere, moxque acrius instantē Polonorum exercitu in fugam aguntur cædunturque. Nec sistere labantem aciem poterant, qui Lithuanos insequuti, fessi & sine ordine redibant. Ita illo die Poloni magna & memorabili victoriâ potiti sunt. Centum & quadraginta millia à Cruciferis in aciem deducta, & ex iis quinquaginta desiderata perhibentidonei authores.

I V. Victoriâ sequuta est præcipuarum Borussia urbium deditio. Debellatumque forte tum fuerat, nisi una arx Mariæburgensis ingenio sitûs & arte firmior victoribus se opposuisset. Cujus præses Plavenius ad Regē admissus meditatâ oratione veniam Cruciferorû nomine petit, Borussia ut Magistris suis relinquatur, quam à Barbaris suo sanguine vindicassent, orans. Cum nihil profecisset, indignabundus redit ad suos, eosdemque ad constantiam hortatur. Atque interim Livonum quoque Magister advenerat, sociis suis, si vi nequiret, dolo

dolo opitulaturus. Vitoldo per secretum colloquium Samogitiam ostendat hæreditario jure possidendam, si regias partes deseruisset. Mox permissu Regis in arcem admissus memoratâ Vitoldi defectione obfessos animat. Tum senex etiam quidam Sacerdos imparem se ferendis obsidii ærumnis causatus, arce egreditur, clam inter supellectilem triginta aureorum millia secum efferens, quibus passim novus miles conscriptus est. Accedebat rumor venire Sigismundum Cæsarem Cruciferis auxilio, & jam finibus Poloniae imminere. Movere hæc regem, ut solutâ obsidione relictoque in Borussia cum aliqua manu Andream Brochocio reditum pararet, multum reluctantibus sed frustra plerisque Procerum atque inprimis Nicolao Tramba Procancellario. Datus sic Cruciferis locus est respirandi. qui nec defuere sibi collectisque undique viribus recuperare sua annitebantur. Nec, licet etiam post magnam illam cladem semel iterumque infelicius pugnassent, fracti sunt. Gedani denique & mox Thorunium, sensimque reliquas urbes receperunt.

Nec vanæ fuerunt Cæsaris minæ paulo ante memoratæ. Misit enim Sciborium

rium Transylvania principem, qui submontanam Poloniae oram invasit. Conventu ergo cum Cruciferis habito Rex in inducias primum, mox & in perpetua pacis foedus consensit, factum ea lege, ut quisque habita antiquitas retineret, Samogithiam Vitoldus & Rex dum viverent, Dobrinum Poloniae reges perpetuo possiderent. Paulo post etiam Sigismundus Caesar, accurrante Zavissio Negro in utraque aula gratiose, Vladislao reconciliatus, insuper ab hoc octuaginta milia florenorum Pragensium mutuo accipit, datis in pignus Scepusii urbibus, quae hodieque Polonis subsunt.

V. Verum pax cum Cruciferis non diu rata mansit. Hi enim conjecto in carcerem Plavenio, quasi Polonis plusculum dedito, & regis nescio quas in se machinationes causati, expilationibus mox mercatorum, praedique per Dobrinensem terram actis, necessitatem fecere regi arma in ipsos resumendi. Cum bellum aliquandiu tractum verus quam gestum esset, persuasit Regi Pontificis legatus, ut causam cum Cruciferis suam Concilio, quod tum Constantiae, sanctae Hussiticae causa habebatur, disceptanda submitteret. Paruit Rex, veneruntque ad

componendum negotium à Pontifice legati. Sed ii iniquo in Polonos iudicio suspicionem incurrere acceptae à Cruciferis pecuniae. Equiora pollicebatur vocatus ad arbitrium ejusdem causae Sigismundus Caesar. At ne is quidem controversiam finire potuit. inducias tamen dum annorum Polonis subinde adhuc ad arma provocantibus persuasit. Sub idem tempus magnum aliquid Vladislao fortuna videbatur parare. Bohemi enim ob religionem Sigismundo Caesari discordes, regnum nostrum oblatum ibant. Ambiguo primum responso dimissos, cum redirent, officii in Dominum suum Rex admonuit, negans insuper, cordi sibi esse offendere Caesarem, ut haereticis imperaret.

VI. Vix à bellis Borussiae aliquantulum requieverat Rex, cum novis illum molitionibus, primum patruelis, mox frater fatigare coepere. Vitoldum patruelem super insitam animo ambitionem Caesar regium illi diadema pollicitus in Regem stimulabat. Nec Cruciferi deerant impellere dubitantem, opeque promittere. Et ex Polonis quoque pauci consiliis Vitoldi primum reclamare, mox publicam auctoritate mis-

si sunt,



fi sunt, qui regnum illi deferrent. Gravissimis negotiis semper à Rege adhibitus Vitoldus, & ipse magnus omnium quæ ageret, callidusque ostentator, munificus simul in Proceres, magnam animis plerorumque reverentiam sui iniecerat. Ita data Vitoldo à Rege ætate decrepita autoritas suam Regi destruebat, notabili Principibus documento: Neminem ut eò loci evehant, unde, qui evehitur, despiciere evehentis fastigium possit. Sed Rex porro tam mitis facilisque fuit, ut sceptrum Vitoldo deferri non abnueret. Nec ulla jam mora erat nisi in Vitoldo, qui seu fato prohibitus, seu aperti facinoris invidiam metuens, non decorum modestiæ suæ fore respondit, Regem patruelem solio deturbare. Dimissis ita legatis nihilo tamen pacatiùs egit, planè ut composito ad speciem pudore, magis suppressa, quam penitus edomita in illo ambitio videretur. Nam non multo post, quasi pœnitens prioris modestiæ promptè malè sopitum desiderium, Regique in Lithuaniam blanditiis evocato persuadere conatus est, ut regni honorem sibi permitteret. Sed Rex interim stabilito sibi per data privilegia plurima regno, id quoque impetraverat,

rat, ut filiorum alter patri successor destinaretur. Et tum in Lithuaniam cum Rege iverant, curantibus Polonis, Proceres quidam, & inter alios Sbigneus Olesnicius Cracoviensis Præsul, præcipuus semper consiliorum Vitoldi impugnator. Hi facilitatem Regis custodivère, nimis alioqui fraudi alienæ opportunam. Sed & brevi insequuta Vitoldi mors omnia ambitionis consilia abrupit.

VI. Defuncto Vitoldo, Lithuaniam Suidrigello frater Regis sibi vendicabat. Nec contentus hæc, Podoliam quoque sibi voluit adjungi, positusque erat voti à fratre nimum suis dedito, cumque etiam libertatis experte negandi. Capto enim similis in Lithuania derinebatur. Moniti ea de re à comitibus Regiis Poloni, habitis Comitibus, per legatos Suidrigellonem hortantur, ut Podoliam redderet, & Lithuaniam etiam priùs peteret, quam occuparet. Ferox ille ad hæc, missumque post alterum legatum, fas gentium non moratus, violat. Mox & cum bellum imminere sibi à Polonis sentiret, quo par esset tanto hosti, Cruciferorum se fœdere accingit. Ubi ad vim ventum est, fusus profligatusque aliquoties est. nec adhuc tamen remittebat

tebat spiritus, donec tandem Lithuanis quoque crudelitate factus invisus, principatu dejecit, surrogato in ejus locum Sigismundo Vitoldi fratre; qui beneficio hoc Regi ac Reipublicæ innoxius facile in leges ab illis præscriptas consensit. Omnia pro recuperando dominatu tentabat Suidrigello, sed frustra; excubantibus pro Sigismundo Polonis, ut beneficium suum tuerentur. Cum Cruciferis dein post leves utrinque habitas velitationes induci in annos duodecim pactæ sunt. Composito ita regno, correptus febre Vladislavus moritur cum XLVIII. annos regnasset. Princeps mitissimi ingenii & liberalitatis penè profusa, religionis verò studio ita ardens, ut adolescentiæ gentili impietate transacta errores tanto majori post pietate videatur expiassè.

## CAP. II.

## VLADISLAVUS III.

AB AN. CIOCCCCXXXIV. AD AN.  
CIOCCCXLV.

*Vladislav patre moriente pueritia ut impar  
regno à multis rejecta, à posterioribus ad  
regnum*

*regnum consecratur. Illius fratrem Bohemi Regem eligunt, sed frustra. Tartarorum incurso. Vlodeci constantia in dolore vulneris. Vladislavus ab Ungaris Rex creatur. cum Turcis pugna felices. & mox induciæ. quas Vladislavus rum-pens, poenas suâ & Christianorum strage luit.*

**F**atis concedente Vladislavus major natu filius, patri cognominis, nonum vix annum excesserat. Nec dubitavere tamen majoris Poloniæ ordines puero regnum decernere. Cæteros seu ætas Vladislavi, seu quod alteri his insciis Regem creaverant, æmulatio ipsa stimularit, ut contradicerent acrius. Sed hi rationibus tandem & numero victi conquiescisse videbantur, resque in eo erat, ut diadema Vladislavo imponeretur, cum denuo in Comitibus ipsis coorti cæptæ Regis inaugurationi intercedere cœperunt. Orto deinde dissidio regni Marschalcus Johannes Olesnicius finem imposuit, jussis qui pro Vladislavo nitebantur, ad dextram concedere, reliquis ad sinistram. Dextram elegere plerique etiam ex turbidis: cæteri sociorum discessione desolati vel sponte cedeabant, vel



vel paucitate suâ contemnebantur. Ita Regia quidem insignia Vladislao tum delata, juramenti tamen ætatis teneritudini gratia facta est: spondentibus Sophiâ matre & procerum nonnullis, juraturum, simul ut per ætatem capessendo Imperio foret idoneus. Nam tum quidem species nomenque Principatus penes Vladislauum, vis apud Satrapas erat, qui singuli singulis Palatinatibus præfecti, provisorum nomine, publica Regni negotia tractabant. Sed hæc dignitas adultiore paulò Rege exolevit, contumacibus Polonis ad imperia eorum, quos nil superiores cæteris fors nascendi fecisset.

II. Primò omnium auspiciis Vladislai adhuc adolescentis sedata lis est, quæ inter sacerdotes & Ordinem equestrem diu agitata tum vehementius exarserat. Inde publicæ etiam securitati consultum, pacto scedere cum Cruciferis, perpetuò adhuc hæcenus Poloniæ infestis.

His pacatis, bello propè alii Regem Bohemi involvère. Qui mortuo Sigismundo Rege suo in partes secesserant, aliis Casimirum Vladislai nostri fratrem, aliis Albertum Austriacum, quem generum & successorem sibi ut in Imperio,

sic in Bohemico Ungaricoque Regno Sigismundus voluerat, in Regem petentibus. Persuadere è Polonis quidam Casimiro, ut oblatum regnum acceptaret; ibantque assertum illud Sendivoius Ostrorogius, & Iohannes Tencinius ille Posnaniensis, hic Sendomiriensis Palatini. Sed Albertus; Pragâ celeriter occupatâ, conatus æmuli sui prævertendo intervertit.

Sub idem tempus cum Tartaris quoque infeliciter pugnatum est. Qui Podoliam ingressi nobilitatem ad arma concitam, & loco iniquo deprehensam magna strage ceciderunt, duce ipso Bucacio interfecto. Inter cæsos jacuisse tum fertur Iohannes Vlodecus vulnere invalidus, vivens tamen & tam inextinguibili ad doloris sensum constantiâ, ut barbarus saucio digitum cum annulo auferret, vivere tamen ipsum non sentiret.

III. Negaverat fratri Regis Bohemiam fortuna. Eadem in Regem ipsum tanto liberalior Ungarico eum sceptro auxit. Orbem hoc erat rectore post mortem Alberti Imperatoris, terrebaturque circumsonantibus undique Turcarum armis. Sed qui regnum illud Vladislao delatum

latum ibant, non illico ut speraverant, promptum hunc repperêre. Unius clavi tractatione didicerat jam, quam arduû foret binos regendi onus. Nec ignorabat instare Turcam Ungaris, simulque cum purpurâ sagum induendum fore. Versanti hæc secum affertur, Elizabetham Reginam posthumum ex Alberto peperisse. Hoc magis cunctabatur. Tandem post longas deliberationes legatorum precibus evictus itineri se accingit, ingressusque magno ac splendido comitatu Ungariam, Budam occupat. Interim vero alibi Ladislaum (hoc enim nomen posthumo illi inditum) ambitiosa pro filio quadrimestri mater regio insigni curaverat redimiri. Quod audiens Vladislaus gravi sermone Ungaros alloquitur, inuitus se ac discordibus imperatorum negans, nec videri velle alii præripuisse Regnum, cui in universum excusari maluerit. Jubet illos consulere sibi, se paratum redire ad suos. Magis etiam accendit hæc Regis moderatio studia procerum, qui vocandi ejus auctores fuerant. Itaque demonstratâ innocentia suâ, cui scæmineus ambitus fraudi esse non debeat, persuadent Vladislaô, ut detractum de calvaria S. Stephani dia-

ni diadema (quia alterum Regina præripuerat) imponi sibi pateretur. Lætis ut fermè sit, ad nova imperia Ungaris, Rex ipse nunquam securè egit, superstitè æmulâ Elizabethâ, cum quâ magna Ungariæ pars in ipsum conspiraverat. Nec ab armis temperatum est, abutente illâ arcium quarundam præsidio ad lacessendum Regem: hoc, Hunniade ministro, & accitis è Polonia auxiliis aliquoties se non sine clade adversæ partis vindicante. Sed tandem, interponente se legato Pontificis Juliano, pax inter illos coitura videbatur, nisi subsequuta Elizabethæ mors continuandum negotium reliquisset iis, qui Ladislai amore præferentes, alendo discidio suum negotium agebant.

IV. Interim Amurates etiam Turcarum Imperator Ungarorum usus discordiis, Belogradum premere obsidione cæperat. Nec mitigatus legatione regis tributum insuper imperare Ungaris audebat. Ita decretum in Turcas bellum. Ad quod Poloni quoque manus suas obtulerunt. Primum prælium ad Moravam flumen commissum est. In quo Turcæ ab Hunniade intempestâ nocte oppressi profligatique ad triginta hominum



minum millia feruntur desiderasse. Paulo post ad Macedonia fines cum Carambejo Asia præfecto congressus Rex, ipsum Carambejum cepit, exercitumque ejus in montes compulit. Regi hæc victoria tanto gloriosior fuit, quod non citra proprium ipsi sanguinem constiterat. Distulit sine mora per orbem Christianum victorias istas fama; & mox undique confluebant à principibus, ipsoque etiam Constantinopolitano Imperatore Johanne Palæologo & Pontifice legati, qui fortunam Vladislao gratulati ad similia eundem adhortarentur.

At sincerissimè omnium Poloni Regis sui Triumphis lætabantur, missisque legatis, qui gaudium testarentur, simul orabant, ut parceret in posterum se Remque publicam in casum dare: meminissetque tandem revivere aliquando Poloniam, malè jam pridem desiderium ipsius ferentem. Inter tot festas gratulationum voces venèrè etiam ab Amurathe Oratores, specie Carambei redimendi, revera pacem petitori. Perterruerant enim Tyrannum concurrentium ad arma passim Christianorum Principum minar. Sed tum tamen in pacem perpetuam conveniri non potuit. Induciæ decem

cem annorum pactæ sunt.

V. Solutus Europæorum Principum metu Amurathes potentiam omnem suam in Carmanos, populum Asiaticum, verterat. quâ occasione erecti Veneti, Imperatorque ipse Constantinopolitanus, missis nunciis ad resumendum in Turcas bellum Vladislaum horrantur. Aderat & à Pontifice legatus, qui religione datæ Amurathi fidei cunctantem solveret. Non diu tantis persuasionibus repugnavit Vladislaus, juvenili adhuc impetu calens, nec fortunæ mores edoctus, quæ adulatrix sapiùs quam verè amica spe magnarum rerum illectos mortales in exitium subinde præcipitat.

Contractis igitur undique, quos habebat, vel colligere raptim poterat, exercitibus medio Septembri, Segedino mox vet Danubiumque traiecit. Nicopolin Bulgaria metropolim ingresso Dracula Palatinus Moldaviæ Transalpinæ occurrit, annisusque regem à proposito demovere, cum obstinatum sentiret. IV. millia militum offert, Duce filio suo gloriæ Regis militatura. Interim Amurathen quoque instantis ab Ungaris belli fama, ex Asia revocaverat, octoginta

ginta millium exercitu, teste Iovio, instructum: ventumque erat utrinque ad Varnam oppidum, obscurum tum, hodie clade regis simul & suâ nominatissimum. Ibi Hunniades, Rege ex ulcere cruris laborante, aciem instruit: datumque dextrum cornu Transalpinis, Iuliano Pontificis legato, & Bobricio Polono equiti, viro fortissimo, & recenti tum facinore claro, quod paulo ante Perreffi oppidi hostilis muros primus ascenderat. Sinistrum ipse sibi Hunniades sumpsit, Rege cum suis medium acciei occupante. Progressi sic ad II. millia passuum Regii hostem per tres horas præstolantur. Interim morâ torpescere animi cœperant, & coortâ etiam forte tempestate signa turbine atque imbre raptabantur. Veniens tandem hostis in dextrum cornu Regii exercitus invehitur. Nec id diu restitit, equis ad aspectum odoremque Camelorum territis, & mox fugam stragemque late spargentibus. Felicius partes suas Rex & Hunniades tuebantur, repulsoque hinc hoste, cum ad sublevandos alibi suos procurrissent, ibi quoque simili fortunâ utebantur. Iamque fusus erat omnis penè Turcarum equitatus. Ianizeri supererant, robur

bur hostilis exercitus, quibus & Amurathis ipsius præsentia animû addebat. In hos incautus investus Vladislaus fortunam priorum successuum omnem corripit. Quippe repente illic flos victoris exercitus velut voragine absumptus periiit. Ipse Vladislaus circumventus undique ab hostibus & mox equo suffosso delapsus, priusquam occumberet, magnam circa se stragem edidit, idem ut vitæ prodigus, ita mortis suæ vindex. Tali exitu perpetratum est prælium toto orbe decantatissimum, & tum cæsorum utrinque numero (nam Regiorum ad IX. Turcarum XXX. millia cecidisse feruntur) tum principis laudatissimi cæde luctuosum. Ad quam ut Christianus olim orbis ingemuit, ita moveri hodieque Principes debent, ut servare fidem meminere, cuicumque data fuerit, etiam infideli.

## CAP. III.

## CASIMIRVS TERTIVS.

*Casimirus Regnum recusar. Lithuani turbidi. Prussi se dedunt. Cum Cruciferis prælium adversum. bellum cum iisdem continuatum. libertas Rithuanii in consensu*



*consensu Rege. Pax cum Cruciferis. Nuncii nobilitatis instituti, qui quasi Tribuni. Bohemorum turba ob religionem & successorem regni. Cum Matthiâ Vngariæ Rege bellum. Cruciferos cum conatus sopiti. bellum inter filios Casimiri de regno Vngarico.*

**A** Pud Polonos dubia de morte Regis fama eligendi successoris consilia aliquandiu suspendit. Sed ubi Ungaros alium sibi regem creasse intellexerant, frustra se quoque Vladislauum opperiri credidère. Itaque fratri hujus Casimiro, Lithuanie tum Duci regnum deferunt. At is pertinaci fastidio atque arroganti quadam modestiâ oblatum honorem diu respuit. Dum tandem versis in Boleslauum Masovium Procerum studiis, æmulatione ad pœnitentiam motus imputari sibi passus est regnum, quod nuper spreverat. Ac quas alias recusandi causas habuerit, in ambiguo est; à Lithuanis inprimis retentum esse opinio fuit, & satis postea odia horum ostendère, postquam sceptrum ille suscepit, in apertum producta. Invitati aliquoties ad Comititia, vel negarunt venire, metum insidiarum cautati; vel leges attu-

attulère minus honoras Polonis. Corrigi fœdera volebant olim sub Iagellone pacta; Podoliam præterea & Voliniam requirebant, tanquam membra antiquæ sui principatûs. Faciebat audaces occulta in illos Regis inclinatio: quæ contra apud Polonos isti non parum invidiæ constabat: aded ut aliquandiu velut in partibus essent, Rex & Respublica. Donec tandem deposito à Rege jurejurando, quod multoties hætenus à Polonis flagitatum distulerat, placata nobilitas, quæ plura alia desideraverat, publicæ concordie remisit.

II. Conciliatis utcumque suorum animis novo se mox fœdere Casimirus succinxit, du&â in uxorem Alberti Imperatoris filia Elizabethâ. Ac vix dum nuptiarum solennia peregerat, cum Prutenorum legati adveniunt opem orantes adversus Cruciferos, quorum pleræque urbes jugum excusserant. Nec cunctatus diu Rex in fidem recipere Populum antiquitus subiectum Poloniæ, postquam secessisset, nullis hætenus armis ad obedienciam flexum. Missus igitur Regni Cancellarius Iohannes Coniecpolius cum aliis nonnullis, qui iuramentum ab iis acciperent. Quod & veniente paulo

post in Prussiam Rege ipso iteratum. Ubi vicissim illis Rex multa ad libertatem stipulatus est. E quibus hæc præcipua: ut pars regni essent, liberos ad honores aditus haberent, suo jure Culmensi seu quocunque alio vellent, uterentur, à teloniis portoriisque immunes, nulli præfecto nisi indigenæ parituri. Privatum etiam Gedanensibus septingentarum, quas vocant, marcarum census remissus est, additumque iisdem pro bis mille aureis, quicquid emolumentum rediret ex moletrinis urbanis, ex vicinioribus item agris, qui quod Vistulâ interluuntur inundanturque subinde, Insulæ minoris nomen accepere. Imperatum vicissim, quotannis ut Regem advenientem omnemque comitatum Regium per quatrimum suo sumptu exhiberent, & pro arce, quam diruissent, Palatium Regi granariumque intra urbem exstruerent.

Interim autem Cruciferi Bohemiæ regem, mox & Pontificem Imperatoremque permoverant, ut mitterent legatos, qui repetundarum Polonos agerent. Sed hi cum in Poloniam venissent, lentas istic ad postulata sua repperere aures. Nec desisteat Rex missa in Prus-

siam

siam militum manu Mariæburgum ac Stumam oppugnare, perseverantes tum usque in obsequio Cruciferorum urbes. Atque hi quoque satagentes rerum suarum, non spernendū jam per Germaniā Bohemiamque contraxerant exercitum, & catervatim subinde Choiniciā oppido effusi, laceßebant Polonos. Movit in illos jam seriò magis Casimirus, præmissos eodem Nicolao Sarleio Inovladislavensi Palatino. Mox & intellectâ hostium multitudine prævalidâ, ne impar omnino esset exercitus regius, copiarum quædam à Majori Polonia subito in auxilium evocatæ sunt. Rudes illæ magnam partem belli, præferoces tamen & depeculandis fociis inprimis licentiosæ. Has tales cum Rex in aciem duxisset, improspere pugnavit. Nam & castra ab hoste occupata, & ex Proceribus plurimi cæsi captivæ. Ipse penè Rex in potestatem hostis venerat, nisi illum cura proximorum prælio subduxisset. Culpam infelicitis pugnae alii in Duces rejiciunt, qui militiæ inexperti plerique nec præmississent pro more equitem rumpendæ hostium aciei, sed & locum prælio delegissent arctiorem, quam ut explicare se turmæ potuerint. Sed hæc o-



mania ex contemptu ferè hostis orta; quem ante prælium quidam flagellis aurigarum fugaturos se jactaverant. Usque adeo nec in bello cuiquam bene cedit arrogantia, & vel minimus hostis tum maxime contemnendus esse desinit, cum contemnitur.

III. Cladis illius ignominiam ut aboleret, nihil non egit Casimirus. Primum ne sumptus ad bellum deessent, constitutum in Comitibus Petricoviensibus est, ut Nobilitas universa dimidium annuorum censuum in publicum conferret. Eidem oneri nec sacer ordo exemptus, & Rex quoque ipse se ultrò subiecit. Hoc tam insolente tributo mercenarius miles conscriptus, redemptumque Mariæburgum est, pretio dato militi hostili, qui id oppidum in dilata mercedis pignus à Dominis suis obtinebant.

Exin aliquot annis continuo, & vix sumptis semel ad respirandum induciis in Prussia pugnatum est, Marte perambuo. Eosdem subinde in iisdem ferè campis victos victoresque reperio; eadem loca amissa recuperataque. Choinicia sanè, Sueca, Meva, Marangum, Mariæburgum denique ipsum sæpe reci-

procos

procos hos belli æstus sentire. Thorunium Gedanumque, quamvis à belli calamitatibus non immunes, prodictionibus quoque insuper tentarentur, magnâ fide & constantia Regias partes tutatæ sunt.

Sed bello hinc non ita assiduo præfens incubuit Casimirus, quin Poloniam subinde viferet, & constituendis ibidem rebus Comitibus haberet. Imprimis autem quæ anno CLOCCCLIX. Petricoviæ indixerat, clara ac memoranda extiterè libertate Johannis Rithvanii Sendomiriensis Præfecti, qui ministrorum regionum non coercitam licentiam, moneta adulteratam, insolentiam vestigalium, effusioem ejus in Lithuanos beneficentiam prolixâ oratione Regi publicè exprobravit. Is tamen auditus patienter est mirâ Regis modestiâ; seu hanc ipsi inseruerat natura, seu ratio temporum suaserat. Minus certè ei litare potuit Iacobus Sieninius, Dobeslao Palatino Sendomiriensi, Sbignei Cardinalis fratre genitus. Qui nuper ad Pontificem summum legatus, & ab eodem Episcopatu Cracoviensi præfectus, præter cæteros, qui alii hanc dignitatem delatam mallent, Casimirum quoque

G 4

ipsum

ipsum tam adversum habuit, ut in arcem Pinczoviensem & mox, imminente ibi obsidio, in Melstiniensem receptus, cum duobus Dlugossis clientibus agerimè vim regiam effugerit. Horum alter Iohannes, Canonicus Cracoviensis autor est historiae patriæ, cuius pars Venetis inscripta extat; reliquæ hæcenus premuntur. Is verò post Regi reconciliatus, liberisque regis moderator studiorum additus, postremò Archiepiscopatum Leopoliensem adepturus fuerat, nisi mors intervenisset.

IV. Prutheni belli diuturni malis fessis frustra diu pacem petebant, pertinacibus ad persequenda destinata non minus Polonis quàm Cruciferis. Nec legatus Pontificis qui arbitrium causæ sibi depoposcerat, auditus est. Nimis inclinatus in Cruciferos videbatur & Sieninii, de quo ante dictum, patrocinio odium Regis incurrerat. Tandem cum ad Osiecum, & mox ad Choiniciam fusi Cruciferi essent, magis seriò utrinque de pace cogitari cœptum est; Polonis etiam, licet aliquoties jam victoribus, fortuita reputantibus belli, nec continuanda arma ratis, cum decore poni possent. Et interim aliis à Pontifice legatus

gatus advenerat minùs quam alter fuerat, obnoxius partibus. Hoc annitente bellum magnis odiis, eventu vario, tot annis gestum, Torunii in has leges compositum est: Rex Pomeraniam, Culmensensem & Michaloviensem terram, Mariæburgum porrò, Stumam, Elbingam cum sex pagis, qui ad arcem Hollandiæ pertinebant, teneret: reliqua Cruciferis relinquerentur, eorumque Magister sub fide & Clientelâ Regis pro principe & Senatore Regni haberetur.

V. Sub id tempus cum de solvendis militi stipendiis ageretur, & Poloniæ minoris cives sine cæteris, qui aberant, sciscere quicquam nollent, constitutum, ut è singulis Palatinatibus legati ad comitia mitterentur, qui cum Rege de Republicæ negotiis civium suorum nomine deliberarent. Quod tum primum fieri cœptum posterioribus temporibus ita inolevit, ut citra legatos ejusmodi (Nuncios terrestres vulgò vocant) nulla comitia legitima habeantur. Similem fere hi potestatem habent cum Tribunis plebis, illis olim Romæ libertatis acerrimis custodibus: qui postea cum Roma, exutâ æqualitate, unius iussa Principis aspectaret, exolevere.



VI. Sed idem, qui pacem Prussicam conciliaverat, legatus Pontificis Casimirus mox in Bohemorum Regem Georgium, tanquam Hussiticae sectae obnoxium & ob id Pontifici invisum stimulabat. Habebat & inter Bohemos suos Georgius multos sibi insensos: qui tum misere ad Casimirum Oratores regnum ipsi vel alterutri ex filiis offerentes. Cunctante Casimiro, Matthias Ungarorum Rex, gener Georgii, regnum ejus ultro appetit, susceptusque est à non paucis pridem ipsi addictis. quae res Georgium permovit, ut missis legatis Vladislaum Casimiri filium successorem sibi destinaret, promissa etiam illi in uxorem filiâ Ludmilâ. Diu à Polonis seu dubitatione, seu neglectu suspensum responsum est: seroque vix demum missi legati, qui, ut vivus Georgius filio Regio cederet regnum, postulerent. Sed hic interim cunctatione, mox & responso Polonorum offensus, vel potius necessitate ita jubente, in Matthiam factus erat propensior, quod ab isto & propior vis immineret, & beneficium accepisset, restituto in libertatem filio suo Victorino; promissum denique haberet retinendi regni, dum viveret, certo inter-

terim

terim successionis mansuro Matthia.

Paulò post secuta Georgii mors agitata ab ipso tot annis necdum finitam de successore curam solis Bohemis reliquit. Qui primum quidem in partes abièrè, plerisque filium Casimiri Vladislaum, Matthiam aliis, non paucis Casarem, quibusdam denique extincti filium praferentibus. Sed evaluit illa pars quae Vladislaum elegerat. Qui & properè accitus non sine valido comitatu in Bohemiam venit, ac jurejurando praestito simul acceptoque, regni possessionem adiit, non impediènte Matthia qui, coactore in Ungaria seditionibus, proprio de regno periclitabatur. Nam praecipui Ungarorum pridem illi occultè infesti, & à Bohemis contemptum apertius jam spernentes, missis legatis alterum Casimiri filium patri cognominem ad regnum vocabant. Minus jam quam nuper cunctatus Rex mittit filium, sed improspere eventu. Vix enim venerat in Ungariam Casimirus, cum admoto properè à Matthia, cui impar esset, exercitu, ad subita fugae consilia coactus est; securusque æmulum tum statim ad Poloniae oras videbatur Matthias, nisi iratum pater Casimirus, mis-

sis

sis qui se interponerent, legatis mitigasset. Nihilominus ille postea injuriæ memor, captato tempore, subjectâ Carpathiis montibus Poloniam (submontanæ vocant) depradando, vindictæ litavit. Nec hic quidem stetit indignatio. Saganensium ducem in Polonos concitat, ut Fraustadium finitimum Silesiæ oppidum invaderet, latèque circumjecta popularetur. Denique etiam in apertum bellum erupit, misso in Vladislaum Bohemiæ Regem exercitu, qui Poloniam simul infestaret. Ivère in illum Pater & filius, ille Polonos, hic Bohemos suos defensurus, extractumque quidem longo sat tempore bellum est, majore tamen fragore quam partium damno detonuit. Tandem postquam utrinque populationibus & prælio uno Ungaro quam Polonis feliciore exsatiata odia essent, in pacem his legibus descensum: ut Matthias Regis Bohemiæ titulum usurparet; Bohemiæ autem ipsius administratio penes Vladislaum Casimiri filium, Silesiæ & Lusatia penes Marthiam, dum viveret, maneret.

VII. Eâdem pactione sopiti sunt motus, qui nuper in Prussiâ, machinator eodem Matthia, coorti erant. Concita-

verat

verat enim is occultè Cruciferorum Magistrum ad excutiendum Polonorum fœdus. Qui venire aliquoties ad regni comitia aspernatus, tandem arma etiam sumere in Casimirum ceptaverat, jungente se illi Nicolao Tungeno, qui Varmienti olim episcopatu dejectus, eundem invito sibi rege vindictarum i-bat. Sed hi misso à Rege exercitu coerciti, mox vim majorem experturi fuerant, nisi Matthias illos pactionibus suis comprehendere voluisset.

Sub idem tempus Muldavi à Rege, ipso imperii initio, in fidem suscepti, & ex eo tempore strenuè se subinde adversum Turcarum vires tutati, jusjurandum iterant, Stephano tum illis imperante. Ictum quoque tum fœdus cum Bajazete Turcarum Imperatore, operâ inprimis Nicolai Firlei, qui postea Castellanus Cracoviensis factus supremum simul exercituum regimen summâ laude gessit. Tartaros verò perpetuis incursionibus Poloniæ infestos & tum quoque recenti populatione grassatos filius Regis Ioh. Albertus magna strage ultus, egregiam sibi fortitudinis ac prudentiæ famam circumdedit. Quæ paulo post Ungaros per Marthiæ mortem Rege or-



ge orbos movit, ut cum in Regem poscerent.

VIII. Sed ex eadem gente, alii fratrem Alberti Bohemorum Regem malebant. Quæ res bello inter propinquos ac fratres materiam præbuit; Malo adeo potente in animis hominum Ambitione, ut sanctissimarum quantumvis amicitiarum, ipsæque naturæ parentis vincula nullo negotioque abrumpat. Ingressus ergo cum exercitu Ungariam Ioh. Albertus, fratrem ibidem repperit, incubantem jam Budæ, quæ Regni caput, cæterasque urbes ad se pellestantem, artibus præcipuè Beatricis Regina, quam spes novi matrimonii illi conciliaverat. Nec segnior Ioh. Albertus altera parte Sobinoviam Eperiasumque occupat: at Cassoviâ, quam eodem impetu opprimere speraverat, excluditur. Et interim Vladislai se exercitus admoverat. Antequam tamen res ad manus veniret, sæpè de pace laboratum est, velut trepidantibus adhuc non-nihil principum animis inter belli scelus & fraternæ pietatis affectum. Ioh. Albertus Patrem consulit in Lithuaniam agentem compefcendorum Severien-

riensium causâ, qui nescio quæ janitoris regii fastidia concoquere impotes, re sane exiguâ moti ad Moscum defece- rant. Patre ad cœpta urgenda hortante, animus Alberto redit; sed is viribus, deferebatur, dilapsis ad Cassoviam jam magnam partem tædio obsidii militibus. Contra Vladislao ingens erat exercitus. Nihilominus educit Albertus in aciem suos, qui fortiter in hostem invecti, sed prægravante multitudine repressi victique satis ostendêre vim sibi magis quam virtutem deesse. Ipse Albertus tres equos in ardore prælii amisit, gladioque, quem pugnando fregerat, carens, penè in duorum manus Bohemorum venerat, nisi eques quidam Crupsius alium periclitanti subministrasset: Quo ille deinde hostem utrumque assequutus, iræ suæ immolavit. Post prælium ferunt Vladislau de salute magis fratris quam de victoria lætarum, incertum an simulato affectu, an, ut fieri solet in animo non degeneri, misericordia extinxerat odium, & quem timere desierat, cœpit amare. Concessit illi quidem Silesiæ oppida quadam, & si impolis moreretur, successorem sibi eundem in Regno Ungarico destinavit.

navit. Non multo post Casimirus, patris cum Mosco induciis, & Muchâ agresti homine, qui ex Valachis Russique latronibus contracto decem milium exercitu, multum turbarum per Russiam dederat, represso captoque, moritur, postquam XLV. annis regnasset. Ante mortem ejus tres in aere Soles Cometes arsit: velut approbante ita magnitudinem Casimiri cœlo, quod vulgare principum mortes sine motu præterit, magnorum in fatis laborat.

## CAPUT IV.

## IOHANNES ALBERTVS.

AB AN. CIOCCCCXIII. AD AN.

CIOIIL.

*Competitores regni. Venetorum Legatio. Cum Turcis pax. Callimachi mors. In Muldauos bellum non necessarium. Eorum stratagemata. Et mox cum Turcis ac Tartaris irruptio. Turcis infelix obfrigus inusitatum. Pax deinde per Poloniam. Mors præmatura Regis.*

Casi-

Casimirus moriens filios quatuor reliquerat. quæ res ancipitem Polonis curam attulit, quem ex iis regno præficerent. Augebatque difficultatem Iohannes Masovia Dux, cujus ambitioni subditi sui arma ad regnum, & ex Polonis quidam suffragia commodabant. Evicit tamen Iohannes Albertus, fratribus cæteris sponte ei cedentibus, Reginaque matre armatum mittente suffragium, ad quod Masoviorum audacia facile resedit. Cum diadema Iohannes Albertus suscepisset, illico advenere Venetorum simulque Turcarum legati, gratulandi specie, revera aliis de causis. Illi scilicet, ut Regem in Turcas stimulerent, hi ut idem bellum deprecarentur. Impediti enim tum Ungaricis expeditionibus tenebantur. Ac horum legatum quasi deliberabundus Rex toto anno detinuit, quo elapso deum in triennii inducias consensit. Interim Tartari, quibuscum nunquam vel iustum bellum Polonis vel fida pax est, Voliniam incurrunt, quam deprædati, stragem quoque aulici comitatus, quam obviam Rex miserat, circa Vifnovecium sat magnam edidit.

Anno sequenti mortuus est Ianussius Plo-



Plocensium Dux. Inde tractum Plocensem Iohannes Albertus jure feudi, quod vocant, ad se devolutum regno adjunxit. Reliquam Masoviam frater ejus Conradus retinuit, postquam certis legibus fidem Reipub. dedisset.

Obiit quoque tum sapientiæ studiis clarus vir Callimachus, qui gente Tusculus, cum odium Pauli II. Pontificis incurrisset, in Poloniam fugerat. ubi benignè exceptus à Casimiro & juventæ regionum liberum præfectus fuit. Post mortem Casimiri Albertum filium sequutus & gratiâ apud hunc validus invidiam apud ceteros non effugit, umbram scilicet, seu fumum potius, ardentiores Regum amicitias velut ignes perpetuò comitantem.

II. Cæterum cupidus gloriæ Ioh. Albertus proferendique imperii, bello non necessario Poloniam implicuit. Valachiam petebat Stephano Palatino tum parentem, perpetuoque hæcenus inter Turcarum & Polonas opes infidam, quæ ut incauta opprimeretur, expeditio in Turcas obtentui sumpta est. quam alii velint serid tum conflatum in Turcas fulmen casu in Valachis deflagasse. Causamque irarum fuisse, quod

Stepha-

Stephanus transeunti Regis militi pabulum negasset. Quicquid sit, illud constat, legatos à Stephano missos seiscitatum, quem peteret rex, violatos caprosque. Mox & post legationem Sacisavia obsidione septa est. Sed eam incolæ animosè rutabantur, & Stephanus ad bellum apertum impar (habebat enim Rex LXXX. millia hominum) per insidias carpebat obsessores. Pudor tandem tædiumq; incescit hærenti ad unum oppidum tanto exercitui; turbabatque insuper annona deficiens. Religiosiores etiam omina terrebant, quæ in egressu observasse videbantur. Consuetudine hac plerumque vulgi, quæ in pace fori vel naturæ tribuissent, rebus creperis rapiendi in omen futuri eventus. Cum ergo ipse Stephanus dubium an fraudem meditans, quæ post sequuta est, pacem peteret, facile Rex, qui tum insuper morbo attinebatur, permotus est, ut roganti inducias annueret, per quas securiùs de pace ageretur. Parabant reditum Poloni sed alio, quam quo venerant, itinere. Id ubi acceperat Stephanus, monet regem, ut usurpatam ante viam potius relegeret; occulta salutum & ardua montium prætexens, infesta

feſta latronibus, à quibus ſecuritatem tranſeuntibus non poſſit polliceri. Obtemperat Rex, nihil altius ſuſpicatus, quàm cavere Stephanum, ne militum nupero tranſitu intacta, proindeque diſtor Provincia pars prædæ exponeretur. Sed aliud machinabatur Stephanus. Sylva erat ad Bucoviam vicum denſa fagis, aviis incerta. Hanc ingreſſus Rex copias in IV. agmina partitur. Primi incolumes trajiunt. Secundanos, penes quos impedimenta Regia, mediam ſylvam ingreſſos aſſultant ex inſidiis agreſtes Valachi, ſuccifiſque arboribus viam impediunt, ne regredi primi, vel progredi extremi poſſent. Hoſque interim tota vi equitum peditumque Stephanus invadit. Turbati ad rem improvifam Poloni per oppoſitos undique obices ad caſtra, quæ modo deſeruerant, eluſtantur. Sed hæc quoque urgente Stephano laborare cœperant, periſſentque, niſi ſuccurrens Aulicus Regis equitatus ſono tubarum, & armorum fulgore in ſe hoſtem vertiſſet. Reſtaurata ita pugna eſt, fugati-que Valachi Regiis victoriam conceſſere. Cautiùs poſtea incedebant Poloni. Nihilominus denuo J. c. Maſovii (quos Conradus ex ſœdere in auxilium miſe-

rat

rat Regi) circumventi & interneſione deſeri ſunt.

III. Deſunctus his malis quaſi rem bene egiſſet, in malum otium ac luxuriam diſcingebatur Ioh. Albertus: cum repente illum Poloniamque omnem novus ab eodem Muldavo terror perculit. Nec jam ſolus hic veniebat, ſed Turcis Tartariſque comitatus. Latè omnia ad Canciugam uſque & Viſlocum amnempopulatus, Premisliam, Jaroslaviam & plura alia oppida diripuit incenditque. Sed leve hoc. Supra C. millia omnis generis hominum abduxit, adeo ut Thracia, Scythia, atque Aſia pene tota Ruſſicis mancipiis impleſetur.

Revertente ad ſuos Moldavo, Turcæ prædâ nondum contenti, ſoli ſe denuò in Ruſſiæ agros effundere. Verum eos, torpeſcentibus ad reſiſtendum hominibus, aut fugâ dilapſis, ira Numinis inſigniter ulta eſt. Repente enim prædatoribus gelu tam intenſum, nivæque tam largas immiſit, ut ad XL. hominum millia (ut eſt illa gens frigoris impatiens) obruiſſe periſſeque ferantur. Reperti, qui in exenteratis equorum ventribus calorem tuendæ vitæ quaſiverant. Multi etiam, qui inclementiam



tiam aëris effugerant, à Moldavis ipsis habitum Polonorum mentitis trucidati sunt. Ita ex LXX. millium numero vix X. evasisse; & ex his plerique dum abirent, confessi traduntur, Polonos à Deo defendi.

IV. Hæc ubi procella desævierat, sudum tandem aliquod pacis velut ad respirandum, Poloniæ illuxit. Primum cum fratribus, Vladislao Ungariæ Rege & Alexandro Lithuaniae Duce, quorum ille Moldavos juvisse hætenus, alter non avocasse, cum posset, visus erat, in gratiam Rex rediit, pacto in fortunæ deinceps utriusque consortium fœdere. Minimum vero natu fratrem Sigismundum Vladislaus Ungarus Glogoviensi & Opaviensi ditionibus donavit, cæteraque insuper Silesiæ & mox Lusatiæ præfectum imposuit. Hinc cum externis principibus inimiciæ compositæ. Nam & Stephano culpam deprecanti, illatarumque injuriarum paciscenti oblivionem pax data est: & cum Bajazethe, quicquid etiam reclamaret legatus Pontificis, fœdus inivit. Postremo nec cum Tartaris Zavolgensibus societatem belli contra Mahumetkierkium Præcopiensium Ducem Rex recusavit. Sed cum

cum illis auxilium promississet, consulto moratus est, ut mutuis cædibus barbaros permitteret, amicitia fallaces, & mox, simul occasio in Poloniam ostensa fuerit, ad hostilia redituros. Post hæc in Prussiam rex contendit, Magistrum Cruciferorum (is erat Fridericus Saxoniae Dux) juramentum præstare abnuentem suasu vel armis ad officium redacturus. Sed Torunium cum pervenisset, cœpissetque jam per legatos cum Magistro agere, repentino tactus morbo obiit, magni animi Princeps, sed fere semper infelix: destituyente in eo primum vitam fortunâ, tandem & amicionem fortunam vitâ.

## CAP. V.

## ALEXANDER.

AB ANNO CIOIOI. AD ANNUM  
CIOIOVI.

*Dissensiones de successore. Alexander Rex creatus in Lithuaniam abiit. cum Moscho bellum & mox pax. Tartarorum irruptio. Moldavi Pocutiam invadunt, non retinent. Glinsciui author turbarum in Lithuaniam. Tartarorum strages.*

Rerum-

**R**erumpublicarum Principes sibi per suffragia creantium solenne est, multos destinare, donec unus eligatur. Præcipue in Poloniâ regnat hæc libertas, grandis felicitatis ejus pars, nisi quod quandoque in discordias luxuriat. Post Ioh. Albertum, aliqua quidem ordinum de successore dissenso fuit, sed ut rationibus, non odiis aut ambitu disidentium. Tres erant filii Casimiri, inter quos anceps veluti trepidabat Electio. Primus natu Vladislaus Ungarorum jam Bohemorumque Rex placebat nonnullis, velut ornamento ac patrocini laboranti Reipublicæ futurus. Contra alii dedignabantur externi fieri regni accessio, præferebantque Sigismundum Glogoviensium & Opaviensium Ducem. Plurimi tamen Alexandro M. Lithuanix Duci magis favebant, cum ipsius causa, tum Lithuanorum, quos novo vinculo illigari Poloniæ publicæ rei interesset. Commodum supervenire à Lithuanis, legati non regem quidem, sed fœderis antiqui renovationem offerentes. Illico sublata dubitatio est, & Alexander Rex proclamatus paulò post Cracoviæ insigne regium à Friderico fratre Præfule Gnesnensi, & simul Cardinali acce-

accepit. Conjugi Helenæ diadema negatum est, quod Græcanicis addicta sacris Romanæ Ecclesiæ instituta nollet amplecti.

Vix aliquot mensibus Cracoviæ fuerat Alexander, cum in Lithuaniam avocatur, cui vis à Moscho imminerebat. Iamque Smolenscum oppugnare is cœperat: sed, obniscâ ad primos impetus urbe, cum insuper Alexander cum exercitu adventare diceretur, territus, in ducias cum Rege genero (Moschi enim filia erat Regina) in sex annos pepigit. Enimverò dum hæret in Lithuania Alexander, Tartari Taurici Poloniam invadunt, tramissoque Vistulâ ad Pacinoviâ Cracoviensis provinciæ oppidum usque prædas agunt: sed nec nisi cum tempus effugerat, in illos movente Friderico Cardinali, cui Reipublicæ curam Rex, dum abesset, mandaverat. Nec multo post moritur Fridericus iste, vir aspectu ac munere venerabilis, vitâ dissolutior.

II. Stephanus dein Moldaviæ Palatinus Poloniam lacesivit, occupatâ terrâ, quæ inter Tyram amnem & Sarmaticos montes procurrens, Pocucia vulgo appellatur. Sed hanc non diu tenuit, fa-



tigantibus illum & Polonis, & domi morbo, quo non multo post etiam interiit, vir belli artibus inter seculi sui primos. Ejus postea filius Bogdanus patri succedens Alexandri sororem in conjugem petiit; dilatusque primum, mox speratus, ut contemptum sui vindicaret, Pocuciam armis reperit, occupavitque. Verum, ut proclivius semper est rapere aliena, quam retinere, ita ille prope expulsus provinciâ, ægrè ab ipsius Moldaviæ limitibus vim Polonorum propulsavit. Illo bello periëre inter alios duo Strussii fratres, cum longius à cætero exercitu proveci in globum hostium incidissent. Alter inter pugnandum occubuit, alter captus ac capite multatus est. His verò postero mox die magnâ Muldavorum strage atque inprimis præfecti Chocimenis, parentavere Poloni. Postea de fœdere tractari cœptum conveneratque in certas conditiones: Sed hæc, ne tum pro ratis haberentur, aliud quid intercessit.

III. Eâ tempestate dederat penè in Lithuania turbarum aliquid Michaël Glinscius, ex Ducibus Russis ortus, vir manu strenuus, spectatusque hinc apud principem, sed criminator idem in Pro-

ceres,

ceres, quibus superbiam suam senserat exosam. Forte præfecturam quandam Lithuano equiti adeptam, Glinscii cognato Rex dederat, Lithuanorum proceribus imperans, ut in possessionem donatâ præfecturâ hominem mitterent. Cum differrent illi rem ad adventum regium, Glinscii facundâ calliditate accensus Rex ita exarsit, ut Brestam evocatos tollere agitaverit, cum non venissent, quosdam summis muneribus functos gradu honoris moverit. Non sine indignatione aut minaci silentio hæc Lithuanis tolerata, ac forsitan exuissent patientiam quidam, nisi externum repente periculum increpuisset. Nam Tarrari Tauricani reportatâ noviter à Zavolgensibus victoriâ feroces, cum creberrimis incursionibus Poloniam vastassent; novissime Lithuaniam quoque ingressi sunt. Vilnæ tum Rex valetudini operam dabat. Cæteris seu metus seu privatæ dissensiones curam publicæ rei excemerant. Ita aliquandiu impune barbarus grassari potuit. Tandem extremâ necessitate ad defensionis auxilia Lithuani exsurrexere: narratque Miechovius Regem quanquam ægrum delatum in castra, ut suis ad extremum

usque adefset. Sed ubi periculum à Tartaris, simul & valetudo indies gravefceret, Vilnam reductum. Interim Glinfcus Regio exercitui præfectus, hostem incautum prædæque cupidine vagum adortus, partim cecidit, partim in paludes egit, quæ plurimi absorpti. Attulit verò tum ad victoriam non parùm momenti Sendivojus Ciarncovius Palatini Pofnanienfis filius, qui cum trecentis equitibus Vilna accurrens, cū è proximo colle pugnantes cum Tartaris Polonos vidisset, late ductâ turmâ & strepitu tubarum magni speciei exercitus præbitâ hostem terruit, suos erexit. His actis tacite se in stativa recipiunt victores, dum reliqui hostium, cladis suorum infcii, cum præda reverterentur. Mox ut quique venerant, caduntur. Perisse tum feruntur ad viginti millia hominum, Captivorum certè Christianorum ingens vis liberata est. Victoriæ nuncium qui Regi ferebant, proximum fato repererunt. Nihilominus sublatis in cœlum manibus ac nutu (nam linguæ usum vis morbi ademerat) lætitiâ testatus est, nec multo post expiravit, anno ætatis quinto supra quadagesimum, imperiū vix quinto. Mors ejus tam præ-

cox & cateroquin non spernendi Principis multis tempeſtiva exiſtimata eſt, ob prodigalitatem, quâ exhausturus, ſi proviſiſſet, Rempubicam fuiſſe videbatur.

## CAP. VI.

## SIGISMUNDUS. I.

AB AN. CIOIOVI. AD ANN.

CIOIOXLVIII.

*Sigismundi cura rogata. Glinſcii in Lithuania ſeditio & bellum cum Moſchis, cum Valachis. Legationes ad Sigismundum. Moſchicum bellum ſecundum. Regis ad Maximilianum Cæſarem iter. Secundæ nuptiæ cum Bonâ Zfortiâ. Bellum Pruſſicum. Comitia Torunienſia. Dantiſcana plebis ſeditio ob religionem. Alberti Brandeburgici cum Rege de Pruſſia tranſactio. Solimanni in Vngariâ victoria. De Muldavia Tarnovii victoria inſignis. Moſchicum bellum tertium. In Muldavos indiſta expeditio publica. Seditio Nobilitatis. Status Muldavia mutatus, itemque Vngariæ. Conciliū Tridentinum. Mors Sigismundi. Virtutes animi & corporis robur.*



**E**X Casimiri filijs duo adhuc supererant, Vladislaus ac Sigismundus, quorum ille Ungariæ & Bohemiæ imperabat; hic Glogoviensium & Opaviensium, nuperque etiam Lithuanicæ Dux creatus, spes voluntatesque Polonorum pridem in se crexerat. Quò facilius Alexandro mortuo ad regnum emerfit, Vladislao, quem multi æmulum fratri minori fore metuerant, non impediendo, sed insuper etiam commendante proceribus candidatum. Rex nominatus Sigismundus, vulneribus illicò Republicæ sanandis manum salutarem applicuit. Ac primum quia profusione Alexandri ærarium elanguerat, Regiæque facultates privatis quibusdam cesserant pignori, iis recuperandis curam intendit, juvante Regem Johanne Bonero, prudente viro & quod ad rem plurimum valebat, prædite. Inde contentiente in tribui pensionem ordine equestri pecuniæ coactæ; scriptusque inde miles extremis Poloniæ finibus pro Republicâ perpetim excubitus.

Sed dū in his est Sigismundus, Lithuania turbare cœpit, excitatâ à Glinfcio, quæ ante sæpius nominavimus, seditione & armis insuper à Basilio Moschorum

Duce

Duce ingruentibus rumens. Glinfcius enim coalitâ Alexandri perpetuo favore & rebus non infeliciter gestis audaciâ, supra civilia assurgens Lithuanicæ principatum agitabat. Ambitionem verò ocularestudens, Zabrezianum Lithuanicæ Marefchallum, aliosque consilia ejus curiosius speculantes prodentesque hostiliter incessabat. Tandem cum suspectum se Regi sensisset, metu ad desperationem versus, Moschum clam missis legatis ad partiendam secum Lithuaniam invitat. Qui jam nuper terram illam ultra laceessere cœperat, sed tendentibus contra Polonis congregari non ausus repulsusque, oblatam jam à Glinfcio conditionem lubens accepit. Glinfcius ubi in procinctu esse Moschum intellexit, palam obsequium Regis exiit, Zabrezianum verò incautum intra penates ipsius obruncat. Rex cognitis machinationibus illicò Nicolaum Firlejum Palatinum Lublinensem, summum tum belli Ducem cum exercitu in Lithuaniam præmittit, ipseque etiam sequitur, majestatem Regiam defectoibus oppositurus. Venienti Lithuani se jungunt, multique etiam ex iis, quos vel error vel prævalida necessitas in partes

H 4

hostis

hostis abduxerat. Tertiū mox ad præsentiam Regis Moschici Duces, loca, quæ impetu inopiâve defensorum occupaverant, deseruere, prælium inprimis cautissimâ prudentiâ evitantes. Vix semel in trajectu fluminis cuiusdam resistenter, magnâ sua clade, futurâ tamen majori, nisi nox intercessisset. Post hac apertiore etiam consternatione exercitum per avia paludum nemorumque reducunt. Rex cedentes tota exercitûs mole sequi haud consultum ratus, Stanislaum Kiscam ad Resinam Moschorum arcem mittit. Qui late omnia populatus, sed universâ hostis potentia impar, partes subinde aliquas attrivit, quodam etiam die, si accitus in auxilium Firlejus tempestivè venisset, de summâ decertaturus. Sed is seriùs se per ignotas in sylvis vias expedierat. Interim tamen cum globo quodam hostium feliciter congressus Kiska, reliquum exercitum terrore fudit, cum qui primo ex conflictu effugerant, seu errore (ut est credulus pavor), seu ne paucis cessisse viderentur, numerum Polonorum in majus auxissent. Qui fortunæ lusus postea alio certamine ipsum quoque victorem sermè decepit. Sed paulò post cum pa-

rum

rum proficeretur armis, flexis utrinquâd mitiora animis, primū inducias Rex petiti Moscho, mox pacè perpetuâ annuit.

II. Caterum data sic Moscho respirandi potestas fuit, non item Polonis. Hos enim Bogdanus Valachus valido cum exercitu Russiam ingressus, ad novum bellum vocabat. quod tamen brevi procellâ desæviiit. Quippe priusquam Rex veniret, primum fregerant impetum Valachi, frustra, nec impune Camieneciam Leopolinque munitissimas Russiæ urbes adorti. Sic Regem in prociuctu jam stantem haud præstolati, cum late omnia ferro flammisque miscuissent, ad sua rediêre. Sequi illos iussus Nicolaus Camienecius Cracoviensis Palatinus, terram hostilem pari sævitiâ involavit diripuitque. Sed expletâ vindictâ cum reditum pararet, ad Tyram flumen subito à Valachis, qui hætenus intra saltuum latebras occulti expectaverant occasiones, invaditur. Tumultuariâ primū pugnâ nutavit victoria, donec majore numero ordinatiusque congressus Polonorum equitatus cohortes hostiles perripuit. Cæsi ibi pluri mi, capti non pauciores quos omnes Camienecius gladio percuti iussit, manibus.

H 5



nibus parentans Polonorum, in quos nuper barbarus, præter belli jus pari supplicio sævierat. Rex lætus victoriâ suorum cum victis pacem iniiit; unam pactus conditionem, ut sacram supellectilem de templis raptam, & quicquid captivorum prædæque memorabilioris superesset, restituerent. Mitissimum tum experti victorem, pœnas mox, quas majores meruerant, Tartaris dedere, qui iteratis aliquoties incurfionibus ad incitas planè infidam gentem redegerunt.

III. Post hæc Sigismundus variis externorum Regum ac principum legationibus cultus est. Inprimis à Pontifice Romano Achilles Grassius Episcopus Modecensis adfuit, ut Regem ad iungenda cum Ungaro contra Turcas arma incitaret. Nec aversatus consilium Rex moram tantum postulavit. Paulò post secuta est celebris de Tartaris ad Iopusnam victoria. Constantino Ostrogio Lithuanicarum, Nicolao Camieniecio Polonicarum copiarum ducibus. De viginti & quinque millibus barbarorum longè minima pars tum evasisse dicitur.

IV. Victoriâ hanc Moschicum bellum exceperit. Moschus enim etiam post pacem iniquis, insensusq; Polonis, cum inge-

ingentem tormentorum vim per Germaniam conflasset, Smolenscum tandem adortus, desertumque semel tadio moræ, mox majore vi aggressus, cum nihil proficeret, machinatore Glinfcio, præfectum arci Tribunum pretio ad deditionem emeratus fuerat. Post deditum Smolenscum Glinfcius respiciens, & operâ Vladislai Ungariæ Regis Sigismundo reconciliatus, facinus ereptæ urbis in Regiæ pretium gratiæ vertit, nec hanc tantum urbem, sed complures alias traditurum se Polonis promittit. Caruit tamen successu consilium, quod secretorum internuncius Trepka nobilis juvenis in manûs hostis venit. Qui subiectus tormentis magnum & memorabile constantiæ specimen dedit. Nullis enim quantumvis exquisitissimis cruciatibus ad prodicionem secretorum subigi potuit.

Interim ingressus Lithuaniam Rex ad Borissovum pervenerat. Ibi cum delectis subsistens exercitum ad Orsam, ubi hostis, præmittit, summa rerum Ostrogio & Suircovio demandatâ. Cognito, Moschos prælio paratos, Poloni priores in hostem irruunt, mox prout incubuerat ille, urgentes cedentesque. Anima

bat hos Ostrogii exemplum non minùs militem quàm Ducem se gerentis. iuabatque etiam locus modicè in tumultum assurgens, in quo disposita tormenta multum noxæ hostium novissimis dabant. Qui hinc consternati fugamque capeffentes, proximos unà traxère. Primi adhuc strenuè rem agebant, donec & his cognita sociorum fortuna & assultantes improvisè ex vicino nemore Poloni octingenti fregèrunt animum. Instant palantibus Regii. Multos ad paludem delatos, cum transire niterentur, instabilis ad gradum uligo haussit. Interiisse hoc prælio triginta millia Moschorum feruntur. Capti ex illustribus duo. Satraparum decem & septem. de plebe nobilium duo millia, totidem gregariorum. Ex Regio exercitu non plures quadringentis desiderati, plures saucii fuerunt. Cæterùm (quod de Annibale olim dictum) vincere tum scivère Poloni, non æque uti victoria. Smolenscum urbem sine mora adoriri debuerant, capi haud dubiè facilem, cunctis recenti terrore percussis. Dum circa aha se occupant victores, novo milite, novis machinis permunitus est. Interim bruma subit, oportuitque aded reduci mili-

militem in hyberna. Perenti ergò iterum hosti in quinquennium pax concessa est.

V. Moschis ad hoc bellum præter cæteros stimulo adjumentoque Maximilianus Cæsar haud dubiè fuerat; pridem Iagellonica genti insensus ob Ungariam, quam bini ex ea familia Vladislai Austriaci præripuisse videbantur. Accesserat recens offensa in Sigismundum, ob ductam in matrimonium Barbaram, sororem Johannis Comitis Scypusii, qui Sigismundi aded affinitate ad nuptias Annæ, Vladislao Ungaro genitæ, & porro ad Ungariæ regnum adspirare credebatur. Conciliare igitur sibi Maximilianum cupiens Sigismundus, cum aliquandiu dubitasset, per legatos ne id, an præfens ipse tentaret, posterius tandem elegit: minus vigente tum inter principes insidiarum, & qui non minus hodie visendi se mutuò cupidinem plerisque eximit, vano comparationis metu. Iter ergò ingressus Posonium Ungariæ urbem venit, ubi à fratre Vladislao liberisque ejus prolixâ comitate exceptus obvium mox habuit Cæsaris legatum Cardinalem Gurcensem. Quicum de negotiis, quorum causa Rex



venerat, agi cœptum. Interim Cæsar ipse Augusta Viennam venerat, quem sine morâ Reges honorâ legatione venerantur. Ille dimissis humaniter legatis suos mox mittit, qui Reges Viennam invitarent. Sed primum in Ungariæ Austriæque confinio lectus locus est, quo Cæsar Viennâ, Reges Posonio venientes coivère. Inde Viennam itum. ubi quatuordecim circiter diebus per seria suetaque aulis voluptates exactis, initum est æternum inter Reges fœdus, & ut arctius id esset, neptim suam Mariam Ludovico Ungariæ hæredi Cæsar locabat, ipse vicissim sibi vel nepotum suorum alteri Annam Ludovici sororem destinans. His actis inter mutua propensissimæ voluntatis testimonia atque etiam lachrymas discessere.

VI. Reducem Regem adversa quædam excepêrunt. Nam & Barbara Regina, ob pudicitiam Estheræ vulgò dicta, obiit paulò post, & Opociam Moschorum arcem infelicitè tentaverunt Poloni. Utrumq; tamen dolorem ducta dein Bona Zfortia, Johannis Galeatii Ducis Mediolanensis filia, & mox prosperior Polonorum ad Polociam pugnamcunque solata fuerat, cum Tartari ad Vistu-

Vistulam usque latè omnia populati, tandem & ad Socalam Regios temerè atque invito Duce Ostrogio congressos memorabili strage fuderunt. Mille ducenti tû cecidère ex Polonis. Ex Tartaris quater mille. ut caro empta victoria dici posset, nisi barbari sanguinis copia major nobilitate alterius æquaretur.

VII. Subsequentum est Prussicum bellum mole atrox, tempore non adèd diuturnû, nec infelix exitu. Qui Cruciferis præerat, Albertus Marchio Brandenburgicus Sigismundi sorore genitus, jurare in verba Regis abnuens, hostilia meditabatur. Eum contra missus Nicolaus Firlejus Palatinus Sendomiriensis subito imperu oppida aliquot arcesque rapit, Hollandiam aliquandiu obsesam expugnat. Territus Albertus primum cum Firlejo colloquium expetit, ab eo ad Regem Thoruniam deductus omnia Regis causâ velle testatus est. Coiissetque tum fœdus, nisi nuncius adventantiû auxilio Hafniâ quatuor milium militum & jam ad portum Regiomontanum appulso rum novos Marchioni animos addidisset. Inde relapsi ad arma Poloni Brunsbergam; Cruciferiani Heilsbergam obsident. Non multò post

tò post intellecto, novum è Germania ad Albertum ire exercitum, publica expeditione indictâ, universum ordinem equestrem Rex ad arma evocat. Germani, antequam Alberto se jungerent, Mezirciam finitimum Silesiæ Marchiæque oppidum expugnant, inde Poloniæ ingredi interiora prohibiti, in Prussiam contendunt. Schönbergius iis præerat, cui memorabili aliquo facinore clarescere cupido audacia incescit Dantiscum obsidendi. Sed urbem ad defensionem sui paratam expertus, cum insuper Firlejus occupatâ Stargardiâ & Dersaviâ appropinquaret, fugienti similis in Pomeraniam recessit. Insecutus eum Zarembo præsidii apud Dantiscum præfectus, & mox Firleji equitatus magnâ clade novissimos affecere. Ipse Firlejus cum reliquo exercitu Choiniciam interrim oppugnat expugnatque. Alibi Sencignovius assiduus populationibus terram Cruciferorum afflicto, incensis quam plurimis pagis, Passenheimum occupat. Cruciferiani autem Elbingam interim insidiis tentant, parumque abfuit, quin obtinerent. Suggesti clâ, portam jam unam perfregerant, dum clathros objectos moliuntur, à civibus sa-

xa, calcem ac cineres desuper ingerentibus, amisso præfecto, & militibus non paucis repelluntur. Frustratus ita ad Elbingam, nec alibi felicius Albertus ad pacem flexit: missoque Lignicensi Duce, & mox fratre Georgio Brandenburgico, cum convenire in amicitia perpetuæ fœdus non possent partes, arma in quadriennium suspensa sunt.

VII. In iisdem, quibus induciæ constituta, comitiis Thorunienfibus, controversiæ Prussorum quadam auditiæ discussæque sunt. Habebant illi antiquo privilegio proprium tribunal, quo lites ab indigenis solis, præside Rege, decidebantur. Hunc morem Rex violare nolens, nequicquam contra sentientibus Polonis, solus Prussico senatui interfuit. Postulantibus verò iisdem Prussis, ut munia dignitatesque ipsorum non nisi indigenis darentur, querentibusque concessam Raphaëli Lescinio præfecturam Slochoviensem, sartum quidem in posterum servare hoc ipsorum jus promissit, beneficium tamen Lescinio datum adimere non sustinuit: Majestatis credo tuendâ causâ, quam lædi Reges existimant, si fecisse, quod non debuerint, factorum mutatione cogantur ostendere.



Compositis ita Prussiae rebus Rex aliquot annis tranquille egit, nonnisi Tartarorum incurfibus identidem la-cessitus, & Ludovici Ungarorum Regis, cui Patruus erat, malis sollicitus. Hunc quippe adolescentem magnus ille Europa terror Solimannus armis jam tū adoriri cōperat. Ac in auxilium quidem illi Johannes Tarnovius, vir belli præclarus, cum sex millium exercitu missus est: Sed nec sic quidem impediri Tyrannus potuit, quin Belgradum arcemque Sabacensem occuparet.

IX. Vergebant ad finem induciæ cum Cruciferis initæ, cum plebs Dan-tiscana Martini Lutheri gliscentibus tum passim dogmatis assensā in seditio-nem exarsit. Magistratibus oblectari ausis surrogari ex civibus alii, occupata templa, ritus Ecclesiastici novati. Mox & scriptis literis oratus Rex, libertatem ut sacrorum, quæ ut meliora amplexi essent, manentibus cetera in obsequio confirmaret. Nec refragari quidem pre-cibus tum visus est Rex: ceterum ejus anno sequenti ingressus in urbem, sum-ptumque severâ lege de autoribus sedi-tionis supplicium satis docuit tempori datam priorem indulgentiam, veritum-que

que Regem, ne immiti responso dimissos metuens pœnæ conscientia ad Crucife-ros adigeret, brevi jam induciis elapsis arma resumpturos.

Verum inducias quoque istas non, quod timebatur, bellum, sed pax aterna singulari numinis favore excepit. Quip-pe delectis utrinque arbitris, Carolo Imperatore & Ludovico Ungariæ Bo-hemiæque Rege, & mox, cum hi vel se-gnarius, vel saltem, ut longè positi, tar-dius agere viderentur, sequestris Geor-gio Brandeburgico Marchione, & Fri-derico Lignicensium Duce, post sat lon-gas disceptationes, his tandem condi-tionibus inter Regem & Marchionem transactum est; ut Rex quidem Orien-talem Prussiam Marchioni perpetuo & hæreditario jure cedat: Marchio con-trà vasalli obsequium Regi juret, ei-demque centum cum hastatis equitibus intra Prussiam suo, extra hanc regio stipendio militet. Ita excisa est tan-dem illa materies bellorum, quibus à primo fere Cruciferorum in Prussiam adventu, Polonia vario eventu confi-ctata, ac sæpe immaniter concussa fuit.

Paulo post susceptum in feudi leges Marchionem alio quoque insigni au-  
ctario

ctario Polonia ditata est, Quippe mortui intra breve intervallum bini fratres Masoviae Duces, Ianusius & Stanislaus Masoviam regno Polonico, à quo per quadringentos ferè annos diremptum propriis Ducibus paruerat, adjunxere.

VIII. Sub hoc tempus commissum est famosum illud Ungarorum ad Mohacum cum Solimanno praelium, cujus infelix eventus & Ludovicum Regem cum flore Ungaricæ nobilitatis absorpsit, & Ungariæ partem nobilissimam imperio Turcico subdidit; Ferdinando denique Austriaco, qui ob ductam Ludovici sororem sceptrum sibi Ungaricum vindicabat, origo fuit belli cum Iohanne Scepusio idem sceptrum ambiente, denique cum Solimanno ipso pro honore, uti præferebat, Scepusii, verius pro gloriâ suâ proferendisq; finibus pugnante, ac plerumque heu! victore. Buda sanè tum occupata Viena que ipsa obsessa ac agrè de manibus Tyranni crepta fuit. Liberatæ urbis laus, secundum Deum, binis præcipuè principibus Palatinis tribuitur: quorum alter Philippus fortiter sustinuit; alter Fredericus, admoto extus exercitu, abstraxit terruitque obsessores. In Polonia

nia interim Rex filium Sigismundum Augustum Lithuanicæ primùm principatui, mox regno inaugurat, posthumam curam velut præcipiens fato, ut capessendis imperii curis maturè successorem assuefaceret.

IX. Porro intentam his Poloniam præclara de Muldavis ad Obertinum virtute imprimis Tarnovii reportata victoria exhilaravit. Fuerat Muldavo viginti duum millium exercitus, Tarnovio millium vix quatuor. Ad manus tamen cum ventum est, non alio unquâ insigniori argumento paruit, ut corpora, ita exercitus, non eos semper vincere qui majores. In prælio verò ipso ut miraculo fuerat Polonorum virtus, ita in eventu ejus fortuna lussit. Tot enim omnino illinc cecidisse reperi sunt, quot hinc pugnaverant. Sed præter casos capti fuere quadringenti, porroque machinæ quadraginta octo ademptæ, Regique missæ Cracoviam. In cujus urbis æde præcipuâ extat hodieque pugne hujus penicillo expressa imago. Rex verò alio etiam honore colendam Tarnovii fortitudinem duxit. Etenim indictâ contributione publicâ binos de singulis jugeris grossos pendi victori fassit.

Felix



Felix dicere Sigismundianum dicere  
possis seculum, quod tam inusitata vir-  
tutis & exempla tulit & præmia.

XI. Prælio hoc infractæ nonnihil vires,  
nondum animus erat Muldavi. subinde  
adhuc hostilia minabatur, donec ipse ei  
Turcarum Dominus quietem impera-  
vit. Cui mandato cum Ungariæ etiam  
Regis Iohannis autoritas accessisset, in-  
ducia cum Muldavo initæ sunt. A Tar-  
taris quoque quietem Poloniæ dedere  
cum ipsorum inter se dissidia, tum So-  
limanni iussa, qui amicitiam Sigismun-  
di mirè prensabat, bellis Ungaricis in-  
tentus. Lithuaniam Moschus turbavit  
denuò, sævissimâ illam hyeme ingressus  
& longè lateque depopularus. Illi tu-  
mulvaria primum manus opponitur,  
mox iusto exercitu iuncti Lithuanis Po-  
loni à vastatione alienorû ad sua defen-  
denda hostem avertèrunt, expugnatis  
etiam in Severiensis provincia arcibus  
Holmia & Starodubo, captisque ex  
præsidio non paucis, atque ipso etiam,  
qui Starodubum defennaverat, Oucynâ.  
Gesta hæc ductu potissimum Nicolai  
Radzivillii Palatini Vilnensis. belli vero  
summæ Tarnovius præerat. Nuncius  
victoriæ multum auxit læticiam nuptia-  
rum,

rum, quas tum Sigismundus filiæ Hed-  
wigi, Ioachimi Electoris Brandeburgici  
sponsæ adornabat.

XI. Paulò post Muldavius arma in  
Polonos repetiit, tanto quidem ardore,  
ut contra eum Rex vires regni intimas  
nobilitatemq; omnem ad bellum cien-  
dam putaverit. Ea ad Leopolin coacta  
penè in seditionem adversum regem &  
Senatores effervuit, leges nescio quas  
violatas causata, & arma induere ne-  
gans, nisi illæ affirmarentur. Asperavit  
commotos Senatoris cuiusdam in mi-  
norum gentium nobiles, qui ob pauper-  
tatem pedites venerant, arrogans cavil-  
lum. Iamque videbatur in scelus erup-  
tura multitudo, nisi orta cœlitus tempe-  
stas turbidos & numero fidentes in di-  
versos egisset; subeunte post etiam ani-  
mis formidine cœlestis iræ, ut sit apud  
rudiores animos, quibus movendis pa-  
candisve potentissima plerumque est su-  
perstitio. Verum composito etiam tum  
utcumque tumultu, dilapsus tamen Re-  
ge non adeò impediende exercitus, irri-  
taque reddita est expeditio. Relicta tan-  
tùm ad propulsandum hostem duo mil-  
lia sub imperio Andreæ Tencinii & Ni-  
colai Sienvii. Qui discordes inter se &  
hinc

hinc rerum suarum minus satagentes, commissâ imprudenter cum hoste longè prævalido pugnâ, sexaginta plus minus nobiles viros & octingentos insuper gregarios perdidere.

Sed brevi post intervallo mutatus est dominatus in Muldaviâ. Stephanus Petri Palatini frater, ob suspicionem affectu dominii exul, quæsitus criminandi occasionebus Palatinum Solimanno exosum reddiderat. Ita quidem, ut is vim moliretur in Palatinum, hic verò imparem se sentiens, tentatis infelicitè fugæ consiliis, Sicaviæ arci se includeret. Ita in locum ejus Stephanus frater à Solimanno surrogatus, ipse obsessus captusque est à Iohanne Ungariæ Rege, qui hæc velut mercede Turcæ gratiam offensis aliquibus infuscaram redimebat.

XII. Non multo post insecure hujus ipsius Iohannis mors novis turbis Ungariam implicuit: vindicante sibi regnum Ferdinando, sanguinis jure, ut agebat, atque insuper compacto sibi debitum; asserente contra idem viduæ Reginæ filioque ejus impuberi Solimanno, vel potius, ut eventus docuit, sibi rapiente. Postquam enim infando illo ad Budam prælio Christianos profigasset, evocato

evocato ex urbe, per speciem amoris, Reginæ filiolo, dum comites hujus benignè à Turcis fraudem molientibus excepti, hilariter epulantur; Interim milites mittit, qui gubernacula occuparent urbis, quasi defendendæ contra Austriacum, cui Regina impar esset. Paruit mox dolus, cum ingressus ipse urbem, Reginam nequicquam datæ fidei sacramentum obrestantem, abire cum puero in Transylvaniam jussit. Ex hoc tempore servit fœdissimam Turcis servitutem Buda, & reliquis Ungaricarum civitatum flos, grandi vestro, Christiani, dedecore, qui sanguinem, quem his recuperandis gloriose impendere poteratis, mutuis pudendisque inter vos armis insanè tot annis prodigitis!

XIII. Agitabat ea tempestate orbis Christianus instinctu inprimis Caroli Imperatoris Concilium, quod à loco postea Tridentinum appellatum est. Ad id invitatus à Carolo Sigismundus omnia pacandæ Reipublicæ Christianæ causâ velle respondit, legatumque etiam ad concilium mittere recepit. Ac missus est postea ad Comitum Augustæ habita Stanislaus Lascus Palatinus Sendomirien-  
sis, qui gravi oratione jus Poloniæ Re-



gum in Prussiam ostendens, Crucifero-  
rum in Albertum Poloniae vasallum co-  
natus liberrime perstrinxit. Respondit  
huic Wolfgangus Ordinis Theutonici  
Magister; constitutiq; liti dirimendae ar-  
bitri, à quibus fere contra Albertum lata  
sententia est, sed executio ejus Carolo  
Caesari remissa exitum nunquam habuit.

Sigismundo verò anno sequenti fa-  
talis meta venit, principi sane immor-  
talitate dignissimo; quique virtutibus  
suis à Paulo Iovio nobili historico poni  
meruit inter tres \* Heroas illos, qui nisi  
simul imperassent, singuli digni fuerint,  
qui toti orbi imperarent. Præter sapien-  
tiam, moderationem aliasque animi do-  
tes admirabilis in illo fuit corporis for-  
titudo. Ferunt ætate florenti soleas fer-  
reas, quales equis suppingi solent, fran-  
gere, funesque cannabinos rumpere so-  
litum. Vix pertinet corpus ad virorum  
laudes, sed in Sigismundo memorari di-  
gnum fuit, quod robore ac firmitate  
suâ nobilissimæ animæ tanto diuturnius  
hospitium præbuit. Vixit enim Sigis-  
mundus annos octoginta duos: quo-  
rum exacte dimidium in regni admini-  
stratione consumpsit.

CAP.

\* Hi sunt Carolus Quintus Caesar, Fran-  
cisus I. Gall. Rex, & hic Sigismundus.

## CAPUT VII.

SIGISMUNDUS  
AVGVSTVS.

AB ANNO CIOXLVIII. AD ANNUM  
CIOCLXXVI.

*Animi multorum in Augustum iniquiores  
ob matrimonium cum Radziuilla. Scho-  
lasticorum Cracoviensium tumultus.  
De legibus antiquis & novis disceptatio  
in comitiis. Cum Episcopis lites, occasio-  
ne Orichovii Canonici, qui calibatuum  
oppugnabat. Regis Gedanum iter, &  
periculum Regiomonti aditum. Nuptia  
secunda. Bone in Italiam abitus. post  
mortem ejus lites de hereditate. In Li-  
vonia bella intestina, mox externa cum  
Moscho. Livonia cum Polonia conjun-  
ctio. Inde belli Moschici communio item  
Suecici. Iohannis Finlandia Ducis capi-  
tivitas, de Moschis victoria. Lithuania  
cum Polonia conjunctio confirmata. In  
Dantiscano ira Regis & ultio. Magni  
Holsarie Ducis in Livonia machinatio-  
nes, & cum Moscho societas. Hujus cru-  
delitas insignita, ejusdemque exempla  
nonnulla. Mutatus dominatus in Mul-*

*davia, quam Bogdano principi ejecto fortiter, tamen frustra resistere Poloni conantur. Duella bina cum Tarcis. Herburti periculum. Augusti mors & encomium.*

**S**igismundus Augustus patre quidem vivo Rex nominatus, à regni tamen curis, volentibus ita Polonis, hæcenus abstinerat. Nec, mortuo parente aliquandiu voluntates procerum multorū tā secundas expertus est, quā vel pater vel ipse spe præceperat. Offendit istos Augusti post fastiditam & paulo post mortuam Elizabetham Austriacam, solutior vita. Magis etiā initum postea cum Radzivilliā Stantislai Gastoldi Palatini Trocensis viduā matrimonium. Nec intra silentium aut occultas voces steterē offensæ. Publicè in Comitii traductum est factum Regium; aliis tolerandum jam consentibus postquam consummatum esset, aliis antiquandū ambitiosā libertate ac faciendā contententibus. Qui à nonnullis ut loquentes pro legum tutelā, quæ conjugia Regia consensu Reip. circumscribunt, pronis auribus auditi; aliis privatā magis stimulatione, quā decoris publici cura loqui

yifi

visi sunt. Interregnum nempe inducere voluisse credebantur, ostendendæ ita diutius auctoritati, & ut tanto enixius liberaliusque à Rege preñarentur. Horum antesignanus Petrus Kmicha Palatinus Cracoviensis fuit, uti contra Regē tuebatur Johannes Tarnovius, princeps post Antistites Senator, cui pridem Kmicha alias ob causas insensus, tanto jam obstinatioer erat, ut diversus esset ab æmulo. His contentionibus transacta comitia citra tractationem rerum magis seriarum disfluxerē. Rex verò dimissis ad Senatum atque equitum præcipuos literis, de contumacia quorundam questus, suum erga Rempubliam affectum prolixè declaravit. Quæ res sanè profuit illi non parum ad pignerandos multorum animos; paratiore, ut sit plerumque, privatim apud singulos gratia, quam apud universos, quibus ipsa multitudo ut metum offensæ, ita spem fructumque beneficii minuit.

II. Æstum comitorum excepit juvenutis, quæ Cracoviæ studiis operabatur, tumultus. qui visus initio multis compressu facilior, quam qui in proverbio est, pulvis scholasticus, atrocem tamen subito vastitatem Academiæ at-

I 3

tulit.



tulit. Lena quædam sceminam corpore merentem familiaribus Andreæ Karnkovi, qui tum fortè Cracoviæ agebat, ducens in scholasticos inciderat, atque ab iisdem habitata erat contumeliosius. Illa injurias quæstæ apud Aulicos, ad quos tendebat, facilè eos in vindictam impulit, effecitque ut facto in scholasticos inermes impetu alios miseris modis exciperent, alios trucidarent. Illi postridie arcem agminatim ingressi inconditis clamoribus Regias aures pulsant, vindictâ postulantes, & Ut mos tumultuantibus, Reis vel subdere vel jungere innoxios, ipsum arguentes Karnkoviû. Rex increpitos de nimio ardore quiescere jussit, saltem dum destinarentur judices, re prout gesta esset, cognituri. Illi furore vecordes nec Antistitis Cracoviensis, ad quem postea ablegati erant, sententiâ acquiescentes abire Academia minantur. Quod &, cum susque deque haberi se viderent, fecêre. Exivit mœnibus triste ac miserabile agmen, sacra illa verba, *Ite in orbem universum &c.* ingeminans, velut præfagia eorum, quæ post contigerunt. Pars etenim ad parentes domum, ceteri in Germaniam Prussiam ac Bohemiam dilapsi hausta istic

Luthe-

Lutheranorum dogmatum semina per Poloniam postea sparsere.

III. Sequentis anni Comititia pariterè eventum, quo priora, finita sunt. In iis Antistes Gnesnensis Regias literas, quas ad proceres missas diximus, perstrinxit. Post actum de legibus, quarum alii antiquas, alii eas, quæ Johanne Alberto & Alexandro Regibus rogatæ essent, exerceri volebant, prout scilicet quisque has vel illas in rem suam fore viderat. Posteriores accendebat quoque invidia in Johannem Tarnovium & Maciejovium, quorum hic, contra leges sub proximis Regibus latas, Cancellarius simul & Antistes Cracoviensis: ille Castellanus Cracoviensis præfectusque juxta Sendomiriæ esse arguebatur. Regi pro his & antiquis legibus stare viso, ne causam obtineret, per Johannem Tencinium Palatinum Sendomiriensem intercessum est. Qui sellâ ob senium illatus in curiam, acri oratione leges ad usum præsentè flectendas suadebat. Movitque ætas & autoritas viri, ut ampliandum saltem Senatus judicaret.

Inde cum Episcopis actum, quorum potentiam ut iniquè pridem ordo equestris aspicebat; ita apertis sententiis

tum invadere cœpit: præbita per Ori-  
chovium ansâ, qui Canonicus Premis-  
liensis cū esset, ab Episcopo oppugnati  
cælibatûs causâ, munere & ditione mo-  
tus fuerat. Is igitur & affinitatibus po-  
tens, & graciosus apud alios tacitè eadē  
molientes, publicâ aurâ privatâ causæ  
rum velificabatur. Nihil tamen in ea re  
his comitiis ob discordiam procerum  
concludi potuit. Ille audentior factus  
matrimonii sacerdotum modò assertor,  
mox exemplum fuit, ductâ in uxorem  
Chelmsciâ. Nec Antistites remittebant  
odia, sed strictis subinde in hunc Ori-  
chovium gravioribus sententiis, mox in  
Olesnicios quoque, Stadnicios, Ostro-  
rogios, Lassovicios aliosque hærescos  
damnatos insurgabant. His Rex tertiis  
comitiis Petricoviæ habitis accesserat;  
sed & Regio decreto ab ordine nobi-  
lium tam pertinaciter reclamatum est,  
nullus ut Episcoporum exercere pote-  
statem suam sustineret.

Posthæc Gedanum Rex abiit, com-  
ponendis ibi rebus, quæ in tumultum  
eodem religionis flabello exarsuræ vi-  
debantur. Et ingressō etiam urbem Re-  
ge, diu plebes timebat timebaturque  
& parum sæpè à seditione absfuerat, nisi

Regis

Regis moderatio ac benignitas diffi-  
dentium metûs sustulisset. His ita hu-  
manitate mitigatis Regiomontum Rex  
proficiscitur vitæ quæ hîc propè periculū  
adiit. Dum enim testandæ sub ingressum  
lætitiæ tormenta exploderentur, errore  
magistri tormentarii pila emissâ ferè te-  
tigerat Regem, ut quæ fortuitâ solum  
equi declinatione prætervolans ponē se-  
quenti Visnoviecio caput abstulit. Fre-  
mentes Polonos in Albertum Brande-  
burgicum, qui hospitem excepturus ad-  
erat, Rex cohibuit, Foxii mathematici,  
qui eo die periturum Regem prædixe-  
rat, augurium, mirabili artis & falsi con-  
finio, se salvo expletum hilari voce ex-  
clamans. Magistrum quoque qui erra-  
verat, indignationi Alberti, sollicitius  
irascens, quò se magis absolveret, eri-  
puit.

IV. Viduus Rex erat mortuâ non  
ita pridem Radzivilliâ, postquam diade-  
ma Regium, accurante marito, proce-  
ribus conniventibus, suscepisset. No-  
vum ergo conjugium suâsû Senatorum  
ambienti Catharina Cracoviam adduci-  
tur, Austriaca stirpe, olim Francisco  
Mantux Ducis nupta. Cum hac in Lith-  
vania, quam unice adamabat, aliquot

I 5

annos



annos iuturbidos habuit, nisi si quas interdum nebulas interspargebant religionum turbæ, quas pridem gliscientes veniens à Pontifice Legatus Aloysius Lipomannus prohibendo accendit, prisco religionis ingenio, crescere ut inter obstacula amet.

Nonnihil etiam Regem turbabat mater Bona Zfortia, quæ postquam XL. annis vixisset in Polonia, tandem obrentu valetudinis curandæ in Italiam ad suos (erat enim Duce Mediolanensi genita) proficiscendi animum cepit. Non decorum sibi Rex putabat matris discessum, avecturæ insuper alienam in terram debitos filio thesauros. Illa adversum Regem sentiens tanto acrius institit, aciente insitum pridem abundi desiderium filio cedendi verecundiâ. Mox dolum addens contumaciæ, donis suffragia procerum quorundam, quibus obnoxium principem noverat, emercur. Interposuit quoque pro matre preces Isabella Ungariæ Regina Augusti soror. Ita dimissa vix annum in patrio solo exegerat, cum extincta est, dubium an quæsita morte. Plurimi Laurentii Papagodæ dolum suspectabant, grassatum credentes & veneno in principem,

cum

cum reditus cupidam cerneret, & testamento ficto in Ducatum Barensem, quem Augusto debitum Philippus Hispaniæ Rex ut complementum regni Neapolitani sibi vindicavit, elusis satis superbe legatis, quos Augustus subinde repetundarum causâ mittebat.

V. Livoniam Lithuaniam Prussiamque confinem provinciam agitabant ea tempestate super Moschorum prævalida arma, domi nata inter Archiepiscopum Rigensem & Magistrum ordinis Theutonici dissidia. Quibus initium assumptus ab Archiepiscopo Brandeburgico Principe Coadjutor, ut vocant, Christophorus Dux Mechelburgicus præbuit. Eoque crevère, ut Archiepiscopum quidem adversarii in vincula datum indignè haberent. Ea res Augustum movit, ut illi, quippe consanguineo suo, auxilium ferre moliretur. Contracto mox ingente exercitu Livoniam ingressurus erat, nisi novi belli fama excitati Imperator, Rex Daniæ aliique Principes misissent propere legatos, qui lite compositâ orienti materiâ incendio præciderunt. Restitutus ita dignitati suæ Archiepiscopus, eidemque successor designatus Mechelburgicus.

Acquie.

Acquieverant utcunque domesticae turbae, cum Moschus majore, quam unquam antehac, impetu insurgit. Intra breve tempus Narvam, Neuhausum, Derpatum, tandemque Felinum occupat, ipso insuper Magistro Livoniae Fürstenbergio capto. Livones suae sibi defensionis jam impares ad externa auxilia respiciunt. Non unum tamen omnium perfugium fuit: Revalienses Erico Suecorum Regi se dedunt; Archiepiscopus Rigenensis cum Magistro Livoniae & subiecta nobilitate ad Augustum Regem se recipiunt. Qui tamen nisi se suaque omnia Poloniae ac Lithuaniae regimini subjicientibus & fidem juratis patrociniis polliceri noluit. Cunctati equidem illi, sed urgente necessitatis telo, satius tandem iudicant imputate subjectionis leges Polonis, quam à Moscho irato accipere. Dato discutendis utrinque conditionibus tempore aliquo, tandem Magister ordinis Gothofredus Kellersus, solenniter magisterio se ordinis abdicat, arcemque Rigensem, in qua haec agebantur, atque ipsam etiam urbem Nicolao Radzivillio Palatino Vilnensi, qui Regis nomine aderat, tradit. Ipse vicissim à Radzivillio Curlandia & Semigallia

Semigalliae Dux, postridie vero Prorex gubernatorque Livoniae proclamatur.

VI. Novae ita Provinciae accessione aucta Polonia bellis quoque novis implicata est. Nam & in Moschum magnae Livoniae parti incubantem, & tum Tartaro adeptis Astracano Casanoque regnis insolentiorum arma sumenda erant; nec cum Erico Sueciae Rege, cui Revalia se dederat, diu pax culta est. Ac contra illum quidem primò ad Nevelam non infeliciter pugnatum est, Ducem inprimis virtute, inter quos Stanislaus Zamoscius & Iohannes Zborovius eminuere.

Sed paulò post circumagentem fortunam obsessa ab hoste Polocia ampla urbs, & tandem crebris tormentorum, quae plurima & rarae molis adduxerat, arietationibus expugnata est: magno Regis dolore, quem auxit nuncius occupatae à Revaliensi praefecto Parnoviae, oppidi ob faciles appulsus commercii peropportuni. Conspiraverat quoque cum Suecis Christophorus Mechelburgicus, Archiepiscopi Rigenensis adiutor, quo mortuo locum ejus invitis etiam Polonis occupare tendebat. Sed à Duce Curlandiae & Ernesto Vejero in arce Dolensi



Dolensi captus missusque in Poloniam quinquennii integri vinculis defectionis suæ & simul patratæ cædis ( nam Vanfovicium quendam ad mensam pugione transfixerat ) pœnas luit. Idem fatum in Suecia Iohannes Finlandiæ Dux subiit, quem Augusto ob ductam sororem affinitate innexum, hucque adeo inclinatio- rem animo creditum, Ericus frater Suecorum Rex carceri inclusit.

Tristitia hæc reportata paulò post illu- stris in Lithuania de Moschis victoria pensavit. Duplici illos agmine in Lithua- niam effusos eadem utrosque fortuna deprehendit. Namque alteros quidē Ni- colaus Radzivillius & Georgius Chod- kievicius Duces exercituum aggressi ita cecidère, ut supra viginti millia ferantur occubuisse. Ducem eorum Suiscium prælio elapsum agrestis quidam obrun- cavit. Ceteros Stanislaus Pacius Dapi- fer Lithaniæ memorabili itidem strage profligavit, tormentis insuper eorum potitus. Interiecto aliquo intervallo Parnovia, quam paulo ante occupatam à Suecis diximus, recuperata est, prodi- tione maxime Germanorum, quorum aliquot turmas Suecus exautoraverat. Pars illorum maxima excedit urbe, tan- quam

quam ad Curlandum itura, alii nescio quæ negotia prætexentes manent. Con- venerat autem inter ipsos, ut hi illos no- ctu portis apertis in urbem admitterent. Quod & factum. Ingressi enim tanquã valedicturi domum Senatoris, penes quem claves urbis, epulisque instructis commessantes hospitem ipsum vino de- ponunt. Ita clavibus potiti nocte serâ commilitones pridie egressos intromit- tunt. Fit impetus in Suecos, Germanis qui Sueco usque merebant, si quiesce- rent, promittitur impunitas. Occupa- tâ urbe arx adhuc restabat. Sed & hanc Sueci post toleratum sequimenfis obfi- dium dedidère.

VII. Sub hæc tempora rediit in Po- loniam Adamus Konarscius aureorum aliquot millia Neapoli ab Hispaniæ Re- ge ferens Augusto. Id scœnus erat pecu- niarum, quas Bona nuper mutuò dederat Hispano. Sed Regem non ita allata exhilaravit pecunia, quantum prærepta Ducatûs Barenfis hæreditas offenderat. Sanè quovis modo ob id Austriacis æ- grè facere laborans, Catharinæ uxori re- pudium denunciare machinabatur, ob- tentui sumptâ mulieris sterilitate. Quan- quam nec ex cœteris uxoribus prolem

Augu-

Augustus unquam susceperat.

Qua orbitate credo motus serió agitare cœpit, ut provincias Lithuania, per Casimirum Regesque proximos averfas, regno redderet uniretque, dudum id urgentibus Polonis. Hactenus tamen Proceres Lithuaniae obstiterant consilio, atque inprimis Nicolaus Radziviilius. Sed is recens obierat, vir maximis in Lithuania muneribus perfunctus, aliis forsanco nomine invisus, quod primus Vilnae, hominibus Calvinii nomine exosis aulam indulxit, in qua sacris suis operarentur; Bibliorumque in vernaculum translationem procuravit. Eo mortuo priscum illud Lithuaniae cum Poloniae regno fœdus renovatum sancitumque est.

Paulò post & Albertus Prussiae Dux, mortuo patre, obsequium fidemque Regi ac regno juravit. Cui vicissim Rex privilegia vetera stabilivit, addita insuper Augustanae, quam vocant, confessionis libertate, appellandique ad tribunal Regium necessitate remissa. Diversa ab hoc Gedanensium fortuna fuit, qui magistratui suo discordes, eumque peculatus reum agentes movère regem, ut mitteret iudices causam inter partes arbitra-

arbitratos, Illos metuens magistratus ægrè nec nisi certas conditiones stipulatus in urbem admittit. Quod indignè ferens Rex, pœnae loco, nova onera relictari jam non audentibus imponit, portorii, quo solus ante Senatus fruebatur, partem arario Regio addicens, porroque, injungens, causa ut ipsorum, quæ hactenus Prussiae limites non egrediebantur, in foro Polonorum disceptarentur. Usque adèò magno pleurumque constant civitatibus discordia!

VIII. Livonia lacerabatur adhuc inter variorum dominorum manus. Arcem Revaliensem Sueci proditione equitum quorundam auctore Nicolao Curselio amissam mox eodem penè mense proditione recepèrunt. Eandem paulò post Magnus Holsatiae Dux & Osiliae (quæ insula Livoniae opposita jacet) pridem Dominus, nuperque à Moscho Rex Livoniae renunciatus, aggreditur. Sed Revalienses nec Suada, qua ut Germanum principem Germani Suecis Polonisve praeferrent, monebat, nec exercitu, quo à Moscho instructus urbem circumvenerat, moti, constantia sua obfessores Moschos ad fastidium cœpti obsidii egère. Qui conceptam apud Revaliam



valiam bilem in Finlandiam Suecorum provinciam evomunt. Ubi tam improbe crudeliterque multa patrarunt, ut odium sui Germanis injicerent, quantumvis sub signis ipsorum merentibus. Inter hos Rosa equitum praefectus Derpatum invadere decreverat, ut à Moschis liberaret. Vicisset misera urbs, si vinci tum potuisset. Sed re ab illo minus cautè administratâ; nec ab oppidanis quippe ignaris consilii adjutâ, nihil aliud effectum est, quam ut in miseros cives Tyranni Moschici Johannis Basilidis tanto atrocius sæviret immanitas. Nec satiare se hic tam paucis scilicet victimis potuit. Redux domum in captivos, quos quadringentos ex Livoniâ abduxerat, quicquid audere Tyrannis potest, exercuit. Parum fuit totos greges non virorum tantum sed & puellarum puerorumque simul necare. Ingenium advocari oportuit ad excogitanda suppliciorum genera, quæ aliquid morte gravius haberent. Plenum furcis crucibusque forum fuit, passim etiam aethera aquis bullientibus, in quas vivi homines conjiciebantur, fumabant. Sed inprimis memorabilis est, quam in puellis quibusdam germanis liberalissimæ formæ

formæ exseruit, impietas: Redimere has aliqui numerato argento nitebantur. Ipsæq; pro incolumitate sua omnia tentabant: cum obstinatum viderent Tyrannum, libertate velut ultimum usuræ, immanitatē ei acerbè exprobrant, vindictam etiam cœli imprecantes. Ille virulentior factus, primum alios captivos coram ipsis aquis suffocari, vel dissecari gladiis jubet. Ipsas dein alligatas asseribus carnifices miserrimè excipiunt, ungues etiam manibus effodientes. Extractis ita, quò diutius morti velut suæ superessent, supplicii cruciatibus, cum atrocissimis questibus cœlum implerent, tandem exsectis linguis suffiguntur verubus, flammisque suppositis in cineres rediguntur. Non referam hîc, qua crudelitate Cancellariû suum mutilandum discerpendumque curaverit, non alia, quibus ante me totos libros implevêre autores. Mihi compendium scribenti satis est unum exposuisse facinus, ad monstrandam immanitatem hominis, qui Christianum nomen præferens, Phalaridas omnes anteivit.

VII. Eodem tempore apud Valachos simili ferme impotentiâ dominatum Juonia exercebat. Qui Stephani Vala-

Valachorum Principis è concubina filius, nuper in aula Johannis Firleii aulæ Regiæ præfecti (Mareschalcum vulgo vocant) famulatus fuerat. Post ad Turcarum Imperatorem delatus, Valachis Bogdanum principem ob Polonorum inprimis familiaritatem spernentibus, dignus imperio visus est succedere. Nec minuit illi amorem crudelitas apud subditos, gentem & ipsam immanem & sic quasi suos mores in alio non averſantem. Certè etiam post plurima sævitie exempla Iuoniam omni ope defendêrunt adversus Bogdanum nullâ ipsiſ cognitum injuriâ. Cæterum hunc conantem amiſſam dignitatem repetere adjutum proceres quidam Poloni ivêre. Inter quos eminebant Nicolaus Mielecius, Sienavius, Herburtus, Johannes Jordanus, Stanislaus Lanſkoronius. Sed hi terrâ hostilem ingreſſi, potentiâ hostis Turcarû viribus succincti majorê ſenſêre, quam ut ſubigi poſſet manu privata. Velitationibus tamen nec non duellis quibuſdam ſatis palam fecêrunt, invictos Turcis Polonos eſſe, cum pares paribus congrediuntur. Primam aleam Stanislaus Viſtempus ſubiit, parvus corpore, magnus animo, utroque

ita

ita firmatus, ut proſilientem provocantemq; Turcam uno venabuli icu transverberaret. Paucis poſt diebus alius è Turcis evolat, ad certamen ciens Stanislaum Ciolcum armis habituque fulgidum, adedòque præ cæteris oculos hoſtis ferientem. Qui promptus animo, & clareſcere properus, illico à Palatino Podoliae Mielecio copiam petit congregandi. Hoc pertinaciter abnuente, alicui ſaltem ex ſuis id ut permittatur, orat. Id cum impetraſſet, depoſcit ſibi certamen Paulus Chanzovius, præſentemque Turcam haſta adoritur, irritò tamen, quem alte paraverat, icu. Poſt diſtincto enſe fronti adverſarii vulnus figit, extrahentemque hærens ferrum brachiis implicat. Elapſus tamen neſcio quomodo Turca, vulnere, quod lethale acceperat, movet ſocios, ut ad vindictam proruerent. Jamque interim ad Polonum etiam duo alii accurrerant. Quibus mox magno hoſtium numero circumfuſis Herburtus & Volſcius ſubveniunt; ſecutique eos alii inſuper juſti pene prælii ſpecimen dedêre. Nam & hoſtis omni vi contra ibat. Sed ardore impetique inſtantium Polonorum, ad ipſa uſque ſtativa Valachica compulſus eſt.

Nec



Nec vero postea quoque desit rever-  
rentes Chocimum Polonos lacerare,  
magno quavis subinde detrimento suo.  
Fuit cum à Iohannis Iordani hastatis,  
velitibusque Herburti ita acceptus est,  
ut pileis cæterisque impedimentorum  
objectis, præpedire celeritatem inse-  
quentium Polonorum conaretur. Sed  
hi firmato adversus prædam animo ita  
strenue fugientibus institerunt, ut lon-  
gius etiam, quàm par forent, provecti,  
cum in alios sexcentos Turcas incidis-  
sent, magna virtute iterum pugnave-  
rint. Herburtus tum præsens vitæ peri-  
culum incurrit. Procul enim à suis inter  
Turcas ignaros vagans, cum hostem se,  
inflicto uni ex illis vulnere prodidisset,  
à duobus Turcis ex utroque latere in-  
vaditur: Unius sarissa prope equo illum  
ejecerat, nisi altera parte irruens simili  
telo hostis defluentem restituisset. Ita  
miro fati velut ludibrio, stimulati impetu  
equi ad suos pervasit.

Reversis per tot discrimina Polonis  
gratias quidem Bogdanus habuit; sorti  
tamen suæ, cui erigendæ tanta virtus non  
suffecisset, dissilius, in Moscoviam con-  
tendit, ubi & exilii molestias maturâ  
morte sinivit. Poloniam verò tum pestis  
popu-

populabatur, quâ & effectum est, ut nec  
comitia Varaviae indicta haberi potue-  
rint, & Rex ipse ab infecta urbe ire Kni-  
schinum coactus sit. Ubi assecuta eum  
mors, non illo quidem contagioso, sed  
lento pridemque concepto morbo con-  
fecit. Principem sanè moderatum, ju-  
stitiæ bonarumque artium, inprimis se-  
cretiorum amantissimum, nec bellis de-  
generem, quæ tamen plura autoritate  
amovit, quam manu patravit.

Hic

PEPLUM SARMATICUM,  
In quo Reges Poloniae ordine describun-  
tur, ex Epithalamio, quod Georgius  
Sabinus nuptiis olim Sigismundi  
Augusti Regis Poloniae cecinit,  
desumptum.

**P**rimus falcato spectandus acinace Lechus  
Texitur, argento fulgenti auroque coruscus.  
Lechus Marte satius: quo non pugnacior alter  
Regna Lycaonio tenuit subiecta Boota.  
Ille vagam silvis educit in oppida turbam,  
Claraque Sarmatia tribuens cognomina genti  
Lechinos, quorum gestabat sceptrum, vocavit.  
Torva viro facies, apicatum, more Getarum,  
Tegmen habet capiti, cristaque rubente decorus  
Barbaque supremo labro riget hispida: pendet  
Ex humero clypeus, qualem Telamonius Ajax  
Gessit, Amazonia manus est armata securi.  
Inde Palatini bis sex in sedibus altis  
Angusta gravitate sedent, populique gubernant.  
Additur his prisca Romanus origine Gracchus  
Divitis ac Marte potens: qui rege sub Anco  
Pulsus in exilium, trabeati celsa Quirini  
Mania deseruit, gelidamque profectus ad Arcton.  
Condidit auspiciis illic felicibus urbem,  
Quae vetus a Graccho duxit Cracovia nomen.  
Surgit ad hanc urbem terrenam mole sepulcrum  
Vastum, immane, ingens, quo conditus ipse  
quiescit.

Pingitur in tela savissimus alter ab illo

K

Sceptrum



# PEPLUM

Sceptra gerens Lechus, qui solus ut arbiter  
esset

Sarmatia, solus rerumque teneret habenas,  
In densis sylvis, ubi plurima lustra ferarum,  
Heu fratrem regni consortem cade peremit!  
Vulgatoque fidem patrias rumore per urbes  
Fecit, ab immmani divulgum dentibus urso  
Occubuisse. Subit scelerato Venda Tyranno:  
Qua cum mille procis, quod erat formosa, pla-  
ceret,

Innuba virgo tamen, casti sine labe pudoris  
Manfit, & atatis ver intemerata peregit.  
At non femineis calathis, non dedita molli  
Illa fuit lana: duris assueta sed armis,  
Figere terribilem longis palearibus ursum  
Frendentemque suis excire cubilibus ursum.  
Martia si quando fremuerunt classica belli,  
Laudibus insignes aquavit, & Heroinas,  
Quippe Borythenidem, debellavitque Gelonū,  
Binaq; magnanimo cum Teutone praelia fecit.  
Corniger ardebat victricis amore puella  
Vistula, cumque suo vidisset in amne lavantē,  
Mollibus excipiens amplexibus abstulit illam,  
In virreas sedes, thalamiq; in honore locavit.  
Inde figurantur multi sine nomine reges,  
Quorum fama jacet tenebris ac nocte sepulta:  
Hosque sub ignotos depingitur inclytus Heros.  
Qui fuit Ansonia Stilico gratissimus urbi.  
Belligero cataphractus equo fugientibus instat

Hosti-

# S ARMATICUM.

Hostibus ac fulgens auratis emicat armis  
Qualis ab Occidua surgens nitet Hesperus  
unda.

Et nunc victor agit Rusini castra secutos,  
Hunnosque, Mysosque, Sagittiferosq; Tomitas.  
Praelia miscentes, & acuta falce Gelonos:  
Nunc premit Asiorum caso Gildone cohortes,  
Ingeniemque facit conversa per agmina stragē.  
Haud secus ac paleis ubi separat area fruges,  
Triturante leves bove conculcantur arista:  
Sic, quacunque ruit, prosternens conterit hostes.  
Circumsusa jacent pallenti corpora letho  
Tradita: purpureusq; cruor diffunditur arvis.  
Cesar ob insignes Theodosius ergo Triumphos  
Deligit hunc generum sibi, connubioq; Serenae  
Ornat & Aeneadis praefert socer omnibus unū.  
Additur armipotens juvenis, qui dictus ab aëte  
Nomen Lesco gerit; Stiliconi sanguine junctus;  
Caesarem sed ferre jugum subesse recusat,  
Italia nequit, imperioque subesse recusat,  
Aspera Martigenis hic bella Quiritibus insert  
Pannoniūq; armis jurat auxiliariis Hunnū,  
Tunc ubi Carnorū ferus occupat Attila sedes,  
Teq; dat excidio captam, pulcherrima quondā  
Urbs, Antenoreo felix Aquileja Timavo  
Primus claustra manu reserat portasq; resin-  
jicit insandum victorq; penatibus ignē, git,  
Tristia collucet diffusis mania flammis  
Concussasque domos, impendentesque ruinas

K 2

Nym-



# PEPLUM

Nympharum textura refert, subjungitur acer  
 Genfericus, & armorum fulgore coruscus  
 Pingitur hastatos cuneos, clypeataque secum  
 Ducere bellator sub fortibus agmina signis:  
 Hesperias aquare solo, quæ spectat ab altis  
 Candida subjectas Pyrene rupibus, urbes:  
 Herculeumq; citis transmittere classibus aquor,  
 Subdere & antiquas Tyria Carthaginis arces.  
 Inde profectus iter maris, emensusq; profundū  
 Capta Quirinalis Roma dare mania præda.  
 Hic alacri vultu Lescnis imago secundi  
 Omnibus arridens precioso intexitur ostro.  
 Editus obscurâ juvenis qui stirpe parentum  
 Ardua conscendit magni fastigia regni.  
 Scilicet orba suo sedes ubi rege vacabat,  
 Et decretus erat de regno cursus equorum,  
 Hic meruit celeri victor suffragia cursu.  
 Tertiis extincto succedit Lescno parenti,  
 Bellatq; Teutonibus facientes adjuvat Hunnos.  
 Post hunc villosio deducitur horridus Vrsi  
 Tergore, Popelius, quem turpis inertia Regem  
 Occupat immodico Baccho, somnoq; vacante.  
 Ipse sedens inter cyathos, mollasque puellas,  
 Aeribus armorum præfert convivium curis.  
 Nominis ejusdem conjungitur ebrius illi  
 Filius, ignavique similimus omnia patris:  
 Hunc scelerum poenas crudeli morte luentem  
 Infesti perimunt arroso corpore mures.  
 Tum gestanda seni traduntur sceptrâ Pyasto:

Quæ

# SARMATICUM.

Qui cum iustitia vindex, & cultor honesti  
 Esset, ab incurvo (nam rura colebat) aratro.  
 Pauper ad hos regni tantos ascendit honores.  
 Indutus crudo stat adhuc perone, geritque  
 Agricola solito speciosum more galerum,  
 Inde Pyasides trahit agmina Semovitus.  
 Aclidibusque sparisque & acris densa sagittis,  
 Vandaliaq; domat populos, urbesque potentes,  
 Balthicus Arctoo quas alluit aquore Nereus.  
 Ocia quartus agit Lescno, bellumque perosus  
 Sifit & Augustæ sancit data fœdera pacis.  
 Nec minus extinctis amplecteris otia bellis  
 Semomisc: tuo tenebrasque recedere nato,  
 Excussaque dari visum caligine gaudes:  
 Editus ex utero qui cacus amabile Solis  
 Lumen, & athercos nunquā conspexerat ignes.  
 Consulis & vates, puero quid reddita caco  
 Lumina portendant: responsaque lætus ab illis  
 Accipis: insigni natum pietate futurum.  
 Filius ut Mescno sceptrum suscepit avitum,  
 De se vera probat dixisse, nec irrita vates:  
 Primus enim Christi profitetur, primus adorat  
 Et veterum cultus abolet, ritusque sacrorum.  
 Nam tum Sarmatia reges idola colentes,  
 Impia barbarico faciebant orgia ritu.  
 Cesaris ante pedes procumbit natus, Orthonis,  
 Boleslaus, & imposito diademate regem  
 Imperii se se gaudet sociumque vocari:  
 Subjicit infracto domitos hinc Marte Bohemas,

K 3

Inclu-



# PEPLUM

Inclusumq; jugis Moravum gentesque rebelles,  
 Quas umbrosa vident gelidi pineta Silesi.  
 Te quoque crudeli vastat Pomerania bello:  
 Subdita quaeque jaces argenti, Prussia, caelo.  
 Alter at ignavo similis, similisque puella  
 Mefco figuratur: mollissima purpura corpus  
 Velat, Erythraeis ornantur pectora gemmis:  
 Punicei includunt & lavia crura corhurni.  
 Cujus molliciem vitamque perosus inertem  
 Vandalus, arma capit: capit arma Bohemus  
 & acer

Qui colit Austriaca Moravus confinia terra,  
 Excitantq; jugum noluntque subesse Polonis.  
 Heu pudet ignavi quantum de Sarmata regis  
 Sub quo triste potens fecit Respublica damnū!  
 Pellitur infelix patrius Casimirus ab oris,  
 Induroque facit monachorum vota cucullo.  
 Mox de cenobio, revocatur & arma capeffit,  
 Persequiturq; trucē violento Marte Tyrannū.  
 A quo pulsus erat, regnoque exurus avito.  
 Signa feris infert Hunnis, praedamq; secundus  
 Boleslaus agit, domito bis victor ab Istro.  
 Inq; fugā turmas Moravorū vertit equestres:  
 Ingentique Scythas & Alanos cade trucidat.  
 Laudibus armorum nullis Heroibus effert  
 Inferior: si non diro correptus amore  
 (Heu scelus execrandū, heu detestabile crimē)  
 Incalisset Equae, Tyrio quam murice cultam,  
 Legiferi taurum Minois, ut uxor amavit.

Acte

# SARMATICUM.

Ac te Dive nisi pia Stanislæ monentem  
 Sacras obrunxisset acinace crudus ad aras.  
 Ergo terrificis oculis vultuque minaci  
 Sacrilegū pingunt Nympha, simulantq; tyrannū  
 Cade suas scelerare manus, in frustra que sectos  
 Projicere alitibus canibusque rapacibus artus.  
 Nulla sed impietas manet impunita: tyrannus  
 Ecce solum tristi vexatus Erinnye vertit  
 Exul, & à canibus flavum laceratur ad Istrū.  
 Huic animo mitis saevaue tyrannidis expers  
 Ladislæ subis: pugnacem strenuus acri  
 Marte Quadi, sed iusta coactus ad arma fatigas  
 Cassubium duris & cladibus afficis hostem.  
 Rebus in adversis vicino tertius Hunno  
 Boleslaus opem signis victricibus adfert,  
 Cogit & Augustas illinc dare terga volucres.  
 Navigat inde legens Arctoum classe profundū,  
 Devictisq; edit navalia praelia Cimbris,  
 Candida pudentes concurrunt vela carina;  
 Duraque missilibus fiunt certamina telis:  
 Armamenta natant, collisq; rostra per undas  
 Trāstrāq; puniceoq; rubescunt sanguine fluctus.  
 Lata Polonorum classē fortuna ruetur,  
 Praepetibusque volat circum victoria pennis.  
 Alter agit turmas hinc Ladislæus equestres,  
 Funestūq; movens proprio cum sanguine bellū,  
 Sava suis infert germanis arma tyrannus:  
 A quibus ipse tamen (sic arbitrer impia regum  
 Punit facta Deus) patrius expellitur oris.

K 4

At tie



# PEPLUM

At tu, quarte, gerens cristatâ casside pennas  
Boleslae, manus cum Casare signaq; confers:  
Casare, cui nomē dedit Ænea barba: nec horres  
Illius invictas vires animumque ferocem.  
Tertius injustis dum vectigalibus urbes  
Melco suas onerat, folio dejectus ab alto  
Luget, & amissos regni suspirat honores.  
Suscipit ejecto Casimirus fratre secundus,  
Commissaque sibi regit inculpatus habenas,  
Abrogat injustas leges, rescindit iniqua  
Que fecero truces olim decreta tyranni:  
Liberat & censu populum laxatque tributis.  
Quintus Lesco facit diverso praelia casu:  
Nunc Patrum vincit, Patrum nunc vincitur  
armis.

At dum nudus agit, corpusq; tepentibus undis  
Abluit, infelix rigidâ transfigitur hastâ;  
Lucis & usuram crudeli vulnere reddit.  
Traditur imperium post tristitia Boleslao  
Fata patris: magnas hoc rege Polonia clades  
Accipit à trucibus Scythia prædonibus, illis,  
Furva quibus dirum fecerunt Tartara nomē.  
Namque velut septem stagnantis ad ostia Nili,  
Densa locustarum nubes se concitat alis,  
Cultaque devastat plorantibus arva colonis:  
Sic vagus à Tanai, Scythiaq; paludibus hostis  
Irruit, effuso populatur & agmine latos  
Sarmatia campos: captivæque corpora ducit,  
Corpora nodosis loris & vincâ catenis.

Hinc

# SARMATICUM.

Hinc tuus affectat regnum Masovia Princeps,  
Obsidet ac veteris Conradus mania Gracchi:  
Teutones at Sexti Lesconis jura tuentes:  
Obsessis pellunt infestum manibus hostem:  
Amplaque spectate virtutis præmia grato  
A Lescone ferunt; is nam decernit ut ipsam  
Gracchi, nemo regat, soli nisi Teutones, urbem.  
Conserit Henricus pugnam, victorq; triumphat  
Hostes; sed incauto dirum bibit ore venenum,  
Quo miser ante diem perit, efferturq; feretro.  
Inde Bohemorum fortissimum arma lacescit,  
Infestatque ducem Rex Primislaus Orhonem,  
Marchia progeniuit quæ flumine mater Havelo:  
At dum lata parant motis convivium signis,  
Securus poto cum milite Sarmaticus Rex,  
Improvvisus adest per opacas Marchio silvas,  
Castraque nocte subit multo sopita Lyao,  
Stertentemq; capit regem, captumq; trucidat.  
Venceslaus adit regnum, sceptroque potitus,  
Manalio certos compestcit Pannonas arcu:  
Et gerit Alberto durum cum Casare bellum.  
Æqua sed indomitis populis dat jura duobus,  
Quos & Sarmatia gelido sub sidere tellus  
Hercynioque tenet præcincta Bohemia saltu.  
Tertius argenti rex Ladislaus ab Arcto  
Educit Litavos, & Alanos: agmine quorum  
Humida Marchiaca devastat jugera terra:  
Mox & victor obit spoliis, & cade peracta,  
Filius Augustæ Casimirus pacis amator.

K 5

Suscipit



# PEPLUM

Suscipit extincto regalem patre coronam.  
Et cum Marchiacis populis in fœdera transit.  
Regnaque facta diu latronibus in via purgat,  
Et reprimat cades, & legibus arma coercet,  
Certaque constituit dubiis fora litibus, aquas  
Prætor ubi dicat Germanica jura Polonis.  
Quin & turrigeris Gracchi sub manibus amplâ  
Ponit, & ipse suo de nomine nuncupat urbem.  
Quatuor externos & eodem tempore reges,  
Magnificis epulis, lautissimus excipit hospes  
Pannonia, Regemq; Cypri, Regemq; Quiritum.  
Inq; procelloso dominantem marmore Danum,  
Ampla dat Ausonio regi quoq; dona, suamq;  
Legitimo thalami conjungit fœdere neptem.  
Post hunc Sarmatiae Ludovicus frans capeffit.  
Qui genus à prisco se Paone ducere jactat,  
Paone, ceruleus regnum cui subdidit Ister.  
Nec virtute tamen minus est quam sanguine  
clarus.

Magno victor agit, Litavos certamine fusos.  
Hic duo faminei, Ludovicus, pignora sexus,  
Corpore præstanti, castoque pudore relinquit:  
E quibus egregia Litavus de stirpe Iagello  
Ipse sibi jungit tædis solennibus unam.  
Et dotale capit nuptâ cum virgine regnum.  
At prius abluitur caelestis fonte lavacri,  
Proque Iagellonis sibi nomine, nomen adoptat  
Ladislae tuum: namque impius ante nefandos  
Dirorum cultus, & barbarâ sacra colebat.

Ergo

# SARMATICUM.

Ergo piâ Christum nunc religione professus,  
Præcipit excindi lucos, Anguesque necari,  
Indigenâ Litavi quos numinis instar adorant.  
Erigit instaurans & dulcibus atria Musis,  
Hic, ubi flavescentes celer Istula volvit arenas.  
Rege sub hoc vertunt infestis terga Polonis  
Candida qui gestant Mariani pallia fratres:  
Innumerique cadunt adverso Marte perempti.  
Se vidisse negat Trasimenus & Allia tantâ,  
Accipit infelix hic quantam Prussia cladem.  
Haud secus ac nivibus madet humida terra  
solutis,

Dura relaxantur cum frigora, tempore veris.  
Sic undante natat, casorum sanguine campus.  
Ipse triumphalem prostrata per agmina currit  
Latus agit victor, spoliisque exultat opimis.  
Tamque senex reddit languenti corpore vitam,  
Et sua sceptrâ, puer, tibi, Ladislac, relinquit.  
Egregia vero tu præditi indole mentis  
Indigenas tanta populos cum laude gubernas.  
Te quoque Danubii declaret ut accola Regem.  
Ergo amplis opibus, fretusq; potentibus armis,  
Ipse tuis annis, majoraque viribus audes.  
Ingressus Macedum numerofo milite fines  
Ponis in Orphei tentoria saltibus Æmi.  
Non te nubifera rupes, non sæva retardant  
Frigora, quaq; cadunt altis de montibus amnes:  
Donec Amurhates ad Varnam Turca paludê  
Te cohíbent tandem victoribus exuit armis:

Bis



# PEPLUM

Bis tamen impulsos cogis dare terga, bis hostes  
 Difcus, ante tuo vitam quā sanguine fundis.  
 Heu miserande puerite clara Borysthene tellus  
 Te cum Danubio pater Istula luger ademptū.  
 Limosq; gemunt Varna sub gurgite Nympha.  
 Post ducis interitum funestaque praelia, tradit  
 Regia Sarmatia Calimiro scēptra senatus,  
 Hic vero nemorum studiosus tempora quercu  
 Cincta gerit, latogue tenens venabula ferro,  
 Aut venator agit pavidos in retia cervos  
 Scitigeros aut figit apros: comitantur euntem  
 Rippaique canes, armillatique molossi  
 Attamen armorum praesert venatibus artes  
 Et capit ereptas Marianis fratribus urbes.  
 Inde subis patri, magnūque sub arma coactū  
 Ducis Ioannes Alberte binominis agmen,  
 Uturusque necē Patruī, quem Varna perēptum  
 Abstulit: instauras in saevos praelia Turcas.  
 Et jam signa moves, jam barbara vertere cogis  
 Terga, sagittifero Dacos & Iazygas arcu:  
 Cum gravis affligit te morbus & exigit aeo  
 Ne praesentis agas suscepta negotia belli,  
 Tristia lugubres faciunt tibi funera Musa:  
 Nam tu Callimachū, genuit quē Thuscia vatē  
 Dulcia Pieridum tangentem plectra, fovēbas,  
 Edidit Alexander variis spectacula ludis: (bis  
 Gymnica nunc levibus certamina ponit ephē-  
 Cerporis exercent agili qui membra palastrā.  
 Nunc pugna simul, tra ciet sub equestribus  
 armis

Gaudet

# SARMATICUM.

Gaudet in circo concurrere grandibus hastis.  
 At non hostili sine sanguine ludicra semper,  
 Seria, sed miscet duri quoque praelia Martis,  
 Fortibus ulciscens armis perjuria Mosci,  
 Proxima nimbo Borea loca cadibus implet:  
 Terrarūq; vagos Scythica de gente latrones,  
 Rippaos ultra montes, Tanaimque repellit.  
 Hinc atate gravis dat regia iura Polono  
 Cana Sigismundus diademate tēpora cinctus.  
 Moschorūq; Ducē, quā flava Borysthenis errat  
 Vnda, rebellantem, memoranda clade coercet.  
 Victor Hyperborea comescit & agmina gentis,  
 Taurica quam tellus pharetrata culta Diana  
 Educat, humana gaudentem sanguine cadis.  
 Nec minus à patrio degressum limite Dacum  
 Arcet, & edentem crudelia funera, sternit,  
 Hic, ubi spumoso per inhospita saxa volutus  
 Labitur amne Tyras, dirimensq; rapacibus  
 undis  
 Sarmatia fines Dacorum separat oris.  
 Quin parere sibi veteresque subesse Borussos  
 Cogit, odora legunt qui succina nata profundo.  
 Inque suā redigit ditonem, quicquid habebat  
 Inclyta nobilitas Germani sanguinis illic.  
 Ecce autem tristē defunctā coniuge luctum  
 Percipit, Humorū veteri quā sanguine cretā  
 Carpathis ediderat prope fontē Nympha Ty-  
 Iaq; sua postquā conforti iusta peregit, (bis ci.  
 Vritur igne novo: fixusque cupidinis arcu

Dulcia



# SARMATICUM.

Dulcia Sphortiadis connubia virginis ambit :  
 Inter Iapygias quâ pulchrior altera Nymphas  
 Non fuit, aut animo præstantior: esse fatetur  
 Hanc sibi consilio Iovis edita vertice Pallas,  
 Ore Venus, gravitate parem, Saturnia Iuno.  
 Ducitur in thalamum regali nupta paratu,  
 Qualiter Emonio Nereia sponsa marito  
 Est adducta Thetis, nuptibus comitata Latinis  
 Turba puellarum sequitur: quæ Daunia tellus  
 Priscaque miserunt longinqui mania Barri.  
 Parvus ad extremum puer his intexitur actis  
 Sceptra Sigismundus regni gesturus aviti;  
 Qui teneras inter forma præstante sorores  
 Candida circumdans materno brachia collo  
 Ludit, & Augusti cognominis omine gaudet.  
 Idem florentes iam puber ut induit annos,  
 Excipit amplexu consortem sponsus Elissam:  
 Cæsareos quæ monstrat avos, ducitq; paternum  
 Regibus orta genus, quos ditibus Austria terris  
 Edidit, ac rerum dominos Germania fecit.

IN-

# INDEX RERUM

Insigniorum.

- A**cademia Cracoviensis instituta. 127  
 Academici Cracovienses discedunt  
 seditione moti. 197-198  
 Adalbertus Gnesnensis Archiepiscopus in Prus-  
 sia occiditur. 27. ejus cadaver Gnesna  
 sepultum miraculis nobile. *ibid.*  
 Albertus Marchio Cruciferorum magister  
 bellum movet Sigismundo. I. 183  
 inducias facit. 185  
 fit Vassallus Regni Polonia. 187  
 damnatur in Concilio Trident. 196  
 Alexander Rex. 168. ejus prodigalitas. 173  
 Ambitio potens malum. 158  
 Amicitia firma exemplum Vladisl. Her-  
 man. 48. Lescus Albus. 77  
 Amurathis bella in Vngaria. 141. victoria  
 ad Varnam, 143  
 Annullum Scarbicus in thesaurum Ca-  
 saris projecit. 52  
 Aquila insigne Polonia. 2  
 Archiepiscopatus Gnesna institutus. 24  
 Leopoliensis. 119  
 Auxiliatores sæpè magis quàm hostes rimèdi.  
 79  
 B.  
**B**arenensis Ducatus Augusto ab Hispano  
 præripitur. 205. 207  
 Ioh

# INDEX

Ioh. Basilidis Moschi crudelitas in capti-  
vos, inprimis virgines aliquot. 211  
Bela Vngaria regnum à Boleslao Aud. re-  
stituitur. 38. perit casu. 39  
Belzenfis Dux domitus. 115. 119  
Bobricii virtus. 144  
Bogdanus à Valachis rejicitur. 212  
ei opem ferunt Poloni. 212. 213. 214  
Bohemicum bellum. 37  
Bohemia externis Regibus subicitur. 98  
Bohemi Iagelloni se subiicientes repudian-  
tur. 133  
Bohemi Casimiro regnum deserunt. 138  
Boleslaus Chrobri Primus Rex. 264 in Bo-  
hemos movet. 28. in Russos. 28. in Saxo-  
nas. 29. exemplum optimi Regis. 30  
Boleslai Audacii pulchra initia. 36. bellum  
Bohem. 37. Vngaricum. 38. Russica. 38.  
39. 40. degenerat. 42. S. Stanislauum oc-  
cidit. 43. & seipsum postea exul. 44  
Boleslai Crivousti pueri res gesta 49. bel-  
lum Bohemicum duplex. 50. 51. Pomerani-  
cum. ibid in fratrem mansuetudo. 53.  
parricidium. 54. bella cum Casare 52  
pugna in Campo Canino 53. Russica  
bella. 56. 57. fraude vincitur 58. ex  
merore obit. 59  
Boleslai Crispi cum Conrado Casare trans-  
actio

# RERUM.

actio & post bellum. 63. 64. cum Fri-  
derico Barbar. 65. à Pomeranis clades. 65  
Boleslai Pudici castitas. 80. fuga in Vnga-  
riam. 82. in eandem seditio. 85. cala-  
mitates. 86  
Bona xfortia in Italiam abijt invito filio.  
202. moritur. ibid.  
Ioh. Bonerus. 174  
Buda fraude à Solymanno capitur. 193

# C.

Callimachus Italus in Polonia beni-  
gnè habetur. ibidemque obit. 162  
Nicol. Camienicius profigat Valachos.  
177. & Tartaros. 178  
Cannensi similis clades à Tartaris. 81  
Caninus Campus unde dictus. 53  
Casimirus I. è monasterio ad regnum vo-  
catur. 33. ejus prudentia & forisendo. 34  
Casimirus Crispi frater respuit prin cipat-  
um. 67. 69. percussus à Conario ignoscit  
percussori. 69  
Casimiri Magni ingenium quietum. 110.  
Russiam Polonia jungit. 111. leges condit  
& jus Magdeburg. introducit. 112. Lu-  
dovicum Vngarum adoptat. 112. Pater  
plebejorū dictus 113. nuptias cognata mā  
gnificas struit. 115. ex casu moritur. 115  
Casimirus III. regnum diu recusatum re-  
cipit. 146. Pruthemos in obsequiū suscipit



# INDEX.

147. bellum ejus cum Vngaris.	156
mors prodigiis significata.	160
Georgius Chodkievicius Moschos profligat	
260	
Christina uxor Vladislai maritum incitat	
in fratres.	60
Sendivovius Ciarncovius.	172
Stanisl. Ciolcus provocatus in duellum	
prodire prohibetur.	213
Clemētia fortitudine interdū potentior.	71
Colūnas in Sala flumine ponit Chrobri.	29
Cometes sub Lesco Albo.	76
Ioh. Conarius inter ludendum Casimi-	
rum principem percutit.	69
Adamus Conarscius Legatus Neapoli re-	
dit.	207
Concilium Tridentinum.	193
Ioh. Coniecpolius Regni Cancellarius.	147
Conradi Imperatoris in Asiam, & post in	
Poloniam expeditio.	64
Contemptus hostis noxius.	150
Cracovia condita.	5
Cracus abnuat principatum, susceptum pa-	
cat 5. Draconem conficit. Cracoviam	
condit. ibid.	
Cruciferi pulsi ex Asia recipiantur à Con-	
rado Masovio. 79. vocantur in auxi-	
lium contra Marchiones. 100. arcem	
Gedanensem sibi usurpant. ibid. & max	

# RERUM.

Pomeraniam totam. 101. eorum ava-	
ritia & ingratitude. 106. magno pralio	
vincuntur à Lothico. 108. iterum à	
Iagellone. 130. paciscuntur cum Iagel-	
lone. 132. redeunt ad hostilia. ibid.	
transigunt cum Casimiro. 111. 153	
Crudelitatis Moschica exempla. 210. 211	
Crusphicia sedes principū. 13. deseritur. 19	
Cunigundis illibata castitas. 80	
Curlandia Ducum initium. 204	
D.	
Dantiscana arx à Cruciferis usurpa-	
tur. 100	
Dantisci turba. 201. ob religionē. 180. 186	
Dantiscanorum privilegia. 148	
Dantiscanus Magistratus à Sigismundo	
Augusto castigatur. 209	
Derpatum miserrimè habitū à Moscis. 210	
Disciplina militaris inchoata. 20. restau-	
rata. quam utilis. 128	
Discordia in Electione Regum. 168	
Ioh. Dlugossius historia Polon. scriptor. 152	
Dolus Russorum. 58. Valachorum. 113	
Draco confectus. 5	
Duella bina Polonorum cū Turcis. 212. 213	
Petri Dunini jocus infelix. 61. 62.	

# E.

Electio Regum libertatis nutritrix. 168	
Elizabetha Ludovici Vngari filia. 122	

# INDEX

nubis Iagelloni.	123
Eſtera ob pudicitia dicta Sigism. I. uxor.	182
Expeditio publica sub Sigism. I.	191
F.	
F Ames in Polonia sub Casim. M.	114
Felicitas periculosa.	44
Fidem ſervare quorum principum.	74
Nicol. Firlejus Caſtell. Cracov. & Dux exerc.	157.
Palatinus Lublinenſis & Dux exercit.	175. 183
Fiſci avaritia ſub Miecislao ſene.	67
Fraudes cautos homines faciunt.	58
Fridericus Cardinalis ſrater Alexandri Regis.	168. 169
Friderici Barbaroſſa in Poloniam expedi- tio.	64
G.	
Georgius Bohemorum Rex.	154
Germani unde in Polonia ſubmon- tana.	113
Gladios Poloni ſtringunt inter ſacra.	25
Michael Glinſcius turbat Lithuaniam.	170
conſpirat cum Moſcho.	175
Gneſna condita.	2
Gothofredus Keſlerus Curlandia Dux creatur.	204
Guilielmus Auſtriacus ambit Elizabe- tham Iagelloni poſtea nuptam.	123
Hab	

# RERUM.

## H.

Hab dankiorum familia nomē unde.	53
Halicia & Halicienses.	58. 70. 77
Halicia archiepiſcopatus.	119
Ioh. Herburti fortitudo & pericul.	213. 214
Heroum filii degenerant.	32
Ioh. Hunniades.	141

## I.

I Agello Vladislaus Chriſtianus fit. reli- gionem in Lithuania propagat.	125.
ejus cum conjuge diſcordia.	126.
Aca- demiam Cracov. inſtituit.	127.
Victoria de Cruciferis inſignis.	130.
Regnum Bohemia reſpuit.	133.
à Vitoldo inceſ- ſitur.	133. 134
Iaropelcus capitur, diſmiſſus ulciſcitur in- juriam.	57
Ia zyges 83. internecione pereunt.	88
Iniquitas humana in ſe & fortunam.	59.
Iocandum caute cum Dominantibus.	162
Iohannes Albertus Rex 161. inſelicititer in Muldavos movet.	163.
cum fratre bel- lum gerit.	158
Iohannes Scepuſtus Sigism. I. affinis.	181.
ambit Vngaria regnū.	188.
moritur.	192
Iohannes Finlandia Dux à fratre Erico carceri includitur.	206
Iohannes Lucelburgicus Rex Bohem. Sile- ſiam	



# INDEX.

*siam sibi subiecit.* 103. *dat Pomeraniam Cruciferis nullo jure.* *ibid.* *Polonis inimicissimus.* 111  
*Ivonia Valachorū Principis crudelitas.* 211

## K.

**K** *Arnkovius Andreas.* 198  
*Kiovia expugnata.* 41. *Capua fit Boleslai Audacis exercitui.* *ibid.*  
*Petrus Kmitha Palat. Cracoviensis.* 197

## L.

**L** *Echus primus Polonorum Princeps.* 1  
*ejus res gesta non prodita.* 1. 2  
*Lechus II. fratrem occidit* 6. *exulat.* *ibid.*  
*Legati Provinciales instituuntur.* 153  
*similes potestate Tribunis Romanis.* 153  
*Legatus violatur.* 135  
*Leges olim nulla principibus.* 1. *à XII. Palatinis lata non scripta.* 4  
*Raphael Lescinius.* 185  
*Lescus II. ludicro cursu ad principatum pervenit.* 11. *optimè administrat res, prioris fortuna memor.* *ibid.*  
*Lescus III. patri virtute similis, Caroli Magni fœderatus.* 12  
*Lescus IV. Pacificus.* 21  
*Lesci Albi pueri lites cum Miecislao patruo* 72. 73. *in Govoricium fides.* 77  
*Lesci Nigri bella cum Russis, Silexis, Lithua-*

# RERUM.

*thuanis* 87. 88. 89. *in Cracovienses.*  
*gratitudo.* 90. *vindicta in Masovios infelix.* 91  
*Limitaneus miles conscriptus.* 174  
*Lithuania cum Polonia unio.* 123  
*renovata sub Sigism. Augusto.* 208  
*Lithuani funduntur.* 88. 89  
*Livonia dissidiis laborat.* 203. *à Mosco oppugnatur.* 204. *jungitur Polonia regno.* *ibid.*  
*Ludovicus Vngarus Rex Polonia.* 116. *Ca-*  
*simiri M. filias abjicit.* 117. *matrem sibi vicariam facit.* 118. *Russiam Vngaria jungere molitur.* 119. *Artium liberalium patronus.* 120. *habitu dissimulato inquiri in mores suos.* 120  
*Ludovici Vngaria Regis ad Mohacum clades & interitus.* 188

## M.

**M** *Ajestatis causa non retractant facta Reges.* 185  
*Marchia vastatur.* 86  
*Marchiaci proditione Pomeraniam occupant.* 94. *vendunt Cruciferis.* 102  
*Maslus Masoviam occupat.* 33. *debellatur & suspenditur.* 35  
*Masovia Vngaria regno accedit.* 188  
*Matthias Vngar. Rex.* 154. *ejus bella cum Polo-*

# INDEX

Polonis & Bohemis.	155. 156.
Mathematici presagium de periculo Augusti.	201
Maximilianus I. Caesaris offensam Sigisf. I. & reconciliatio.	181
Miecislavus primus princeps Christianus, 24	
cacus natus subito visu donatur.	22
Miecislavus II. filius Boleslai Chrobri de gener.	31. 32
Miecislavus senex cur ita dictus. 67. principum subinde amittit & recipit. 68.	
74. 75	
Nicol. Mielecius Palatinus Podol.	212. 213
Miesco Bolesl. Audacis filius.	45
Moraviam occupat Chrobri. 28. amittit ejus filius.	31.
Nicol. Moscorovius Procancellarius.	125
Moschicum bellum sub Alexandro.	169
sub Sigismundo I.	175. 178
Mucha latrocinatur in Russia.	160
Muldavi ad Obertinum à Ioh. Tarnovio caduntur.	189
Muldavicum bellum sub Sigism. I.	191
Mures Popielum II. devorant.	17

## O.

Iohan. Oleſničius Mareſchallus ſcité diſſidium pacat.	137
Omina quando obſerventur maximè.	163
Orichovius calibatu oppugnato turbat	

# RERUM.

turbaturque.	200
Constant. Ostrogii Victoria de Tartaris.	
178. de Moschis.	179
Sendivog. Ostrogogius.	139
P.	
Stanisl. Pacius Moschos proſligat ſub Sigism. Auguſto.	206
Palatini XII. imperant, leges condunt, decemviris Rom. ſimiles 3. degenerant 4. iterum imperant poſt Vendam.	8.
Palatinus quidam pudore ignominia ſe ſuſpenderit.	59
Palatinus Cracoviensis Caſtellano poſtpoſnitur.	55
Parnavia à Polonis recuperata.	206
Pater ruſticorum dictus Caſmirus.	113
Paulus Polucoſius Epicoſpus ſeditionem movet ſub Pudico & Nigro.	84. 89
Perſidia exemplum.	74. 75
Peſtis in Polonia.	114
ſub Sigism. Aug.	215
Piaſtus pauper ad ſceptrum vocatur non ſine miraculo. 17. regnat optimè. 18. longa poſteritate felix. ibid.	
Plica morbus unde vulgò orta credatur.	91
Polonia ob Boleslai Audacis cadem excommunicata à Pontifice.	43
Poloni glaſios ſtringunt inter ſacra.	25

## L

Pome.



# INDEX

<i>Pomerania ulterior divulsa à Polonia regno.</i>	79.
<i>altera proditur Marchionibus.</i>	99. occupatur à Cruciferis. 100. 101
<i>Pomeranicum bellum sub Audace.</i>	37. sub Crispo. 65. 66
<i>Pomerani victi convertuntur ad Relig. Chr.</i>	56
<i>Popielus Major degener.</i>	13. Crussphiciam habitat. ibid.
<i>Popielus Minor utriusque mancipium, &amp; uxoris</i>	14. patruos veneno necat. 15. à muribus consumitur. 16
<i>Premissi aurifabri stratagema.</i>	9. electio in Regem. ibid.
<i>Premissus Majoris Polonia Dux Regium nomen resumit.</i>	93. occiditur. 94
<i>Privilegia quo tempore plerumque dentur.</i>	112
<i>Proditorum fatum.</i>	58
<i>Provisores in Polonia sub Vladislao.</i>	111. 138
<i>Prussicum bellum sub Casimiro princ.</i>	71
<i>sub Vladislao Hermann.</i>	46
<i>sub Sigism. I.</i>	184
<i>Prussi tributarii Polonis.</i>	29
<i>dedunt se Casimiro III.</i>	148
<i>Prussorum Privilegia.</i>	148
<i>tribunal &amp; controversia quadam discussa sub Sigism. I.</i>	184
<i>Prussia Orientalis ut feudum Polonia Alberto Marchioni ceditur.</i>	187
<i>Nicol.</i>	

# RERUM.

## R.

<i>Nicol. Radziwillius Palat. Vilnensis Litvoniæ, nomine Regis Poloniae, regno jungit.</i>	204. profligat Moschos. 190. 206
<i>Regium nomen ob Boleslai Audacis facinora desitum in Polonia, resumitur à Premiso.</i>	93
<i>Religio Christiana in Poloniam introductur.</i>	24
<i>Religio inter obstacula crescit.</i>	202. coacta nunquam bene respondet. 65
<i>Revalia à Magno Holsatia Duce obfessa.</i>	209
<i>Ioh. Rithuanus carpit liberè Regem.</i>	151
<i>Russi sub Lesco Nigro funduntur.</i>	87.
<i>juncti Tartaris depradantur Polonia.</i>	83
<i>Russia Polonia innexa.</i>	111
<i>S.</i>	
<i>Sacrilegium duorum Lithuanorum puniuntur.</i>	129
<i>Nicol. Sarlejus.</i>	149
<i>Sbigneus Crivousti frater ab hoc occiditur.</i>	54
<i>Scarbitus legatus annulum in thesaurum Caesaris projicit.</i>	52
<i>Scarbimirus Palat. Cracov. excacatur.</i>	55
<i>Scepulii urbes quadam oppignorantur Iagelloni.</i>	132
<i>Seechi Palat. Cracov. res gestæ.</i>	46
<i>superbia 47. exilium.</i>	48
<i>L 2</i>	<i>Sedi.</i>

# INDEX

<i>Seditio sub Crispo.</i>	66.	<i>sub Casimiro.</i>	70.
<i>sub Pudico</i>	85.	<i>sub Lesco Nigro</i>	88
<i>Lothico</i>	101.	<i>sub Ludov. Vngaro.</i>	118
<i>sub Sigism. I.</i>			191
<i>Seditio Lithuanorum.</i>			191
<i>Severienſes ſeditioſi compeſcuntur.</i>			159
<i>Nicol. Sienavius.</i>			191
<i>Jacob. Sienianius à Rege infeſtatur.</i>			151
<i>Sigismundus I. Rex creatur.</i>	174.	<i>bellum ejus Moſchicum.</i>	175.
		<i>alterum.</i>	178
		<i>iter ad Maximil. I. Caſar.</i>	181.
		<i>bellum Pruſſicum.</i>	183.
		<i>Muldavica Viſtoria.</i>	191.
		<i>mors.</i>	194.
		<i>virtus corporis &amp; animi.</i>	194
<i>Sigismundus Auguſtus ſuccedit patri.</i>	196		
<i>matrimonium init cum Radziwillia.</i>			
<i>ibid. laborat hinc invidia.</i>	197.	<i>periclitatur Regiomonti.</i>	201.
		<i>ducit Catharinam Auſtriacã.</i>	201.
		<i>moriuntur.</i>	215
<i>Sigismundus Marchio ambit Regnum Polon.</i>			121
<i>Sileſia divulſa à Polonia regno.</i>			65
<i>Sileſia quibus modis Bohemis ceſſerit.</i>	103		
<i>Sileſii diſcordes.</i>	85.95.		
<i>Skirgello Lithuania præfeſtus.</i>			125
<i>rejeſtus Cruciferis ſe jungit.</i>			126
<i>Smolenſcum obſidetur à Moſcho &amp; prodicione capitur.</i>			179
<i>Soles duo conſpecti.</i>			160
		<i>Soli.</i>	

# RERUM.

<i>Solimanni Viſtoria ad Mohacum.</i>	188
<i>Stanislaus vir ſanctus Regem caſtigat.</i>	43
<i>ſuſcitat miraculoſe Petricum mortuũ.</i>	43
<i>occiditur à Boleslao Audace.</i>	ibid.
<i>Stanislaus Viſtempus cum Turca duello congregiuntur.</i>	213
<i>Stratagema Premisli.</i>	9
<i>Struſſii fratres pereunt glorioſe.</i>	170
<i>Suentopelcus Pomeraniam à regno Polonia avellit.</i>	79
<i>Floriani Szarii vulnus &amp; dictum ad Lothicum Regem.</i>	108
T.	
<i>Ioh. Tarnovius Caſtell. Cracov.</i>	197.199
<i>contra Turcas mittitur.</i>	186.
<i>Viſtoria præclara poſitur de Muldavis &amp; præmio raro.</i>	189
<i>Tartari qualiſ gens</i>	78.
<i>eorum in Tauricam Cherſoneſum adventus, &amp; inde in Ruſſiam.</i>	78.
<i>eorum irruptio ſub Pudico multiplex.</i>	81.
<i>saccos novem auribus Chriſtianorum implent.</i>	81
<i>Eorum irruptio ſub Lesco Nigro.</i>	91
<i>Viginti millia Virginũ abducunt.</i>	ibid.
<i>aquas inſciunt.</i>	ibid.
<i>irruptio alia ſub Vladisl. III.</i>	139.
<i>ſub Ioh. Alberto.</i>	161
<i>de iis ſub Alexãdro victoria inſignis.</i>	172
<i>Ioh. Tencinius.</i>	139.
<i>Palat. Sandomir. leges novas defendit.</i>	199



# INDEX.

<i>Trepka secretorii inter tormenta tenax.</i>	179
<i>Tributum extraordinarium.</i>	80
<i>Tributa nimia sub Miecislao sene.</i>	67
<i>Turca vincuntur.</i>	41. vincunt ad Varnam
145. gelu puniuntur divinitus.	165
Budam occupant fraude.	192
<i>Turcarum quorundam duella cum Polonis.</i>	
V.	212. 213.
<b>V</b> alachia inter Turcas & Polonos vacillat.	162
<i>Valachi crudelitatem Principis non avertantur.</i>	212
<i>Valachicum bellum sub Ioh. Alberto.</i>	162
sub Sigis. I.	177
<i>Valachorum dolus</i>	113. 164. irruptio gravissima. 165. alia sub Alexandro. 169
<i>Varnensis clades Vngarorum.</i>	144
<i>Venceslai duo Polonia Reges.</i>	96. 98
<i>Venda, virgo mascula, pro cum respuit.</i>	7.
seipsam in Vistulam precipitat.	8
<i>Veringus Consul. Cracov. excipit quatuor Reges.</i>	114
<i>Vicinus malus quanta calamitas.</i>	108
<i>Vienna obsessa a Turcis.</i>	158
<i>Vitoldus seditiones movet.</i>	125. regnum ambit & propè accipit.
	131. 134
<i>Vladislai Lothici in Silesios bellum.</i>	95. dejectione de principatu & exilium.
	96. 97
<i>restitutio.</i>	98. Oratio ad suos.
	104.
<i>Vitlo-</i>	

# RERUM.

<i>Victoria inensis de Cruciferis.</i>	108
<i>Encomium.</i>	109
<i>Vladislaus Crivovus successor iniquus in fratres.</i>	60. fugatur regno.
	62
<i>Vladislaus Hermānus Audaci succedit.</i>	44
<i>Seczechum agrè deserit.</i>	48
<i>Vladislaus Casimiri III. filius Bohemorum Rex.</i>	155
<i>Vladislaus III. puer regno inauguratur</i>	
137. Vngaria regnum agrè suscipit.	139
perit ad Varnam.	145
<i>Vngaricum bellum sub Bolesl. Audace.</i>	38. 40
<i>Vngarorum ad Varnam clades.</i>	145
ad Mohacum.	188.
Z.	
<b>Z</b> abrezius Lithuania Marechal-lus.	175
<i>Zamosciana familia insigne.</i>	109
<i>Ioh. Zamoscius.</i>	109
<i>Stanisl. Zamoscius.</i>	205
<i>Zaremba persequitur Cruciferos.</i>	184
<i>Ioh. Zborovii fortitudo in Moschos.</i>	205
<i>Nicol. Zembocii uxor castitate laudata.</i>	41
<i>Ziemomislus quietis amans.</i>	22
cacum filium suscipit.	23
<i>Ziemovitus ordines militares instituit, vir fortissimus.</i>	20
<i>Ziemovitus Masovia dux.</i>	122.
F I N I S.	

# CORRIGENDA.

Pag. Lin.

20. 10. temperare.

30. 22. cuiusquam.

31. ult. virtute, stirpe  
Regia Ungari.

34. penult. sed ut à.

61. ult. Dobello.

ibid. linguaque.

62. 9. procerum.

65. 8. Silesia.

71. 7. *muta comma*

*sic*, coercuit metus,  
admiratio &c.

79. 14. 15. *sic corrige:*

formidabiles fiant

vocati in auxilium

populi, quàm fue-

rant hostes, contra

quos vocabantur.

80. 24. Zavichostū.

81. 6. 7. Ratiborix.

21. Romanæ.

85. 19. provinciæ,

92. 4. *pro, miles vero,*

Et miles prædator.

107. 23. *ita malim:*

enifurum dubito, ut.

118. 16. *malim omitti*

*illa:* ægrèque fiunt.

minores &c.

119. penult, comma

post, cum,

121. antepen. alii.

122. antepen. adde-  
bat.

128. penult. obsequii.

144. 17. 18. *malim ita:*

interim morâ tor-

pescere animi, &

coorta &c. raptari:

cum veniens tan-

dem &c.

148. 19. exciperent.

158. 10. *post*, negotio,

*dele*, que.

161. antep. quem.

190. 1. *bis*, dicere, *dele*

*alterum.*

196. 16. Stanislai.

202. 1. inturbidos.

198. *pro* Scholasticos

*pone* Studiosos. ne

fortè offendantur,

quorū honorē qua-

ro, & gratiā æstimo.

203. 17. Archiepi-

scopum.

205. 22. Parnaviæ.

207. 15. sesquimēsis.

208. 22. insuper.

214. 11. foret.









